


Djesuwalaŋuwuy
latju' dhäwu'
Markkuŋu wukirriwuy



The Gospel According to Mark in the Dhuwaya language of
Australia

Djesuwalaŋuwuy latju' dhäwu' Markkuŋu wukirriwuy

The Gospel According to Mark in the Dhuwaya language of Australia

copyright © 2019 Bible Society of Australia

Language: Dhuwaya

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2021-11-12

PDF generated using Haiola and XeLaTeX on 11 Nov 2022 from source files dated 30 Sep 2022
68377831-bb17-5d40-b5bf-f788ffbc0d1e

Contents

Mark	1
Romans	70

Djesuwalaŋuwuy latju' dhäwu' Markkuŋu wukirriwuy Mark

¹ Dhuwayatja latju'na yana dhäwu'. Ga dhäwu'ya dhuwaya God-Wanjarrwalaŋuwuy Gäthu'minjuwalaŋuwuy,* ga yäkuya ɳayi ɳunhi Djesu. ɳayiya dhuwaya Christnha, Maŋutji-lakanhawuŋha ɳunhi ɳayi God-Wanjarryu lakanjaya ɳäthiyi. Ga dhäwu'ya nhanukalaŋuwuy gurra bitjan gam' ɳurru-yirr'yun:

*John-dhu ɳunhi buku-lupthunamiyu dhukarr-warkthuna Djesuwu
(Matthew 3:1-12, Luke 3:1-18, John 1:19-28)*

² Yaka ɳayi ɳunhi Djesuya ɳurru-yirr'yuna djäma, yurru God-Wanjarryu ɳunhi linygu djuy'yuna yolŋuna yäkuna John-na. ɳayi ɳunhi John-dhu riwal'yunaya dhukarrya nhanju Djesuwu. Ga ɳäthiyi ɳayi bili God-Wanjarryuya djuy'yuna nhanjuway djawarrk-mina yolŋuna yäkuna Isaiah-na. Ga bitjaya ɳayi ɳunhi ɳäthiyiya wukirri gam':

"Näku waya! Dhuwaya ɳarra gurra djuy'yuna yolŋunaya dhäwu'minaya ɳarrakuway. ɳayi yurru dhukarrnha riwal'yun nhunjuna."*

³ Ga marrtjiya ɳayi yurru ɳunhi yolŋuya ɳunha wiranjhi wäŋayi yolŋumiriwyi ga ɳunhayana ɳayi ɳuli djawarrkthuya, 'Bukmak yolŋu bawalaminu, gatjuy ɳamaŋamayunmina nhanjuya Garrawuya.

Dhukarrya dhunupakuŋuna, gumurr-ɳamathina nhanju."**

⁴⁻⁶ Ga ɳunhiya yolŋu yäku John-dja ɳunhi Buku-lupthunamiya yolŋu. Ga nhinanaya ɳayi gurrana ɳunhi guŋnharrana yana yolŋumiriwnha ɳunhaya wäŋanju yäkuŋu galki mayaŋ'nu Jordan. Ga girri'ya ɳayi ɳuli dhaṭṭhunminya camel-waya bulka'yu, ga biral'ya nhanju wäyin barrwan djämawuy ɳayi ɳuli nherrana. Ga ɳathaya ɳayi ɳuli lukanha ɖetjnha ga gukuna. [John-dja gurrana ɳunhi nhinana bitjan ɳayi God-Wanjarrwuna djawarrkmi yäku Elijah ɳunhi ɳayi gurrana nhinana ɳäthiyi.]*

Ga balanyamiyu, gulku'na ɳunhi yolŋuya waya marrtjina beŋuyu Jerusalem-ɳuyu ga birrka'minu wäŋanju beŋuyu Judea-ɳuyu makarrŋuyu, marrtjina ɳaynu John-guna bunana. Ga marrtjina waya ɳunhi, bili waya gurrana djälmiyina waya yurru nhäma ɳanya, ga ɳäma nhanju dhäwu' nhattjan ɳayi gurra marŋikuma. Ga bitjayanu ɳayi gurrana wayana waŋanaya, "Way, waya, lakanjuna warraŋulkuŋuna nhumaŋgu yätjtja mala, ɳaynu bilyuna, ga gunha'yuna, märr ɳayi yurru God-Wanjarryuya nhumaŋgu bäy-lakamana. Djalkthuna waya dhuwayi yätjtja mala bala buku-lupthuna märr yurru ɳunhi ɳuriŋiya maŋutji-lakama ɳunhi nhumaya linyguna bitjan latju'na."

* **1:1** Yaka gurra ɳunha wiripuŋuya ɳurruŋuŋuya wal'nu djorra'nu malanyŋuŋu bitjandja djingaryun, 'God-Wanjarrwu Gäthu'minu' bitjandja. ** **1:2** Malachi 3:1 *** **1:3** Isaiah 40:3

*^{1:4-6} 2 Kings 1:8

Ga ɳunhi waya marrtjina yätjtja wayanjuway lakaŋaya warraŋulyiya, ɳayŋu ɳayi wayana gurrana buku-ɻup'maŋayana ɳunhayana Jordan-na mayaŋ'nu.

⁷ Ga bitjayana ɳayi wayana waŋanaya, "Dhika gurra wiripu yolŋu marrtji buluna wal'ŋu djulkamama gurra ɳarranaya. Ga ɳarraya dhuwaya bøyŋu yana gana' ɳurukuya nhanukalaŋuwu dhapatjuŋguya yupmanhawu, läywuy dhuwaya ɳarra yolŋu, yaka ɳurruwuŋmi.[†] ⁸ Narraya gurra nhumana dhuwaya buku-ɻupmama gapuyu yana waŋganydhu. Yurru, ɳayiya yurru ɳunhi God-Waŋarryuya nhumangaya rarryu Dhuyu Birrimbirrnha, ɳuriŋya gurra buluna wal'ŋu djulkmama."

*John-dhu buku-ɻupmaŋaya Djesuna
(Matthew 3:13-17, Luke 3:21-22)*

⁹ Ga balanyamiyu waluyu, ɳayi Djesuya marrtjina Galilee-ɳuya makarrŋu wäŋaŋu yäkuŋu Nazareth-ŋu, märr ɳayi yurru John-guna buna. ɳayŋu ɳayi John-dhuya ɳanya Djesuna buku-ɻupmaŋayana ɳunhaya Jordan-na mayaŋ'nu. ¹⁰ Ga ɳunhi ɳayi Djesu beŋu gapuŋuya walmana, bala ɳunhi djiwarr'ya ɻapthunana. Ga God-Waŋarrwuya Dhuyu Birrimbirr yarrupthuna nhanukaya balanya bitjan wäyin murryil. ¹¹ ɳayŋu waya ɳäkuyana rirrakaynha waŋana gurrana bitjaya,

"Dhuwayatja ɳarraku ɳunhi marrkapnha gäthu'miŋu.

Ga wirrkina yana ɳarra ɳuli gurra dhuwaya goŋmiyiya nhanukaya."[◊]

Satan-dhu, ɳunhi birrimbirr yätjku wayanju bungawa, gur'kuryuna Djesuna

(Matthew 4:1-11, Luke 4:1-13)

¹² Ga beŋuya ɳayŋu ɳunhi Dhuyu Birrimbirryuya djaw'yuna Djesunaya gänaŋuyina ɳayilpiyina wäŋayi. ¹³ Ga ɳunhayana wiranŋuna ɳayi gurrana ɳunhi nhinanaya 40-na walu. Ga wiripuya gurrana ɳunhi nhinanana wakinŋuna wäyin malanyňha. Ga ɳunhayatja ɳanya gurrana ɳunhi Satan-dhuya gur'kuryunana. Yurru ɳayiya yaka nhanŋu malthuna. ɳayŋu ɳunhi djiwarr'wuyya dhäwu'mi yolŋu waya bunana nhanŋu guŋga'yunawuna.

Djesuya marrtjina ɳayŋu Galilee-yina märr ɳayi yurru maŋutji-lakamana God-Waŋarrwuna dhukarr

(Matthew 4:12-22, Luke 4:14-15, 5:1-11)

¹⁴ Waŋganyimiyu waluyu waya mulkanana ɳanya John-naya ɳunhi Buku-ɻupthunaminaya yolŋuna ɳayŋu gärrinymaŋaya dhar-ruŋguyina. ɳayŋu ɳayiya ɳunhi Djesuya marrtjina ɳayŋu Galilee-yina makarryi, märr ɳayi yurru ɻakama God-Waŋarrwalaŋuwuynha latju'na dhäwu ɳunhaya. ¹⁵ Ga bitjaya ɳayi gurrana waŋana, "Näkuna waya! Garrawuya dhuwaya walu bilina bunana!

[†] **1:7** Nunha ɳäthiliŋumi Greek romŋu ɳayi mayali' balanya gam', 'Ga ɳarrapina dhuwaya yakaya bitjan gurra gana' ɳurukuya nhanukalaŋuwu djalkiriwuya yupmanhawu' bili ɳayi gurrana guyanjinymaina ɳunhi ɳayi yaka ɳurruwuŋmi. Yakana ɳayi ɳunhi gana', yana ɳuli nhanŋuya Garrawuya bitjan djämämi... läywuyňha. [◊] **1:11** Genesis 22:2, Psalms 2:7, Isaiah 42:1, Matthew 3:17, 12:18, Mark 9:7, Luke 3:22

Ga yolŋuya yurru ɻunhi bukmaknha yana marŋgiyi ɻunhi God-Wanjarryuya ɻuli romdjä nhanŋuway marrtjinyamaŋjuna, ga dhuwayana ɻunhi yulŋuya dhiyanjuna bala.

Gatjuy, bilyuna waya mayali'-wilkthunamijuya romju, ɻayŋu roŋiyina, bala malthuna nhanŋuna God-Wanjarrwuna dhärukku.

Nayŋu märr-yuwalkthina ɻuriki God-Wanjarrwalaŋuwuna latju'wuna yana dhäwu'wu.”[†]

Djesuyu garr'yuna guya djämamina wayana malthunawuna nhanŋu

¹⁶ Wanŋanymiyu ɻayi marrtjina Djesu galki Galilee-kuyu ga-pukuyu ga ɻunhaya ɻayi malŋ'maŋjaya yolŋuna yäkuna Simon-na ga gutha'minju nhanŋu Andrew. ɻunhaya maŋda gurrana nhinana baymatthuna guya ganybuyu. ɻunhina bili maŋdaku ɻunhi djämaya.

¹⁷ Nayŋu ɻayi Djesuyuya garr'yunana maŋdana bitjajana, “Wäy, maŋda, go! Malthuna nhuma yurru ɻarrakuna. ɻarraya yurru nhuma marŋgikumana nhuma yurru gaŋmama yolŋunana wayana.”

¹⁸ Ga ɻunhi maŋda ɻäkuya balanyawuya bala maŋda gunha'yunana ɻunhi ganybuya ɻayŋu dhunupana yana malthunana nhanŋu.

¹⁹ Ga bitjaya bala ɻayi Djesu marrtjina ga nhäŋaya ɻayi Zebedee-wu gäthu'minjuna maŋdana. Ga wakindja ɻunhi wäwa'minjuya yäku James ga gutha'minjuya nhanŋu yäku John. Ga bitjana bili maŋdaya gurrana ganybu dhunupakunjaya marthaŋaju. ²⁰ Nayŋu ɻayi Djesuya wäthunana maŋdaku bitjaya, “Way, go, malthuna maŋda ɻarrakuna!” Nayŋu yana maŋda gunha'yunana maŋdaku bäpa'minjunaya ga djämaya ɻunha bili marthaŋayina. Nayŋu manda malthuna nhanŋuna.

Djesuyu walŋakuŋaya birrimbirr yätjmina yolŋuna ɻunhaya Caper-naum wäŋŋaju

(Luke 4:31-37)

²¹ Nayŋu waya bunana ɻunhaya Capernaum-nha wäŋŋaju, ɻayi Djesu ga ɻunhi wiripu-gulku' yolŋu waya ɻunhi waya bämara'yuna ɻanya. Ga Nhinanhamiyuna ɻunhi Waluyu, ɻayi Djesuya marrtjina ɻayŋu Jew-wayana biryamiyi buŋbuyi, märr ɻayi yurru marŋgikumana wayana ɻunhayana.[‡] ²² Ga ɻunhi gurrana yolŋuy wayay ɻäkuya ɻanya dhäruk, nirryunana, bili ɻayi ɻunhi marŋgina wirrkina ɻuriki malaw dhäwu'wu ga ganydjarrmina ɻuli ɻayi waŋaya. Ga djułkmamana gurra ɻunhi Jew-wuya rom-marŋgikunhaya nhattjan waya ɻuli marŋgikuma.[⊕]

²³ Ga ɻunhaya bili ɻayi yolŋu yätjmi birrimbirrmi gulŋiyina balayı buŋbuyi yurru dhä-rirrakaymi, ²⁴ yatjuna marrtjina bitjaya, “Wäy, Djesu wäŋŋa Nazareth-puy, nhäku nhe lili-ya marrtjina? Märr nhe yurru djuy'yuna ɻarrana ga ɻunha wiripuna yätjnhä birrimbirrinha mala ɻayŋu dhä-đir'yunamiyina wäŋŋayi? ɻanapuya dhuwaya dharaŋaya nhuna, nheya dhuwaya ɻunhiyti ɻunhi Maŋutji-łakanhawuy yolŋu God-Wanjarrwujuna djuy'yunaya. Nheya dhuwaya God-Wanjarrwu ɻunhi Dhuyunha Yolŋu.”

[⊕] **1:15** Matthew 3:2 [‡] **1:21** Jew-wu Nhinanhamiyu Waluyu waya beni gulyuna djämaju. Ga wayaŋguya yäku ɻunhi ‘Sabbathnhä Walu’. [⊕] **1:22** Matthew 7:28-29

²⁵ Naynu ɳayi Djesuya waŋana bitjaya, ɳarrtjuna manapaya, “Ma’, mukthuna, ga walmina dhiyakayatja yolŋuwaya!”

²⁶ Naynu ɳayi ɳuriŋi yätjthu birrimbirryu rurr'rurryunana ɳunhiyi yolŋunaya wirrkina yana. Naynu yana ɳayi ɳunhi dhawaṭthunaya dhä-rirrakaymina. ²⁷ Ga yolŋuy wayay ɳunhi ɳunhaya birtyamiŋuya buŋbuŋu nhäŋayana maŋmaŋdhunana. Naynu waya marrtjina waŋanhaminana bitjayana, “Nhä dhuwayatja? Dhuwaya ɳayi gurra dhäruk-mulka ɳunha yätjku birrimbirrwu dhawaṭmanhawu, ga wayatja gurra ɳanya ɳunha dhärukta yana ɳätthuna. Nhäna ɳayi gurra dhuwaya yuṭana rom marŋgikuma ɳilimunaya?”

²⁸ Naynu gurrana ɳunhi dhäwu'ya marrtjina latjuwarr'yunana ɳunhayatja makarriju wäŋanju Galilee-ya. Yolŋuya waya marrtjina ɳunhi lakanhaminana.

Djesuyu walŋakuŋaya Peter-wu mukul'miŋuna rumaru'na ga bulu wiripu-gulk'u'na yolŋuna wayana

(Matthew 8:14-17, Luke 4:38-41)

²⁹ Ga ɳunhi waya dhawaṭthunaya marrtjina beŋu birtyamiŋuya buŋbuŋu, ɳaynu ɳayi Djesuya marrtjina ɳaynu Simon-gayana ga Andrew-wayana wäŋayi. ³⁰ Ga ɳunhaya gurrana Simon-gu mukul'miŋu rumaru' rirrikthuna gorrmur'yu. Ga ɳunhi ɳayi Djesu ga guyurr'miŋu waya nhanju gulŋiyinaya, ɳaynu ɳayi ɳunhi yolŋuya waŋdina ɳaynu lakaŋayana Djesuwuna bitjaya, “Dhuwaya nhina worruŋu rirrikthun gorrmur'yu.”

³¹ Naynu ɳayi Djesuya marrtjina miyalkkayana, bala mulkanana ɳanya goŋnha ɳaynu gaŋgathinymaŋayana. Naynu dhunupa yana ɳunhi gorrmur'ya winya'yunana. Naynu ɳayi ɳunhi miyalktja dhawaṭthunaya ga ganydjarr-warriyuna ɳathawuna wayangalaŋuwu.

³² Ga ɳunhi marrtjina waluya gulŋiyina bala marrtjina ɳunhi yolŋuyuya wayay rerriminaya wayana gäŋayana ga birrimbirr yätjminaya yolŋuna wayana ɳaynu Djesuwayana walŋakunhawuna. ³³ Ga gulk'u'na ɳunhi wirrkina yolŋuya waya lun'thuna balayi bunbuyi, be nhämuny'nha gurrana mala-nherranmina. ³⁴ Ga gulk'u'na ɳayi gurrana ɳunhi yolŋuna wayana walŋakuŋaya, wiripuŋu ga wiripuŋu rerriju. Ga walŋakuŋaya ɳayi wayana gurrana bukmaknha yana. Ga gulk'u'na ɳayi gurrana dhawaṭmaŋaya yätjtja malana birrimbirr. Ga wayatja ɳunhi yätjtja birrimbirr mala marngiyina nhanju, bala ɳayi Djesuya dhäruk-mukmaŋayana wayana.

Djesu marrtjina buku-liw'maŋaya wäŋakuyu dhäwu' manymak lakaŋaya

(Luke 4:42-44)

³⁵ Ga wiripuyuna waluyu yurru munhaku, ɳayi Djesu gaŋgathina beŋu buŋbuŋuya. Ga marrtjina ɳaynu gänaŋuyina buku-miyanhawu märr maŋda yurru bäpa'miŋu nhanju waŋanhami. ³⁶ Ga ɳunhi ɳayi Simon ga wiripu-gulk'u' guyurr'miŋu waya nhanju gaŋgathina yakurrŋuya ɳaynu waya gurrana larrunayana nhanju. ³⁷ Ga ɳunhi waya ɳanya malŋ'maŋyatja ɳaynu waya bitjayana waŋana, “Marrkapmi, gulk'u'na gurra dhuwaya yolŋuya waya larruma nhunju.”

³⁸ Ga ɳayiya bitjaya buku-roŋinymaŋaya, “Manymak dhuwayitja. Yurru ɳilimu yurru balaku bala ɳurruŋuya marrtji buku-liw'mama

ŋunha wiripuyi wäŋayi. Dhuwaya ŋunhi wäŋa mala ŋunhi ŋuli galki djinga'-djingaryun. Bili ŋarra ŋuli djälmiyi ŋarra yurru lakama wayaŋgu Latju' Dhäwu', bili dhuwayyi ŋarraku ŋunhi djämaya."

³⁹ Ga beŋu dhurrwaraŋu, ŋayŋu ŋayi marrtjina djudu'yunana Galilee-kuyuna makarrkuyu, märr ŋayi yurru lakama dhäwu'na latju'na God-Waŋarrwaŋuwuŋha ŋunhayatja Jew-waya biryamiŋu buŋbuŋu malanyŋumi. Ga bitjaya bili ŋayi gurrana Jesuyu ŋunhi yätjtja birrimbirr malanyŋha ŋan'ŋaŋdhuna yolŋuwayatja wayaŋgaya.*

Djesuyu walŋakuŋaya burrpuymina yolŋuna

(Matthew 8:1-4, Luke 5:12-16)

⁴⁰ Ga balanyamiyu waluyu yolŋu burrpuyimi marrtjina nhanukaya Djesuwaya. Nayŋu ŋayi bun'kumu djipthuna ŋäŋ'thuna gunja'yunawu bitjayan, "Marrkapmi, gunja'yu ŋarrana! ŋarra marŋgi ŋunhi nhe yurru dhuwaya burrpuya rerri ŋarrakaya winya'yunmamana, ŋuli nheya djäl, märr yurru gurra yolŋuya waya ŋarraku yakana buluya milnyaŋ'thun."

⁴¹ Nayŋu ŋayi Djesuya wuyunana nhanŋu ga goŋ-djarryuna, ŋayŋu mulkanana ŋanya bala waŋanana, "Djäl ŋarra dhuwaya, ŋarra yurru walŋakumana nhuna. Linyguna nhe dhuwaya latju'na!"

⁴² Ga dhunupana yana ŋayi ŋunhi darramuya walŋathinana, ga wiđi'yunana nhanukaya ŋunhi rerriya. ⁴³ Ga waŋana ŋayi Djesu dälyu dhärukthu ŋayŋu djuy'yunana ŋanya wäŋayina ⁴⁴ bitjayan, "Latju'kuŋu yana guyanŋa! Bilina nhe dhuwaya manymaknha ga yaka nhe yurru lakama yolŋuwutja wayaŋgu. Nuriki bili yana baman'ŋuwu yolŋuwu Moses-ku romgu malthu ŋunhi ŋayi ŋäthiliŋu. Nayŋu ŋäthiyiŋa ŋurruŋuya marrtji ŋunha ɖalkarramiwu yolŋuwu buni ga ŋayi yurru nhuna dhuwayi rumbalya nhäma ŋunhi rerriya yuwalknha yana winya'yunana. Nayŋu nhe yurru mundhurrnha gathan buku-wekama God-Waŋarrnhana, märr yurru ŋunhi bukmaknha yolŋu waya marŋgithi ŋunhi nhokaya rerriya wiđi'yunana."*

⁴⁵ Ga ŋunhi ŋayi ŋunhiyi yolŋu walmanaya ŋayŋu ŋayi marrtjina liw'maŋayana lakanjaya dhäwu'ya wäŋakuyuna. Ga gul̄ku'na ŋunhi yolŋuya waya larruŋaya nhanŋu Djesuwuya. Ga yakana ŋunhi ŋayipitja marrtjina ŋayŋu yolŋu gul̄ku'miyya wäŋayi, bili ŋunhi yolŋuyuya wayay ŋanya djorkuŋayana, ŋunhiyi ŋayi gurrana ŋunhayana bäymana wirwiryuna wiranŋjuna wäŋaŋju. Yurru gurrana ŋunhi yolŋuya waya larruŋaya yana nhanŋu, nhänharawu djälmiyina nhanŋu.

2

Djesuyu walŋakuŋaya ganuŋnha yolŋuna

(Matthew 9:1-8, Luke 5:17-26)

¹ Ga be nhämuny' ŋunhi walu djulkthuna, ŋayŋu ŋayi Djesuya roŋiyina bala Capernaum-dhina. Ga yolŋu waya marrtjina lakanhamina Djesuna ŋunhi ŋayi bilina ŋunha wäŋaŋjuna gurrana nhinana. ² Ga yolŋuya waya marrtjina luŋ'thuna birrka'miŋuna wäŋaŋju. Ga gulŋiyina marrtjina ga dhaŋaŋdhina, ga beŋga gurrana

* **1:39** Matthew 4:23, 9:35 * **1:44** Leviticus 14:1-32

dhurrwaraŋuya nhinana ɳaŋbaw'yuna. Nayju ɳayi Djesuya gurrana marŋikunyayana ga dhäwu'na lakanjaya God-Waŋarrwalaŋuwuynha ɳayaŋuwuy.

³ Ga ɳayiya ɳunhi Djesuya baðak gurrana lakanjaya dhäwu', ga wayatja dämbumiriwyu yolŋuyu wayay gurrana gänjaya gaŋuŋha yolŋuna ɳayju Djesuwaya. ⁴ Ga bilina ɳunhi gułku'na wirrkiŋa yolŋuya gurrana mala-nherraŋmina ɳunhayatja, ga yakana ɳunhi wayaŋgu dhukarrya wanhaku waya yurru yolŋunaya gäma Djesuwaya. Nayju waya ɳal'yuna ɳunha ɳapayina bala'palayi ɳayju ɳarnŋana warkthuna ɳunhayana garrwarnha dhunupana yana ɳunhi wanhami gurrana Djesu djingaryuna. Ga ɳunhi bala'palaya lapthunana ɳayju waya yupmaŋayana ɳunhi yolŋunaya gayanh'thamina.* ⁵ Ga ɳunhi ɳayi Djesuyu nhäŋaya wayana ɳayju ɳayi marŋithina wayaŋgu bili nhäŋaya ɳayi ɳunhi märryuwalkthinyami rom, ɳayju ɳayi gaŋuŋnhaya yolŋuna waŋana bitjayana, "Bilina ɳarra dhuwaya nhunu yätjtja rom bäy-lakanjaya."

⁶ Ga ɳunhaya ɳaŋpalmi Rom-marŋikunhami yolŋu mala gurrana däpthuna. Ga ɳunhi waya ɳäkuya Djesuna balanyawuy waŋanhaya ɳayju waya ɳayaŋuya yätjtthinana, yakana waya galŋa-latju'yina ɳuriŋiyi. ⁷ Nayju waya bitjayana waŋana, "Nhä ɳayi dhuwaya goramiriw balanyawu waŋanhawu. Dhuwaya ɳuli yana ɳayipi God-Waŋarryu yolŋuwu wayaŋgu bäy-lakama yätjpuy djämawuy. Nhattjan ɳayi ɳuli dhuwaya guyanjinyamiya, yana bini ɳayi dhuwaya rrambaŋina maŋda God-Waŋarrnha? Dhuwaya ɳayi dhä-wiripuyinana waŋanaya!"

⁸ Yurru ɳayiya ɳunhi Djesuya wayaŋgu marŋithina, ɳayju ɳayi bitjayana waŋana, "Yaka waya biyaku guyanji! ⁹⁻¹⁰ Nhattjan ɳarra yurru dhika waŋaya? ɳuli ɳarra yurru bitjandja, 'Ma', bilina ɳarra dhuwaya nhunu yätjtja bäy-lakanjaya', nhumaya dhuwaya yaka marŋgi ɳunhi yurru bitjandja malŋ'thun, mak bäyŋuna. Ga ɳunhi ɳarra yurru waŋa bitjandja, 'Ma', ɳatthuna nhunuway dhuwayyi gayanh'thaya ɳayju marrtji wäŋayina', ga yurruna nhuma yurru nhämaya ɳunhi ɳarraya dhuwaya Yuwalkŋuya Wal'nu Yolŋu dhuwanna. Ga ɳarraŋga gurra dhuwaya ganydjarrya mulka bäy-lakanhawuya yolŋuwuya wayaŋgu yätjkuya romgu."

¹¹ Ga beŋuya dhurrwaraŋu ɳayi Djesuya waŋana ɳunhi gaŋuŋnhaya yolŋuna bitjayana, "Yo, ɳäkuna! Dhuwaya nhe bilina walŋathinana, gatjuy, gaŋgathina ga ɳätthu nhunuway gayanh'thaya bala marrtji wäŋayina."

¹² Ga ɳunhi ɳayi ɳuriŋi yolŋuyu ɳäkuya, ɳayju ɳayi yana gaŋgathinana. Ga gayanh'thaya ɳayi ɳätthuna bala yana dhawaŋthunana. Ga waya ɳunhi yolŋuyuya wayay nhäŋayana ɳanya ganyim'thunana manapaya bitjayana, "Dhuwayatja ɳanapu gäthurana dhiyanjuna bala nhäŋaya balanyawuya. Yuwalk yana ɳayi dhuwaya God-Waŋarrya ganydjarr ɳuṭu."

*Djesuyu garr'yuna yolŋuna yäkuna Levi-nha malthunawu nhanju
(Matthew 9:9-13, Luke 5:27-32)*

* **2:4** Gayanh'thaya ɳunhi manydjarrka yurru däl djämawuy.

13 Ga beñuya ñayi Djesu bulu marrtjina rañiyi Galilee-yi gułun'thi. Ga gułku' ñunhi yolŋuya waya marrtjina gumurr-waŋdina nhanŋu ñaynu ñayi gurrana lakanayana wayanju God-Waŋarrwuna ñayanju.

14 Ga ñunhayayi gurrana nhinana yolŋu yäku Levi, Alphaeus-ku gäthu'miŋu. Ga warkthunaya ñayi gurrana rrupiya luŋ'maŋaya yäku tax Roman-buyŋuwu gapmangu. Ga ñunhi ñayi Djesu bunana, ñaynu ñayi nhäŋayana Levi-nha. Naynu ñayi bitjayana waŋana, "Wäy nhawi, go! Malthuna ñarrakuna!"

15 Ga beñuya ñayi Djesu ga malthunami waya nhanŋu marrtjina Levi-wayana wäŋayi, rrambajina waya luŋdu'miŋuna waya nhanŋu Levi-wu ñunhi rrupiya-warkthunamina waya. Ga wiripuya gurrana ñunhayayi yolŋu waya nhinana ñunhi ñuli gurranha Jew-yu malayu wayana lakanha ñunhi wayatja raypirri-wađatjmina. Ga ñunhaya bili ñurrukŋu gurrana däpthuna yolŋu waya ñunhi waya ñuli gurrana djälminya mäkiri'-witjunawu nhanŋu Djesuwu.

16 Ga ñulinyamiyu ñunhaya gurrana nhinana rom-marŋikunhami waya Pharisee-waya ñurrukŋu. Naynu waya nhäŋayana ñanya Djesunaya ñayi gurrana ñatha lukana ñurikaya rrupiya djämamiwaya ga rom-djarrpi'miwaya yolŋuwaya wayangaya. Naynu waya ñäj'thuna ñunhi Djesuwu guyurr'miŋuna wayana bitjaya, "Nhäku gurra ñunha nhumaŋguya marŋikunhami nhina tax djämamiwayatja wayangaya ga dhuwurr-yätjmiwaya yolŋuwaya wayangaya?"

17 Ga ñayitja ñunhi Djesuyuya ñäkuya wayana, ñaynu ñayi bitjayana waŋana wayanju, "Rerrimi yana yolŋu waya yurru marrtji marrŋitjkayatja, yaka däwalamiya. Narraya dhuwaya marrtjina lili yätjmiwu yolŋuwu wayanju, yaka ñurikiya yolŋuwu ñunhi waya ñuli gurra be rom-dhunupa lakanhami."

Djesuwunu ñunhi yuṭaya marŋikunhaya gurra ganay'thuna beŋu Pharisee-wayatja

(Matthew 9:14-17, Luke 5:33-39)

18 Waŋganymiyu, yolŋu waya Rom-djákamiya mala yäku Pharisee gurrana ñoy-ñathamiriwnha yana nhinana ñuriki romgu malthuna. Yo, ga nhäŋaya waya John-gu ñunhi Buku-ļupthunamiwu malthunamina wayana waya gurrana bitjaya bili ñoy-ñathamiriw nhinana. Ga yaka waya ñunhi Djesuwuya guyurr'miŋuna wayana nhäŋaya balanyayi. Naynu ñunhi yolŋuya waya bunana nhanŋu Djesuwu ñaynu dhä-wirrka'yunana bitjayana, "Wäy, ñanapuya ñuli gurra dhuwaya ñoy-ñathamiriw nhina, romgu malthun. Ga ñunha gurra John-guya malthunami waya bitjan bili. Ga nhäku warray ñuli ñunhi nhunjuya guyurr'miŋu waya yaka bitjandhi nhina?"

19 Naynu ñayi Djesuyuya mayali'mina dhäwu' lakanayana bitjayana, "Linygu ga nhuma dhuwaya marŋgi: Nunhi yolŋu maŋda ñuli ñätthunmi, ga yolŋuya waya ñuli yaka dhurrwara-yupthun ñathaŋuya, ñunhi waya ñuli yana marrtji ñathaya lukana dulpu-gunhamina. Ga ñunhiya darramu ñunhi ñayi yurru ñätthun miyalknha nhanŋuway, ñunhi ñayi yurru ñunhayatja nhina, ñunhiya gurra yurru yolŋuyuya wayay ñatha luka yana. ²⁰ Ga ñunhi ñayi yurru ñunhina darramuna djaw'yun, ñaynu yurru ñunhi luŋdu'miŋuya

waya nhanju ɳayaŋu-yätjithina ga marrtji waya yurru gurra ɳoy-ɳathamiriwnha nhina.”

²¹ Ga bulu ɳayi Djesuyu wiripu mayali'mi dhäwu' lakanaya, “Yaka yurru yolŋuyu dhamin-dharpuma yuʈa manydjarrka' ɳunha ɳäthiliŋuyi girri'yi manapan. Bili yalala ɳayi yurru ɳunhi girri' rurrwuyun, bala yurru ɳunhi yutaya manydjarrka' dhurn'thuna yutjuwała'yina, ɳaynu yurru ɳunhi girri'ya barr'yuna. ²² Ga balanya bili: Yaka yurru dhuwaya yuʈa borum wika' rarryun ɳunha ɳäthiliŋuyi bathiyi, bili ɳayi yurru ɳunhi barr'yuna bala yurru wiyika'ya waɳdina. Yutaya borum wiyika' yurru rarryun yutayi yana bathiyi.” [Bitjaya ɳayi gurrana ɳunhi Djesuyu wayaŋgu lakanayatja, ɳunhi yurru nhanukunu yutaya marŋgikunhaya yurru yakana maŋutji-manapan ɳunhimaya ɳunhi nhä waya Pharisee-yu wayay ɳuli marŋgikuma.]

Djesuwaya lundi'miŋuyu wayay ɳatha berrali marrtjina gulkthuna Nhinanhamiyu Waluyu

(Matthew 12:1-8, Luke 6:1-5)

²³ Wanjanymi Nhinanhamiyu Waluyu Djesu ga lundi'miŋu waya nhanju marrtjina gurrana dhukarrkuyu ɳaynu nhanukaya lundi'miŋuya wayay gulkthuna marrtjina mulkurr ɳatha berrali bala lukanana marrtjina bili waya djanŋarrthina.* ²⁴ Ga waya ɳunhi Pharisee-yuya nhäŋjaya wayana, ɳaynu waya lakanayana Djesuwuna, “Nhäku gurra ɳunha nhokayatja guyurr'miŋuyu wayay rom daw'yun? Nunha waya gurra ɳatha wapmama dhiyaŋu wayay ɳunhi dhuwayatja Nhinanhami Walu. Yaka waya yurru bitjan!”

²⁵⁻²⁶ ɳaynu waya wayaŋgu buku-ronjinyamanjaya, “Wäy, waya, guyaningga nhuma gurra ɳunhiya dhäwu' ɳunhi balanyamiyu waluyu ɳunhi liya-ɳärra'mi yäku Abiathar gurrana nhanana? Ga wayatja ɳunhi David-tja ga malthunamiya waya nhanju djanŋarrthinana bala waya yana marrtjina ga gärrina Jew-wayana bunbuyi bala wapmanjaya ɳunhi ɳathaya. Ga rom gurra waŋa ɳunhi dalkarramiyuna waya yurru luka ɳunhiya ɳatha, yakana bukmakthu. Ga ɳayiya ɳunhi David-thuya ga malayuya nhanukaya lukanana yana bäyŋu wayana yolŋuyu wayay rom-nyamir'yuna.”†

²⁷ Ga bulu ɳayi Djesu bitjaya waŋana, “Wäy waya, yaka waya mengunu, ɳunhi God-Waŋarrayu Nhinanhami Walu djäma gunga'yunawu yolŋuwu. Yaka ɳayi ɳunhi yolŋuna djäma ɳayi yurru ɳurikina yana Nhinanhamiwuna Waluwu romgu malthun. ²⁸ Bili ɳarraya dhuwaya Yuwalkjuna Wal'ŋu Yolŋu, ɳarrakuwaynha yana dhuwaya dhunupaya nhattjan ɳarra yurru waŋa yolŋuna nhä ɳayi yurru djäma, wo yaka ɳayi yurru djäma dhiyaŋu Nhinanhamiyu Waluyu.”

3

Djesuyu walŋakuŋaya goŋ-dhoʈnha yolŋuna Nhinanhamiyu Waluyu
(Matthew 12:9-14, Luke 6:6-11)

¹ Ga benjuya ɳayi Djesu ronjyina ɳaynu Jew-wayana biryamiyi bunbuyi gärrina. Ga ɳunhayatja ɳayi malŋ'manjaya yolŋuna

* 2:23 Deuteronomy 23:25 † 2:25-26 1 Samuel 21:1-6, Leviticus 24:9

yurru goŋ-dhoṭnha. ² Ga ḥunhaya gurrana Pharisee ḥalapalmi dhärra'dharrana ga dharr-witjaya waya gurrana nhäjaya ḥanya Djesuna wanhaba ḥayi yurru walŋakuma yolŋuna Nhinanhamiyu Waluyu märr waya yurru ḥurikiwyunha Djesuwuya mariwuna.

³ Nayŋu ḥayi Djesuya gawa'yunana ḥurikiya goŋ-dhoṭkuya yolŋuwu bitjayana, "Go, marrtji lili, dhiya dhärrri gumurrŋu, märr yurru bukmakthu yana nhämaya."

⁴ Nayŋu ḥayi Djesuya waŋanana ḥuriki Pharisee-wuya yolŋuwu wayanju bitjayana, "Nhattjan gurra ḥilimunguya rom waŋa dhiyaku Nhinanhamiwuya Waluwu? Nhä dhuwaya latju' ḥilimu yurru djäma yolŋuna wayana balanyamiyu waluyu, wo ḥilimu yurru yätjnha djäma? Nhattjan ḥarraya yurru yolŋuna walŋakuma, wo nhattjan ḥarraya yurru buma murrkay'kumana, ḥenya?" Ga wayatja ḥunhi Pharisee-ya waya yakana nhanŋu buku-ronjinyamaŋaya.

⁵ Nayŋu ḥayi Djesuyu gurrana yolŋunaya wayana nhäjayanaya, ga wirrkina ḥayi wayanju madakarritjthinaya ga ḥayaŋu-wutthunaya manapaya bili waya ḥunhi ḥayaŋu-dälmina. ḅunhiwaya gurrana romguna yana wayangalaŋuwu wirrkiya malthuna. Nayŋu ḥayi Djesuya waŋana ḥurikiya goŋ-dhoṭkuya bitjayana, "Ma', goŋdja djarryuna!" Nayŋu ḥayi ḥunhi yolŋuya goŋdja djarryuna bala yana latju'yinana ga dhunupayinana. ⁶ Nayŋu ḥunhi Pharisee-ya yolŋu waya marrtjina latjuwarr'yunana, ga ḥunhayana ḥayŋu waya wiripugulku'ya ḥalapalmi waya luŋ'thuna, ḥunhi ḥurru-warryunayŋuya mittji King Herod-kuya. Ga ḥunhayana waya gurrana ḥunhi waŋanhaminaya bunharawu nhanŋu Djesuwuya.

Djesuyu walŋakuŋaya gulku'na yolŋuna wayana ḥunhaya gal̄ki Galilee

⁷⁻⁸ Waŋganimiyu waluyu ḥayi Djesu ga guyurr'miŋu waya nhanŋu marrtjina ḥunha bathalayi gulun'thi Galilee-yina. Ga gulku'na ḥunhi yolŋuya waya nhanŋu malthuna bili waya ḥäkuya ḥunhi nhä ḥayi gurrana Djesuyu ḥunhi djäma. Ga yolŋuya waya ḥunhi marrtjina beŋu Galilee-ŋu makarrŋu ga Judea-ŋu makarr-ŋu ga Idumea-ŋu makarrŋu. Ga wiripuya ḥunhi yolŋu waya marrtjina beŋuna wäŋaŋu Jerusalem-ŋu ga Sidon-ŋu ga Tyre-ŋu. Ga gulku' wiripu yolŋu waya marrtjina beŋu Jordan-ŋu mayan'ŋu yurru gali' dhimurruŋu. Ga bukmak waya gurrana ḥunhi djälthina waya yurru wayawuy yana nhäma ḥanya Djesuna.

⁹⁻¹⁰ Ga gulku'na ḥayi gurrana ḥunhi Djesuyu walŋakuŋaya balanyamiyu waluyu. Ga gulku' yolŋu waya gurrana djälthina waya yurru ḥanya mulka, märr waya yurru latju'yina. Nayŋu marrtjina ḥunhi yolŋuya waya gitthunminana, ḫur'turyunminana marrtjina ḥunha gal̄ki yana nhanukayana, ḥayŋu ḥayi waŋana nhanŋuway guyurr'miŋuna wayana bitjaya, "Marthaŋa waya ḥarrayakaya ḥätthu, linygu bäyŋuna dhuwaya dhalakarrya ḥarrayaku. ḅunhi yurru dhuwaya yolŋuyuya wayay ḥarrayana djorkumana, ḥarraya yurru marthaŋayina ḥal'yun."* ¹¹ Ga wiripuya ḥunhi yolŋu waya ḥunhima marrtjina yätjmi birrimbirrmi mala. Ga ḥunhi waya ḥuriŋi yolŋuy wayay nhäŋaya ḥanya Djesunaya, bala gurrana ḥunhi birrimbirryuya malay djalktjalkthunana ḥunhi yolŋunaya wayana munatha'yina

* 3:9-10 Mark 4:1, Luke 5:1-3

ŋayŋu gurrana yatjunana bitjayana, “Nheya dhuwaya God-Wanjarrwu Gäthu'minju.”

¹² Yurru ŋayiya ŋunhi wayana dhurrwara-mukmaŋaya bitjaya, “Yaka nhuma yurru dhuwaya yolŋuwuya wayanju ɻakama, yol Narra dhuwaya!”

Djesuyu djarr'yuna 12-na yolŋuna guyurr'minju wayana nhanjuway

(Matthew 10:1-4, Luke 6:12-16)

¹³ Nayŋu ŋayi Djesuya marrtjina bukuyina ŋal'yuna ŋayŋu wäthuna yolŋuwuna ḫarramuwuna wayanju ŋunhi gurra ŋayanju dhä-mananapan nhanukaya Djesuwayana, malthunawuna nhanju.

¹⁴ Ga djarr'yunaya ŋayi ŋunhi 12-nha ḫarramunaya wayana märr waya yurru gurra nhanju malthuna yana bitjana bili, dhuwayana waya djuy'yunawuya mala nhanju. Ga marrtjiya waya yurru gurra birrka'miyi wäŋayi dhäwu'ya yurru ɻakama God-Wanjarrnhaya yolŋuwuya wayanju. ¹⁵ Ga wekaŋaya ŋayi wayanju ganydjarr, märr waya yurru gurra yätjnha birrimbirrnha malana dhawatmama yolŋuwaya.

¹⁶⁻¹⁹ Ga dhuwaya ŋunhi yolŋuya waya gam':

Simon (ŋunhi Djesuyu ŋanya yäku nherraya Peter)
ga James,

ga John, dhuwayatja maŋda Zebedee-wu gäthu'minju maŋda.

(Ga Djesuyuya maŋdana wiripuya yäku wekaŋaya, Boanerges mayali 'Murryu'murryunami').*

ga Andrew

ga Philip

ga Bartholomew

ga Matthew

ga Thomas

ga James (gäthu'minju Alphaeus-ku)

ga Thaddaeus

ga Simon, (ŋunhi ŋayi gurrana malthuna Zealot-kuna malawu)†

ga Judas Iscariot (ŋayiya ŋunhi dhuwayatja yolŋu mulkuruyina Djesuwu.)

Rom-Marŋikunhamiyu wayay rom-nyamir'yuna Djesuna

(Matthew 12:22-32, Luke 11:14-23, 12:10)

²⁰ Yo, ŋayŋu ŋayi Djesu ga lundu'minju waya nhanju yarrupthuna bukuŋu. Marrtjinaya waya ŋayŋu buŋbuyina gärrina. Ga bitjaya bili ŋunhi yolŋu waya lun'thuna gulku'na wirrkina, ga bäyŋuna ŋunhi waluya wayanju ŋathawuya ɻukanhawu nhanju Djesuwu ga lundu'minjuwu wayanju nhanukalaŋjuwu. ²¹ Ga be yolŋu marrtjina ga ɻakanjaya nhanukalaŋjuwu gurruṭumiwu wayanju, “Go, ŋunha marrtji Djesuya bawa'yuna, djämayuna, malaŋjuyu!” bitjaya. Nayŋu ŋunhi gurruṭumiya waya nhanju marrtjinana märr

* **3:16-19** a: Ga gulku'yu gadamandhu yolŋuyu wayay gurra bitjan guyani ŋunhi maŋdaku James-gu ga John-gu irrakay ŋonuŋ bitjan wolma ŋuli murryun, nhä mak maŋda ŋuli waŋa madakarritjthu dhärukthu, murryun ŋuli marrtji ŋunhi irrakaya. † **3:16-19** b: Dhuwaya Zealot-tja yolŋu waya gurrana ganap'thuna beŋuya Roman-gaya gapman-gaya romŋuyu.

waya yurru ɳanya garr'yun wäŋayina. Waya yurru gurra bitjan wayawuynha nhanju djäka.

²² Manymak, ga rom-marŋgikunhami yolju waya bunana beju Jerusalem-ŋu ga bitjaya bili waya Djesuna nhäŋaya, bala bitjayana waŋana, "Way, waya, yaka nhuma yurru gurra dhiyakuya malthun, bili ganydarrya ɳayi ɳuli gurra dhuwaya nättun Satan-guŋu ɳunhi ɳayi buŋgawana bitjan yätjku birrimbirrwu malawu, ga wiripuya ɳayi ɳunhi yäku Beelzebul. Ga balanyawuynha ɳayi ɳuli gurra dhuwaya yätjnhaya birrimbirrnha malanynha dhawaŋmama."*

²³ Ga ɳayiya ɳunhi Djesuya marŋgithina ɳunhi nhattjaya waya gurrana waŋana, ɳaynu ɳayi wäthunana wayanju, "Go, lili waya marrtji ga mäkiri'-witjuyu waya ɳarraku," bitjaya. ɳaynu ɳayi wayanju dhäwu'na ɬakanaya märr dhunupakunayana. Ga bitjaya ɳayi waŋanaya gam', "Nhattjana ɳayi yurru ɳunhi Satan-dhuya buma Satan-naya? Dhuwayitja mayali'miriwnha rom. ²⁴ Ga ɳäku waya! ɳunhi yurru gurra yolju waya bunharami wäŋganybuy wäŋjawuy, wayatja yurru ganydjarrmiriwtina bala yurru malaya dhawar'yun gupa-dälñha wiŋnijuma. ²⁵ Ga ɳunhi yurru gurra waŋgany bëpurru' yolju waya bitjan bili bunharami, ɳaynu yurru ɳunhi yoljuwa waya gurrutumiya walamaŋthina malaya, bala yurru dhawar'yuna gupa-dälñha. ²⁶ Ga balanya bili, ɳunhi yurru gurra Satan-dhuya buma malana nhanjuway, ɳaynu yurru ɳunhi bukmaknha yana waya ganydjarrmiriwtiya ɳaynu yurru bëŋjuthina, dhawar'yuna malaya yurru!

²⁷ Ga ɳäkuna waya dhuwaya mayali'miya dhäwu' ɳarra yurru ɬakama: Waŋgany yolju džälthina ɳayi yurru girri' manaŋi beju dälwaya yoljuwaya. Ga ɳurrunuŋya ɳäthiyi ɳayi yurru ɬapmama ɳunhiyi dälñhaya yoljuna, ga yurruna ɳayi yurru girri'ya malanynha nhanju wapmaŋu. [Yo, dhuwaya ɳayi ɳunhi mayali'ya gam' dhiyalamiya dhäwu'nu: Satan-dja, ɳayi ɳunhi däl yolju ga ɳarra yuŋa ɳunhi wiripu yolju ɳunhi ɬapmaŋaya ɳanya Satan-na. Ga dhiyanuya bala ɳarra marrtji wapmama ɳarrakuwaya yoljuna wayana beju nhanukaya goŋju.]

²⁸ Dhuwayatja wiripuna yuwalknha yana dhäruk ɳarra yurru ɬakama. ɳuli nhe yurru yätjkuma waŋa nhanju God-Waŋarrwu, mak ɳayi yurru nhuŋu bëy-ɬakama. ²⁹ Ga ɳuli nhe yurru yätjkuma waŋa nhanju Dhuyu Birrimbirrwuya, ɳayiya yurru ɳunhi God-Waŋarryuya yakana nhuŋuya bëy-ɬakama, ga yana bili-i-i ga wäŋa ɳuli dhuwaya dhawar'yu!"*

³⁰ Ga bitjaya ɳayi ɳunhi Djesu waŋana, bili waya nhanju ɳunhi bitjaya waŋana, "Dhuwayatja yolju yätjmi birrimbirri."

Yolju waya gurrana malthuna God-Waŋarrwu džälwu ga ɳunhina waya yuwalktja wal'nu Djesuwuya gurrutumi

(Matthew 12:46-50, Luke 8:19-21)

³¹ Ga beŋuya Djesuwu ɳändi'miŋu ga gutha'miŋu waya nhanju ɬarrunayana. ɳaynu waya gurrana djingar'djingaryunana warraŋulnha ɳunhaya buŋbuŋu ɳunhi wanhami ɳayi gurrana marŋgikuŋaya yoljuna wayana. Ga djuŋ'yuna waya yoljuna garr'yunawu nhanju Djesuwu. ³² Ga balanyamiyu ɳayiya gurrana

* 3:22 Matthew 9:34, 10:25 * 3:29 Luke 12:10

ŋunhi Djesuya marŋgikuŋayana ŋunhi yolŋuna wayana. Naynu ŋunhi yolŋuya marrtjinana, bala bitjana waŋa, "Dhuwaya ŋändi'miŋu nhunu ga gutha'miŋu waya larrunjaya gurrana nhunu," bitjaya.

³³ Naynu ŋayi Djesuya bitjayanwaŋana, "Yol waya dhika ŋarrakuya gurruṭumi?"

³⁴ Naynu ŋayi marrtjina nhäŋayana liw'maŋayana ŋunhi yolŋunaya wayana ŋunhi marrtjina däpthuna. Naynu ŋayi bitjayanwaŋana, "Dhuwaya waya dhuwaya ŋarrakuya ŋändi'miŋu ga gutha'miŋu waya." ³⁵ Nunhi ŋayi ŋula yol yolŋu ŋayaŋumalthunami God-Waŋarrwu ŋayaŋuwu, ŋunhina ŋayi ŋarrakuya wal'ŋu galkiwuya gurruṭumi."

4

Djesuyu dhäwu' lakaŋaya mayali'mi maŋutjiwu yathawuy ga munatha'wuy

(Matthew 13:1-9, Luke 8:4-8)

¹ Waŋganyimiŋu ŋayi Djesu balayı roniyina Galilee-yi. Ga gulkuna'na dhika wirrkina yolŋuya waya luŋ'thuna nhanukaya ŋaynuyi. Naynu ŋayi ŋunhi marthaŋayina ŋal'yuna, ga gaŋga yana waya dur'yuna marthaŋaya, ŋaynu ŋayi nhinanana gurrana ŋunhaya. Ga beŋuna ŋayi gurrana ŋunhi marŋgikuŋaya dhäwu'ya lakaŋaya wayangu. ^{*}
² Ga gulku' ŋayi gurrana ŋunhi dhäwu'ya mayali'miya lakaŋaya, märr waya yurru ŋunhi yolŋuya wayay dharaŋan yana.

³ "Yo, ŋäkuna waya: Waŋgany yolŋu djälmiyina ŋayi yurru maŋutji ŋatha djalkthun ŋunha munatha'yi märr yurru ŋathaya ŋuthana.

⁴ Naynu ŋayi marrtjina djalkthunana. Ga wiripuya ŋunhi maŋutji galkina märr ŋunha barrkuyi dhukarryi. Ga wayatja ŋunhi wäyindhu nhäŋaya bala ɭukanana marrtjina dhawar'maŋayana. ⁵ Ga bađak yana ŋayi marrtjina ŋunhi ŋuriŋyi yolŋuyu maŋutji djalkthuna, wiripuya marrtjina galkina bitjayanwaŋana, ga wiripuya galkina gundamiyina wäŋayi. ⁶ Ga ŋathaya ŋunhi maŋutjiya latju'yinana ŋuthaya wadutjana, ga ŋunhi ŋayi waluya bitjaya gorrmur'yina wirrkiya bala ŋunhi dukitja bandanydhinana, gorrmur'yinana, bala rakunydhinana, bili gundana ŋunhi, ga bäŋjuna munatha'ya.

⁷ Ga bađak ŋayi marrtjina bala ŋunhi djalkthuna, ga wiripuya ŋunhi maŋutji galkina dirri'tirrimiyi. Naynu ŋuriŋya ŋunhi dirri'tirriyuya djorkuŋayana, ganydjarrna dhawar'maŋayana ŋuthanawuna. ⁸ Ga wiripuya ŋunhi ŋatha galkina latju'yi munatha'yi. Naynu ŋunhi ŋathaya ŋuthayana but-bitjayanwaŋana. Ga ŋunhi ŋayi ŋathaya bitjaya latju'yina dhaŋanđhina, waŋganybuya gärulwuŋu gurrana wirrkina yana gilyuna. Ga wiripunjumiya-a-a ga gulku' yana, ga wiripunjumiya ga balanya bili, ga ŋaynuna bala.

⁹ Nuli nhuma mäkiri'miya, ŋäkuya waya latju'kuŋu, märr nhuma yurru dharaŋan yana dhuwaya dhäwu'ya."

Djesuyu gurrana lakaŋaya dhäwu' marŋgikuŋaya yolŋuna wayana

(Matthew 13:10-17, Luke 8:9-10)

¹⁰ Naynu waya marrtjinana gunha'yunana ŋunhi gulku'naya yolŋuna wayana. Naynu ŋayi gurrana Djesu ga luŋdu'miŋu waya

* 4:1 Luke 5:1-3

nhanju ga wiripu yolju waya gänana nhinana. Naynu waya dhä-wirrka'yunana ɳanya bitjaya, "Go, lakanjuna ɳanapuŋgu wanhakana ɳunhiya dhäwu' mala ɳunhi nhe lakanjaya, bili yaka ɳanapu ɳunhi dharanjaya. Nhäpu ɳunhi dhäwu'ya malanyinha?"

¹¹ Ga ɳayi Djesuya waŋana bitjaya, "Nhumanguya dhiyakuya wayanju ɳunhi nhuma ɳuli djämamiyama ɳunhi God-Waŋarrwu rom, ɳarraya yurru warraŋulkumana nhumanangua mayali". Ga wiripuwuya yoljuwu ɳunhi ɳayi yaka dhiyalami malaŋju, wayatja yurru ɳunhi dhäwu'na yana ɳäma. ¹² Dhuwaya ɳarra yurru ɻakama gam', märr yurru nhanju dhäruktja małŋ'thun God-Waŋarrwu ɳunha djourra'ɳuna wukirriwuyha yuwalknha yana:

Yolŋuya ɳuli ɳunhi nhäma ɳarrana djämayi,

yurru yaka waya ɳuli dharanjandja, nhä ɳunhiya mayali'.

Ga ɳäma warray waya ɳuli mäkiri'yu, yurru bäyŋuna bitjan yuwalku-maya dharanjan.

Ga ɳunhi waya beni yuwalk dharanjana, wayatja beni ɳunhi bilyuna roŋiyinya God-Waŋarrwayana. Yurru yaka waya ɳunhi djäl waya yurru marnŋiyi dhiyaku ɳunhi dhäwu'wu. Ga ɳayitja yurru ɳunhi God-Waŋarryuya yakana wayanangua bäy-lakama."*

Djesuyu lakanjaya mayali' ɳurikiwyu manutjiwyu ɳathawuy ga munatha'wyu

(Matthew 13:18-23, Luke 8:11-15)

¹³ Naynu ɳayi Djesuya wayanju bitjayana waŋana, "Wäy, buku-djulŋimi, yaka nhuma gurra dhuwaya dhäwu'ya dharanjan, ɳeniya? Ga ɳuli nhuma yurru yakaya bitjan dharanjan dhuwaya gumurr-yalŋgi'ya dhäwu', ga nhattjana nhuma yurru ɳunhi dharanjan ɳunha bala wiripuya malanyinha dhäwu'?

¹⁴ Dhiyalamiya dhäwu'ju, yolju marrtjina manutjiwu lämu-nherraŋawu. Ga dhuwayatja ɳayi balanyana, bitjan ɳunhi yolju ɳuli marrtji ɳaynu ɻakama God-Waŋarrnha dhäruk yoljuwu wayanju. ¹⁵ Yo, ga ɳathaya ɳayi ɳunhi djalkthunaya, ga lurrkun'tja ɳunhi galkina ɳunha dhukarryina. Ga dhukarrya ɳunhi dälnha wirrkina ga yakana ɳayi ɳunhi ɳathaya ɳuthaya. Manymak, ga ɳuriŋiya manutjiyu ɳathayu gurra manutji-ɻakama God-Waŋarrwuna dhäruk. Ga lurrkun'thu yolŋuyu wayay ɳuli ɳäma dhäruk nhanju ɳayaŋyu dälyu, balanyana bitjan ɳunhiyi däl munatha'. Ga wäyindhu gurra manutji-ɻakama Satan-na ɳunhi ɳayi ɳuli djaw'yun ɳunhiyi dhäruk yolŋuyawa ɳayaŋju.

¹⁶ Ga ɳunhi ɳayi ɳatha galkina ɳunha gunḍamiyiya, ɳuriŋiya gurra manutji-ɻakama ɳunhina yolŋuna ɳunhi ɳayi ɳuli ɳäma dhäruk ɳayaŋyu latju'yu bala ɳätthuna yana. ¹⁷ Naynu ɳuli wiripuyuya yolŋuyu nhämana ɳunhi ɳayi ɳuli ɳunhiyi yolju märr-yuwalkthi ɳuriki dhärukku, bala ɳayi ɳuli mari-wunana nhanju. Naynu ɳayi yurru ɳunhiya yolju gulyuna dhärukŋuya nhanukaya bala diltji-wekamana God-Waŋarrwtja ga dhärukkuya nhanukalanjuwu, bili ɳatha ɳunhi manutji yaka ɳin'thuna gulŋiyina.

¹⁸ Ga ɳunhi ɳayi ɳatha galkina dirri'tirrimiyi, ga gulkuruna ɳunhi ɳathaya ɳuthaya, bili gurra ɳunhi yätjthuya mulmuyu djorkumana.

Ga ɳuriŋiya gurra maŋutji-lakama ɳunhina yolŋuna ɳunhi waya ɳuli ɳäma God-Waŋarrwu dhäruk,¹⁹ bala ɳuli ɳunhi wiripunyuna malanyŋyu gungama. Wiripuna ga wiripuna ɳuli garrinymama walŋayi, nhäku waya djäl. Ga rrupiyana gurra wirrkina guyani ga be nhäkuna warwuyun, gulk'u'wuna, girri'wu. Nayŋu ɳuli ɳunhi dhiyanuya malay galmumana God-Waŋarrwayatja dhäruknu, ga yakana ɳayi yurru ɳunhi nhina latju'kumaya nhanŋuwaya yana God-Waŋarrwuya yolŋu.

²⁰ Ga dhiyanuya dhäwu'yu, ɳatha ɳunhi galkina latju'yi munatha'yi, ɳunhiya maŋutji ɳuthaya balwakmiyinana latju'yinana, ɳayŋu ɳathamiyinana. Ga dhiyanuya gurra maŋutji-lakama ɳunhina yolŋuna ɳunhi ɳayi ɳuli ɳäma God-Waŋarrwu dhäruk ɳayŋu ɳuli djämamiyamana yana. Yo, balanyana waya ɳunhi yulŋuya bitjan ɳunhi waŋganybuy gärulwuy gilyunana gurrana gulk'u'na yana wirrkina dhika. Ga wiripuŋuya-a-a gulk'u' yana, ga wiripuŋumiya ga balanya bili."

Yaka djuŋul'maju djarratawun'na

(Luke 8:16-18)

²¹ Nayŋu ɳayi Djesuya bitjayana waŋana, "Nunhi ɳuli yolŋuyu badayala dhuŋgur'yun, yaka ɳayi ɳuli ɳunhi banikin'thuya bilkthun, ɳeniya?... wo ɳooyyi betthiya djuŋul'mama. Nunhi ɳayi yurru ɳal'mama ɳunha garrwaryi, märr yurru bukmakthu yana nhäma nhäranhaya.^{*} ²² Ga balanyana ɳunhi yulŋuya God-Waŋarrwuya dhäruk. Nhä malanyŋha gurra ɳunhi ɳoyŋu djuŋul'yun, ɳunhiya yana ɳayipina yurru God-Waŋarryuna dhawatmama, bala bukmakthuya yolŋuyu wayay ɳuli nhäjuna ɳayŋu marŋgithina.^{*} ²³ Ma', ɳuli nhe mäkiri'miya latju'kuŋu ɳäkuya ɳarrana märr nhe yurru dharanjan yana.

²⁴ Ga guyani marrtji dhäruktja ɳarrana. ɳuli nhe yurru gurra wirrkiya yana ɳarraku mäkiri'-witjun, ɳayiya yurru God-Waŋarryuya nhokaya gathan nhanŋuwaynha dharanjanami rom, ɳunhi nhe yurru gurra dharanjanana nhäya malanyŋha ɳunhi latju'ya wirrkiya.^{*}

²⁵ Ga ɳuli nhe yolŋu djäl marŋgithinyawu God-Waŋarrwalaŋuwu ɳayaŋuwu, nheya yurru yana gadamandhina. Ga ɳuli nhe yurru yakaya bitjan ɳayaŋumiyi, ɳayiya yurru ɳunhi gułmamana nhuna dharanjananuya, ga ɳunhiya nhe yurru dhuŋjana nhina nhanŋu God-Waŋarrwu."^{**}

God-Waŋarryu ɳayipi gurra dhuwaya gurrutuminaya nhanŋuway ɳuthanmama

²⁶ Ga bulu ɳayi Djesu waŋana bitjaya, "Marŋgithi nhuma yurru nhattjan ɳuli gurra God-Waŋarryu gurrutumina wayana ɳuthanmama. Yo, dhuwayatja dhäwu' mayali'mina: Yolŋu djälmiyina ɳayi yurru lämu-nherran maŋutji ɳatha, ɳayŋu ɳayi ɳuli marrtjina ɳunhi ɳuthaya djalkthuna munatha'yina, bala gunha'yuna ɳuli ɳunhi maŋutjiya ɳunhimana, ga marrtjina wäŋayina. ²⁷ Manymak, munha ga munha djulkthuna ga yakana ɳayi gurrana ɳuriŋiya yolŋuyu guyaninaya ɳunhiya maŋutjiya ɳuthaya. ²⁸ Nayŋu marrtjina ɳunhi

* 4:21 Matthew 5:15, Luke 11:33 ** 4:22 Matthew 10:26, Luke 12:2 *** 4:24 Matthew 7:2, Luke 6:38 **** 4:25 Matthew 13:12, 25:29, Luke 19:26

maŋutjiya mala ɻuthana gänana yana. Yo, bala ɻunhi ɭukitja dhamany'tjunana, bitjaya ɻurru-walmanana. Ga yaka wiyin'tja, ɻaynu yanara'miyinana, ga yurruna mulkurrya ɻathamiyina.²⁹ Ga ɻunhi ɻathaya mulkurrya dälthina, ɻaynu yolŋuya ɻuli marŋgithina ɻunhi ɻathaya bilina latju'thinana, ɻaynu ɻayi ɻuli marrtjina gulkthu-nawuna ɻurikina ɻathawuna. Waya, God-Waŋarryu dhuwaya ɻayipi ɻuli marrtji djäma bitjan ɻuthanmama.”³⁰

*Djesuyu wiripuna dhäwu' lakaŋaya, yutjuwala'wuy maŋutjiwuy
(Matthew 13:31-32,34, Luke 13:18-19)*

³⁰ Ga bulu ɻayi Djesuyu lakaŋaya wiripu mayali'mi dhäwu' bitjaya, “Dhuwaya ɻarra gurra wiripu dhäwu' nhumantru guyanjina, ɻunhi yurru nhumana gunga'yun märr nhuma yurru dharajan, nhattjan yurru gurra God-Waŋarrwu gurrutumi waya ɻuthan.³¹ God-Waŋarrwutja dhuwaya gurrutumi yolŋu waya balanya bitjan yutjuwala'na wirrkina maŋutji. ³² Ga ɻunhi yurru ɻunhiyi maŋutji galki munatha'yı ɻaynu yurru ɻunhi maŋutjiya ɻuthana marrtji but-bitjana ga yana bili ga bathalayi yurru, ɻaynu yurru bandjaya mala dälthina. Ga ɻurrŋigitjinha ɻunhi yulŋuya. ɻaynu yurru wäyindja marrtjina ɻaynu yaluna ɻamaŋamayun ɻunhimaya warraw'yı. Yo, bitjana yurru ɻunhi God-Waŋarrwuya yolŋu waya gurrutumi ɻuthan marrtji, bathalayina yana mala.”

³³ Yo, bitjayana ɻayi gurrana ɻunhi Djesuyu marŋgikuŋyatja yolŋuna wayana. Ga gulk'u'mi ɻayi gurrana dhäwu' mala mayali'mi lakaŋaya. ³⁴ Ga ɻunhi waya gurrana wayawuy mala nhinana, Djesu ga lundu'minju waya yana nhantu, ɻayiya ɻuli wayanju mayali' bitjana dhawatmanha.

*Djesuyu wapurarrkuŋaya wata ga gapu
(Matthew 8:23-27, Luke 8:22-25)*

³⁵ Ga ɻunhi marrtjina waluya gulŋiyina ɻayiya gurrana bađak yana Djesuya nhinana marthaŋaju. ɻaynu ɻayi waŋana nhankalaŋjuwu lundu'minjuwu wayanju bitjaya, “Go, ɻilim marrtjina dhiyanu marthaŋayuna ɻunha gali'yina.”

³⁶ ɻaynu wayatja ɻunhi lundu'minjuwa waya ɻal'ŋalyunana ɻaynu marrtjinana. Ga gunha'yuna waya ɻunhi gulk'u'na yolŋuna wayana bäymayi. Ga wiripu yolŋu waya marthaŋami malthuna wayanju. ³⁷⁻³⁸ ɻaynu ɻayi ɻunhi Djesuya gayŋithinana ɻunhaya dhuđinu marthaŋaju, mulkurr ɻayi belayi ɻal'yuna bala gayŋithinana. Ga gandarrŋuya bala watana bathalana wirrkina bunana wayanju, bunayana wayana marrtjina, ga dowuya gurrana wapthuna ɻaynu gapuya dhanjanđhinana marthaŋayuya, galki beni ɻunhi marthaŋaya gülwulyunana. Ga wayatja ɻunhi lundu'minjuwa waya nhantu wirrkina yana biyanjinya, ɻaynu waya gurrana dhirr'yuna Djesuna, “Wäy Marŋgikunhami gangathina, rakunydhina ɻilim yurru, gülwulyuna ɻilim yurru... yakana nhe gurra dhuwaya warwuyundja, ɻeniya?”

³⁹ ɻaynu ɻayi Djesuya gayŋinuya gangathinana bala dhunupa yana ɻayi waŋana dälyuna dhärukthu watanaya, “Gulyuna!” ga dowuwuya ɻayi bitjaya waŋana, “Linyguna gulyuna!” bitjaya. ɻaynu dhunupa yana ɻunhi wataya gulyunana bo'yunanjuwa ga dowuya marrtjina nyimdhunana bala wapurarrnha gurrana dhärrana. ⁴⁰ ɻaynu ɻayi

³⁰ 4:29 Joel 3:13

Djesuya wañana wayanju bitjayana, “Nhäku nhuma biyaniyinaya?... yaka nhuma gurra ñarrakuya märr-yuwalkthi?”

⁴¹ Naynu wayatja ñunhi wirrkina biyaniyina, mañmañdhuna man-apaya ñaynu marrtjina bitjayana wañanhamina, “Nhäjaya nhuma? Nunha watayuya ga gapuyuya ñäkuya ñanya dhäruk wañanhaya! Dhuwayatja yuwalknha ganydjarrmina yolju!... ne?” bitjaya.

5

Darramu yätjmi birrimbirrmi
(Matthew 8:28-34, Luke 8:26-39)

¹ Djesu ga nhanju lundu'minju waya budapthunana ñuriki Galilee-wu gułun'ku, ga dhawañthunaya waya ñunha gali'yina galki yana wäñajnu yäkuñu Garasa.

²⁻⁶ Ga ñunhi ñayi Djesu marthañaju ya yupthuna ga yoljuyu yätjmiyu birrimbirrmiyu ñanya nhäjaya, yurru walmanaya ñayi ñunhi beñu bäyma moluju, ñunhi ñayi gurrana nhinana ñunhayayi wiyinñumi. Ga gulku'mi gurrana yoljuyu wayay garrwi'yuna ñanya djeñdu malanyuju, ga luku nhanju wiripuya ñuli ðapmanha, yurru gulkuruna, ñayiya gurrana ñuli ðaw'yuna, ga yupmanha. Ga bänjuna ñayi gurrana ñula yokkaya yoljuwaya ganydjarryuya nhinana. Bitjaya bili munha-ñupaya ga walu-ñupaya ñayi ñuli buku-wirwiryunaya ñulana bämama bukukuna molumikuna girri'miriwnha, yatjuna ñuli ga mitmitthunminya gundai raywal'yu.

Manymak, ga ñunhi ñayi ñuriñi darramuyu nhäjaya Djesunaya ñunhañga yana barrkuyi bala yana wañdinana gumurr'yunana bala bun'kumu-djipthuna gumurryina nhanukaya.

⁷⁻⁸ Ga bitjaya ñayi Djesu wañana ñuriki yätjkuya birrimbirrwu gam', “Way! Gatjuy dhawatthu dhiyakaya yoljuwaya, ma',” bitjaya.

Naynu ñayi ñunhi yätjtja birrimbirr wañana yatjunana, “Djesu! Gäthu'minju God-Wañarrwu, ñunhi ñayi djiwarr'wuy, nhattjana nhe yurru ñarrana dhuwaya yuljuva? God-Wañarrwaya yäkuyu ñarra nhuna gurra ñän'þun, yaka ñarrana baðuwaðuyu.”

⁹ Naynu ñayi Djesuyuya dhä-wirrka'yunana ñanya bitjaya, “Yol nhe dhuwaya yäkuya?” bitjaya.

Ga ñayiya lakanhamina bitjaya, “Ñarraya dhuwaya yäku *Mala-Gulku'*, bili *gulku'*na wirrkina ñarrakaya gurra yätjtja birrimbirr malanyinha nhina,” bitjaya.

¹⁰ Naynu gurrana ñunhi yätjtja birrimbirr mala ñurikaya darramuwayatja buku-ðuwañthunana wañana Djesuwuya bitjayana, “Yaka ñanapuna ñan'ñandhu dhipuru wäñajnu!”

¹¹ Manymak ga ñunhaya bili galki yana bukuju 2,000 bikipiki malanyinha gurrana larru'larruñaya ñathawu. ¹² Naynu ñuriñiya yätjthuya birrimbirryu malanyuju wañana wirrkina Djesunaya bitjaya, “Wäy, ñayjnua ñanapuna djuy'yu, märr ñanapu yurru gärri ñunha bikipikiwayana,” bitjaya.

¹³ Ga ñunhi ñayi Djesuyu ñäkuya wayana ga bitjayana ñayi wañana, “Ma'... marrtjina waya!” Naynu gurrana ñunhi yätjtja birrimbirr mala walmana darramuwayatja ñaynu gulñiyina bikipikiwayana. Naynu gurrana ñunhi bikipikiya mala wañdinana, ður'turyunmina

marrtjina, ɳayŋu gurrana ɻarryuna bukuŋuya, gapuyina gulun'thina yana, bala gurrana gułwulyunana.

¹⁴ Ga waya ɳunhi bikipiki djäkami waya waŋdina ɳayŋu wäŋayina malaŋuyi, ɳayŋu waya marrtjina ɻakaŋayana bukmakkuna yana ɳunhi nhä gurrana ɳunhaya malŋ'thuna. Ga gulku'yu yolŋuyu wayay gurrana gunha'yuna wayaŋgu wäŋa malanyňha, djälmiyina waya ɳunhi nhänharaw ɳuriki ɳunhi nhä ɳunhaya malŋ'thuna.

¹⁵ Ga ɳunhi waya marrtjina Djesuwaya, ɳayŋu waya nhäŋayana ɳunhiya ḋarramuna ɳunhi nhanukaya gurrana ɳäthiyi nhinana gulku'na wirrkina yätj birrimbirr malanyňha. Ga nhinana ɳayi gurrana mulkurr latju'na ga girri'mina dhaṭthunminyayana. Ga ɳunhi waya yolŋuyu wayay nhäŋaya, ɳayŋu waya yana biyanıyinana, bili waya yana dharanayana ɳunhi yurru gurra bitjandja yolŋuyu yätj birrimbirr dhawaṭmama balanyaya ɳunhi yolŋu buluna wal'ŋu ganydjarrmi. ¹⁶ Ga wayatja ɳunhi maŋutji-marŋgimiyuya gurrana dhäwu'na ɻakaŋaya wiripuwuna yolŋuwu wayaŋgu nhanukalaŋuwuy ɳunhi ḋarramuwalauwuynha ga bikipikiwalauwuynha. ¹⁷ Nayŋu wayatja ɳunhi yolŋuyuya wayay gurrana waŋana ɳanya Djesuna marrtjinyawuna yana.

¹⁸ Ga dhiyanuŋga bili ɳayi Djesu ɳal'yuna marthaŋayiya, ɳayŋu ɳayiya ɳunhiya ḋaramu ɳunhi nhanukaya gurrana ɳäthiyi nhinana yätj birrimbirr mala, waŋana gurrana wirrkina dhika bitjaya, "Dhuwaya ɳarra yurru nnuŋu malthuna yana!"

¹⁹ Yurru ɳayiya Djesuya yaka'yuna nhanŋu, ga waŋana ɳayi nhanŋu bitjaya, "Gatjuy nhe ɳayŋuyi ɳäthiyi roŋiyi gurruṭumiwu nhokalaŋuwu, ga ɻakaŋu wayaŋgu ɳunhi nhä nnuŋu God-Waŋarryu manymak djäma ga nhattjaya ɳayi nnuŋu maŋutji-wuyuna."

²⁰ Nayŋu ɳayi ɳunhi ḋaramuya marrtjina roŋiyinana ɳayŋu makarryi wäŋayi Decapolis-thi, ɳayŋu yana marrtjina ɻakaŋayana bukmakkuna, ɳunhi nhattjaya ɳayi Djesuyu djäma nhanŋu. Ga bukmakthu ɳunhi yolŋuyu wayay ɳäkuya dhäwu' nhanukalaŋuwuy ganyim'thunana.

Djesuyu walŋakuŋaya Jairus-ku gäthu'miŋuna, ga miyalknha ɳunhi ɳayi girri' nhanŋu mulkana

(Matthew 9:18-26, Luke 8:40-56)

²¹ Ga dhurrwaraŋu beŋuya ɳayi Djesu ga ɻundu'miŋu waya nhanŋu bunana marthaŋayuna ɳunha gali'yina ɳuriki gułun'ku, yäkuŋu wäŋaŋu Capernaum-nha. Ga ɳunhi waya gurrana marthaŋayuya yupthuna, ga malamina ɳunhi yolŋuya waya luŋ'thuna nhanukaya.

²² Ga ɳunhayayi malanu gurrana yolŋu yäku Jairus djingaryuna ɳunhi ɳayi ɳurru-dawalaŋu Jew-wu biryamiwu bunbuwu. Ga ɳunhi ɳayi Djesunaya nhäŋaya, ɳayŋu yana ɳayi marrtjinana bala bun'kumu-djipthunana munatha'yina gumurryina nhanukaya. ²³ Nayŋu ɳayi gurrana waŋana wirrkina Djesuwayana bitjaya gam', "Marrkapmi! Yothu ɳarraku ɳunha miyalk 12-mi dhuŋgarrami rirrikthun gurra, galki ɳayi yurru ɳunha rakunydhina! Buku-djulŋi, ɳäthiyi marrtji

go, ga goŋ-ŋal'yu nhanukaya märr ɳayi yurru latju'yı, ga yakana rakunydhıya."*

²⁴ Ga marrtjina ɳayi Djesuya malthuna nhanju Jairus-kuna.

Ga gulk'u' ɳunhi wirrkina yolŋuya waya gurrana malthuna mandaku yurru ɖur'-turyunminana waya marrtjina.

²⁵ Ga ɳunhayayı malaŋu gurrana marrtjina miyalk, yurru ɳayi ɳunhi ɳaraka-djetji'mi. Ga märr wiyinŋumi ɳayi ɳunhi 12-nha dhunŋgarra rirrikthunaya. ²⁶ Gulk'u'mi ɳayi gurrana marrtjina marrŋgitjkaya wayaŋgaya gunja'yunawu yurru gulkuruna. Ga warrpam'thunana ɳayi ɳuli rrupiya nhanŋuway djalkthuna wayaŋgaya, yurru bęyŋuna ɳayi ɳunhi yuwalktja latju'yina, ga rerriya marrtjina ɳunhi wirrkina bathalayina. ²⁷⁻²⁹ Ga ɳunhi ɳayi ɳuriŋi miyalkthu ɳäkuya Djesunaya, ɳaynu ɳayi bitjayana guyaqina, "Nuli ɳarra yurru girri'ya nhanju mulka ɳarraya yurru yana latju'yina." ɳaynu yana ɳayi marrtjina diltjikuna dhałakarr-yarpunjaya yolŋuwaya wayaŋgaya malakuyu. Ga ɳunhi ɳayi goŋ-djarryunaya bañha mulkana girri'ya nhanju.

ɳaynu dhunupana nhanju ɳunhi ɳurru-yätjtja gulyunana, ɳaynu ɳayi dhäkay-ɳäkuya ɳunhi rerri'yuya ɳanya gunha'yunana.

³⁰ Ga balanyamiyu bili yana ɳayi Djesuyuya dhäkay-ɳäkuyana nhanukiyingaya ɳayi rumbalyu, ɳunhi ganydarryuya ɳanya gunha'yunana. Ga gulyunana ɳayi, bala gumurr-bilyuna ɳaynu dhä-wirrka'yunana wayana bitjayana, "Yolthu ɳarraku girri'ya mulkana?"

³¹ Ga waya ɳunhi lundu'miŋuya waya nhanju waŋana bitjaya, "Nhänu ɳäthiyi dhuwaya yolŋuna waya mala, ɳapa-ŋal'ŋalyunmina marrtji ɖur'-turyunmina nhokaya. Nhäku nhe bitjayatja waŋana, gulk'u'na dhuwaya wirrkina yolŋuya waya," bitjaya.

³² ɳaynu ɳayi Djesuya bilyunana bala marrtjina nhäŋayana yolŋunaya wayana, märr ɳayi yurru malŋ'mama yolthu nhanju girri' mulkana. ³³ Ga dhunupana yana ɳunhi miyalktja marŋgithinana bala marrmarryunana marrtjina biyaniyuna nhanukiyingaya ɳayi, bala yana djalkiri-dhathar'yuna ɳaynu yana bun'kumu-djipthuna gumurryina nhanukaya Djesuwaya bala lakanhamina, "Marrkapmi, ɳarra ɳunhi nhuna mulkanaya."

³⁴ ɳaynu ɳayi Djesuya waŋana nhanju bitjayana, "Wäy... gäthu, bilina nhe ɳarraku märr-yuwalkthinana, ga bilina nhe dhuwaya walŋathinana rerriŋuya. Gatjuy marrtjina ɳoy-layuna bilina nhe dhuwaya walmanana beŋuya rerri'ŋuya romŋu," bitjaya.

³⁵ Ga ɳayiya gurrana ɳunhi Djesuya baðak yana waŋana, ɳaynu wayatja ɳunhi yolŋuya waya marrtjina dhäwu'miya beŋu Jairus-kayatja wäŋanju, ɳaynu waya lakanayana bitjayana, "Wäy... wäŋaya dhuwaya ɳonuŋ. Yakana buluya dhuwayi Marŋgikunhaminaya laylaymanju," bitjaya.

³⁶ Ga ɳayiya ɳunhi Djesuyuya wayana djulkmaŋaya ɳäkuya, bala ɳayi bitjayana Jairus-kuya waŋana, "Yaka warwuyu ga biyanı, yana märr-yuwalkthi ɳarraku," bitjaya. ³⁷ ɳaynu ɳayi Djesuya bitjana

* ^{5:23} 1. Nuhha Greekkuyuya gurra bitjan djingaryun, "Go, goŋ-ŋalyu nhanukaya". Nuhniya mayali' balanya, "Go, walŋakuŋu ɳanya." 2. Nuhha Greekŋuya Dhuyunju Djourra'ŋu waya bitjan gay' wukirri, waya yurru galkun ga gunha yurru number 42-ŋuna lañaka dhuŋgarraya nhanju ɳurikiya miyalkku.

wanja, “Gulyuna nhuma wiripuya waya ga dhuwaya yurru ḥalinquya malthun wayawuynha yana Peter-na ga maṇḍana wāwa'manydji James-nha ga John-nha ga linyguna.”³⁸ Ga ḥunhi waya Jairus-kaya wājanju bunana bala waya nhäñayana yoljuna wayana waya mar-tjina djämama dhika wiripuna ga wiripuna ḥurikina bāpurru'wuna romgu. Ga wiripuya yolju waya gurrana ḥäthinyamina, wiripuya nhi-nana gurrum'nha ḥäthina ga wiripuya dhä-rirrakaymina manikaynha yuṭuŋgurrnha lakanjaya.³⁹ Naynu ḥayi Djesuya gulñiyina ḥaynu wāñayina, ḥaynu ḥayi wanjana wayanju bitjayana, “Nhä nhuma gurra dhuwaya djämaya, nhä nhuma guyanjinaya yana beni dhuwaya bāpurru'na? Ga nhäku nhuma gurra dhuwaya ḥäthinyamiya? Dhuwaya wirrkul yothu yaka ḥayi rakuny, dhuwaya ḥayi gurra yakurr yana gayñithi.”

⁴⁰ Ga wayatja ḥunhi yolju'-yulñuyuya warku'yuna, gitkitthunmina manapaya nhanju.

Naynu ḥayi gurrana Djesuyuya gukuñayana wayana bitjayana, “Gatjuy nhumaya bukmaknha yana walmina.” Naynu waya bukmaknha yana dhawaṭhuna buñbuñuya. Manymak, ga garr'yunaya ḥayi ḥändi'miñjuna yana ga bāpa'miñjuna Jairus-nha ga lurrkun'nhana guyurr'miñjuna wayana nhanjuway, bala waya garri'karrina ḥunhima buñbuyina ḥunhi wanhami gurrana yothu wirrkul gayñithina.⁴¹ Naynu ḥayi Djesuyuya goñha ḥanya mulkana ḥunhina wirrkulnhaya bala wanjana nhanukaya dhärukkuyuna Arram-guyuna, “*Dalitha gom!*” (Mayali ‘Wirrkul gañgathina!’)

⁴²⁻⁴³ Ga dhunupana yana ḥayi ḥunhi wirrkulya gañgathinana, bala yana marrtji'marrtjinana. Naynu ḥayi Djesuya wanjanana, “Gatjuy ḥula nhä waya nhanju wekuju ḥayi lukan,” bitjaya.

Ga bukmakthuna ḥunhi nhäñaya ḥayañu-nirryunami rom, ḥaynu ḥayi Djesuya wanjana wayana wirrkina yana bitjaya, “Yaka yana lakanju ḥula yolku yoljuwu dhiyakuwyaya,” bitjaya.

6

*Yolju waya ḥurru-wil'wilyuna Djesuwu
(Matthew 13:53-58, Luke 4:16-30)*

¹ Naynu ḥayi Djesuya marrtjina gunha'yunana ḥunhiya wäja Capernaum-dja, roñiyina nhanukiyingayana wäjayı Nazareth-dhina, ga bukmak yana lundu'miñuya waya nhanju malthunmina. ² Ga wiripuñyu Jew-waya Nhinanhamiyu Waluyu, ḥayi gurrana Djesuya marñgikuñaya gulku'na yoljuna wayana ḥunhaya ḥunhi biryamiñjuna buñbuñu. Ga ḥunhi waya gurrana ḥäkuya ḥanya ḥunhi nhä ḥayi gurrana wayana marñgikuñaya, ḥaynu waya bitjayana wanjanhamina, “Wäy, dhuwayatja yolju gadamanha. Wanhami ḥayi gurrana dhuwaya marñgithinaya dhiyakuya malawu? Ga wanhanju ḥayi gurrana dhuwaya ganydjarrya ḥätthuna djämawu ḥayañu-nirryunamiwuya romgu?³ Dhuwayatja dhuwaya ḥunhi buñbuñul'yunami warray yolju! Dhuwaya ḥilimuya dhiyakuwyunha bili wāñapuy yana, ga marñgi ḥilim u nhanukalañuwu ḥändi'miñuwuya Mary-wuya. Ga marñgi ḥilim u nhanukalañuwu wäwa'miñuwuya wayanju yäkuwu James-ku ga Joseph-ku ga Judas-ku ga Simon-gu, ga marñgi ḥilim u nhanukalañuwu yapa'miñuwuya wayanju.” Naynu

gurrana ɳunhi yolŋuya waya nhanŋu yakana märr-ŋamathinaya, ɳurru-wil'wilyunana waya gurrana nhanŋu.

⁴ Yurru ɳayi Djesuya waŋana bitjaya, “Nunhi ɳuli God-Waŋarrwuya djawarrkni ɳolŋu marrtji wiripumaya wäŋayi ga wayatja ɳunhi wäŋa-waṭaŋumiyuya ɳolŋuy wayay dhäruk ɳätthun ga gumurr-ŋamathi nhanŋu. Ga ɳunhi ɳayi yurru marrtji nhanukiyingayatja wäŋayi, ga nhanukalaŋuwu gurrutumiwu ɳolŋuwu buna, ga wayatja yurru ɳunhi yakana dhäruk-ɳätthun ga märr-yuwalkthi nhanŋu.”^{*}

^{5-6a} Ga ganyim'thunana ɳayi ɳunhi Djesuyuya nhäŋaya, bili ɳolŋuya waya ɳunhi ɳayaŋuya-dälthinana ga yakana waya gurrana ɳunhi buluya märr-yuwalkthina. Ga yakana ɳayi gurrana ɳunhi gany-djarrmiya rom baki wirkiya, lurrkun'nha yana, yana ɳayi marrtjina waŋga'-waŋganygayana goŋ-ɳal'yunaya ɳolŋuwaya rerrimi-waya, bala yana wayatja walŋathinana.

Djesuyu djuy'yuna 12-nha ɻundi'miŋuna wayana Godkalajuwu djämaŋawu

(Matthew 10:5-15, Luke 9:1-6)

^{6b} ɳayŋu ɳayi marrtjina Djesuyuya marŋikuŋayana ɳolŋuna wayana buku-liw'maŋaya ɳunha yuṭuŋgurrŋu wäŋaŋu. ⁷ Ga luŋ'maŋaya ɳayi ɳunhi 12-nha ɻundi'miŋuna wayana nhanŋuway ɳayi, ɳayŋu ɳayi ganaŋ'thunmaŋayana wayana bulal' ga bulal' ga bulal', ga bitjayanay ɳayi ɳunhi waŋanaya wayaŋgu, ‘Ma', marrtjina waya wäŋayina malanyŋuyi ga marŋikuŋuna ɳolŋunaya wayana God-Waŋarrwuna. Narra nhumana gurra dhuwaya ganydarrya wekamana nhuma yurru dhawatmamana yätjtja birrimbirr mała. ⁸⁻⁹ Ga yaka ɳätthu gulk'ya girri' bili ɳayi yurru nhuŋu God-Waŋarryu djäma ɳäthiyi. Dharpa yana ɳätthu gandji'yunawu ga djalkiriwyu dhuwayi lukanu nhokaya ga dhuwanna bili girri'ya dhuwayyi galŋaŋu nhe gurra gäma. Ga yaka gäŋu ɳula nhä ɳatha ga rrupiya ga ɳula nhä bathi. ¹⁰ Ga ɳuli nhuma yurru bunaya birrka'miŋu wäŋaŋu ga wäthun ɳunhi waya yurru nhumanŋu gumurr-ŋamathiya bitjandja waŋa, ‘Go, ɳunhaya nhuma yurru ɳarrakaya buŋbuŋu gayŋithi,' nhumaya yana marrtjina ga yukirri ɳunhayana buŋbuŋu ga yana bili-i-i, ga djäma nhumanŋu yurru dhawar'yun, ga yurruna wayana gunha'yu. ¹¹ Ga ɳunhi nhuma yurru buna birrka'miŋu wäŋaŋu ga yaka nhumanŋu yurru ɳunhi wäŋa ɳurikiwyu ɳolŋu waya gumurr-ŋamathi, ga yaka waya yurru ɻuktukmiyi ɳänharaw nhuŋu, nhumaya yurru gunha'yuna yana ɳunhiya wäŋa bala munatha'ya lukanuya djalk-tjalkthuna ɳurikiwyu wäŋawuy, ga biyakuna waŋi wayaŋgu, ‘Dhuwaya nhuma yaka djälmiyina ɳarraku mäkiri'-witjunawu, ga ɳunhi yurru ɳula nhä mari nhumanŋu malŋ'thun, ɳunhiyiya nhumanŋuwaynha mari,' biyakuna waŋi, ga yaka ɻawa'yu, yana ɳapawil'yuna wayaŋgaya.”*

¹² Yo, bala waya ɳunhi ɻundi'miŋuya waya marrtjina barrkuwatjthi-nana bulal' ga bulal' wiripumana ga wiripumana wäŋayi, ga ɳunhayana waya lakanaya dhäwu'ya ɳolŋu'-yulŋuwuya bitjaya, ‘Gu-lyuna waya dhuwurr-yätjŋuya nhumanŋgaya nhuma, bala malthuna

* 6:4 John 4:44 * 6:11 Nhäŋu Luke 10:4-ɳuyu ga bala 11-dhi ga Acts 13:51.

God-Wanjarrwuna yuwalkjuwuna dhukarrwu.”¹³ Ga gulk'u'na wirrkina waya gurrana ɻunhi yätjtja birrimbirr malanyinha dhawaŋmaŋjaya yoljuwaya wayaŋgaya. Ga gulk'u'waya ɻunhi rerrimiwaya waya gurrana weka' rarryuna mulkurryi yurru lurrkun' yana, yaka gulk'u', märr waya yurru latju'yina.[◊]

*John ɻunhi Buku-lupthunami darramu rakunydhinana
(Matthew 14:1-12, Luke 9:7-9)*

¹⁴ Ga ɻulinyamiyu waluyu gulk'u'yuna gurrana ɻunhi yolŋuyu wayay Djesuwalaŋjuwuya dhäwu' ɻäkuya. Ga ɻayi ɻunhi yindiyu bunyawayu yäkuyu King Herod-thuya ɻäkuya yana ganydjarr nhanukalaŋjuwuy. Ga bitjayana gurrana ɻunhi wiripuya yolŋu waya waŋana, “Dhuwaya ɻayi John ɻunhi Buku-lupthunami, yurru Djesuŋhaminana ɻayi rumbalya, dhuwaya ɻayi yawungu bulu walŋathi rakunyŋyu, ga dhiyanuna ɻayi gurra dhuwaya Djesuyu ɻuli ɻayaŋu-ganyim'thunamiya rom djäma.”

¹⁵ Ga wiripu yolŋu waya gurrana waŋana bitjanmina, “Dhuwaya mak Elijah ɻeniya ɻunhi God-Wanjarrwuna djawarrkmi ɻäthiliŋuna?” Ga bulu wiripu yolŋu waya waŋana bitjaya, “Yaka dhuwaya Elijah, dhuwayatja ɻula yol wiripu God-Wanjarrwu djawarrkmi ɻäthiliŋu.”[◊]

¹⁶ Ga ɻunhi ɻayi Herod-thu ɻäkuya ɻunhi ɻhä marrtjina yolŋu waya lakanhamina, bala ɻayi yana dhäruk wekanjaya bitjayana, “Dhuwanna John-dja ɻunhi Buku-lupthunamiya yolŋu. Ga bili ɻarra ɻunhi ɻäthiyi yana dhärukta-wekanjaya ɻarrakalaŋjuwu djämamiwu wayaŋgu bitjaya, ‘Gatjuy gupana waya ɻanya gulkthu.’ Ga dhuwaya ɻayi, bilina walŋana.”

¹⁷⁻¹⁸ Yo, bitjaya ɻayi ɻunhi malŋ'thunaya gam' ɻäthiyiya. Nuriŋiya yindiwuya buŋgawawu yäkuwu King Herod-ku gurrana yukuyuku'miŋu nhinana yäku Philip, ga miyalk nhanŋu yäku Herodius. ɉayŋu ɻayi ɻuriŋi yindiyu buŋgawayu King Herod-thuya gumbuŋayana ɻunhi yukuyuku'miŋuwuya miyalknha. Manymak, gulk'u'mi ɻayi gurrana John marrtjina ga waŋana maŋutji-yunupa Herod-ku bitjaya, “Yaka nhe djaw'yu dhuwayi yukuyuku'miŋuwu nhokalaŋjuwu miyalknha. Dhuwayitja nhe gurra daw'yuna ɻilimunju romnha, Jew-wuna bäpurru'wu.” Yurru ɻayi ɻunhi Herod-thuya ɻätthunana yana ɻunhi miyalknha. ɉayŋu ɻayi ɻunhi dhärukta-wekanjaya djämamiwaya wayaŋgaya waya yurru John-na gärrinymama dharruŋguyina.[◊]

¹⁹ Ga bitjaya bili ɻayi gurrana ɻunhi John-dhuya ɻayaŋu-yätjkunjaya waŋana, ɉayŋu marrtjina ɻunhi miyalktja ɻoy-dhärranana nhanŋu John-guya, ga duktukmiyinaya ɻayi gurrana ɻunhi wirrkina yana murrkay'kunhawuna yana baymatthunawu nhanŋu, yurru bäyŋu ɻayi ɻula dhukarr malŋ'maŋjaya. ɉayŋu ɻayi Herod-thuya gurrana mulkanana John-naya dharruŋguŋuna,²⁰ ga bitjaya ɻayi ɻunhi dhäruk-wekanhamina djäkamiiwayatja gam', “Dhiyakuya nhuma yurru gurra latju'kuma yana djäka.”

Ga wirrkina ɻayi ɻunhi yindiyuya buŋgawayu Herod-thuya waŋana John-naya märryu-dapmaŋjaya ga beyaniyina manapaya. Ga marnŋi ɻayi ɻunhi, ɉanya God-Wanjarryu lili djuy'yuna ga nhäwi ɻayi ɻunhi

[◊] 6:13 James 5:14 [◊] 6:15 Matthew 16:14, Mark 8:28, Luke 9:19 [◊] 6:17-18 Luke 3:19-20

ŋayaŋu-dhunupa balanya latju' yolŋu. Ga djäl ŋayi ŋunhi wirrki yana nhanŋu ŋayi yurru gurra ŋäma ŋanya dhäwu'yi lakanhayi. Yurru gułku'mi ŋayi gurrana ŋunhi John-dhu ŋayaŋu-yätjkuŋaya ŋanya ŋunhi ŋayi ŋuli waŋanha dhäwu' lakanha.

²¹ Manymak, ga waŋganyimiу waluyu waya marrtjina luŋ'thuna nathawuna lukanhawu, ga ŋuliwitjaya waya guyajina ŋunhi Herodku dhawal-wuyaŋinyami walu. Manymak, ga balanyamiу ŋayi ŋunhi miyalkthu yäkuyu Herodius-thu guyajina bitjayana, "Yää-a, dhuwaya ŋarra yurru buku-roŋinymamama ŋurikiwuy John-guna, ŋunhi ŋayi nhattjaya John-dhu gulinybuŋaya Herod-nha ga ŋarrana." Ga gułku' waya marrtjina ŋathawu lukanhawu balanya bitjan ŋurru-warryunaynu gapman waya, ga mađakarritjmiwu miriŋuwu wayanju buŋgawa'minju ga ŋalapalmi ŋurukuwuynha makarrwuy wäŋawuy Galilee-wuynha. ²² Yo, lukanaya waya marrtjina ŋathaya ga gapuya, ga ŋunhaya gurrana wirrkul miyalk giritjina, yurru ŋayi ŋunhi waku'minuya ŋuriki miyalkku Herodius-ku. Yo, giritjina ŋayi gurrana ŋunhi wirrkul miyalk latju'kuŋayana dhika. Nayŋu ŋayi ŋunhi yindiya buŋgawa Herod-tja ga yolŋu waya wirrkina maŋmaŋdhuna nhanukaya buŋgulyu. Nayŋu ŋayi Herod-tja wätthunana nhanŋu bitjayana, "ŋuli nhe yurru ŋarrana ŋäŋ'thun ŋula nhäku nhe djäl, ŋarraya yurru yana wekamana nnuŋu. ²³ Ga ŋuli nhe djäl ŋarra yurru mala-wulkthun bukmaknha yana, ga wanhaba wäŋa makarr malanyinha ŋarrakaya goŋju, ŋarraya yurru yana gulkthuna nnuŋuya ga ŋarrakuway. Ga ŋunhi yurru dhuwayi bäyŋuya bitjan malŋ'thun, ŋarra yurru ŋäŋ'thun ŋayi yurru ŋarrana God-Waŋarryuya dhä-dir'yuna yana." bitjaya.

²⁴ Ga ŋayiya ŋunhi wirrkulya miyalk marrtjina ŋäthiyi dhawaŋthuna ŋunha ŋäŋdi'minjuwu larruŋaya ga ŋäŋ'thuna ŋayi, "Wäy... ŋäŋdi,... nhäku ŋarra yurru ŋunha yindinaya buŋgawana ŋäŋ'thun?" bitjaya.

Ga ŋayiya ŋunhi ŋäŋdi'minuya waŋana bitjayana, "Gatjuy... buku-djulŋi, ŋäŋ'thuna John-galaŋuwuna yana mulkurruw."

²⁵ Nayŋu yana ŋayi wirrkulya roŋiyina ŋayŋuyi Herod-kaya, ŋayŋu bitjayana waŋana, "Yindi buŋgawa, ɖuktuktja ŋarra dhuwaya nhe yurru gupa gulkthun John-nha ŋunhi Buku-lupthunamina yolŋuna dhiyanjuna bala yana, ga gurrunhandja nhe yurru mulkurrya limbiľimbilkthi rupa'yi ŋayŋu gäŋuna ŋarrakayana," bitjaya.

²⁶ Ga ŋunhi ŋayi Herod-thu balanyawuy ŋäkuya, ŋayŋu yana ŋayi ŋayaŋuya-yätjthinana märr-dhumbal'yunana manapaya. Yurru yakana ŋayi gurrana ŋunhi ɖuktuktthinaya ŋayi yurru dhäwu'ya nhanŋu daw'yun, bili ŋayi ŋunhi dhawu'-nherraya ŋanya gułku'waya ŋalapalmiwaya. ²⁷ Nayŋu ŋayi Herod-tja wätthunana miriŋuwuna buŋgawawu ŋayŋu dhäruknhaweŋaya, "Gatjuy marrtjina ŋunha dharrunguyina wanhaba gurra John nhina ŋayŋu gupana ŋanya gulkthu." ²⁸ Ga ŋayi ŋunhi ŋätthunaya ŋanya gupaya ga mulkurrya ŋayŋu gurrunhaya biliŋthina ŋayŋu gäŋaya ŋurikayana wirrkulwayana. Ga ŋayiya ŋunhi ŋuriŋi wirrkuluya ŋätthunaya ŋayŋu wekaŋaya ŋunha ŋäŋdi'minjuwuna nhanukalaŋuwu. ²⁹ Ga ŋunhi waya John-gaya

guyurr'miñuyu wayay ɳäkuya dhäwu'ya nhanukalañuwuy rakunyd-hinyawuyya, ɳaynu waya yana marrtjinana ɳätthunawuna nhanju rumbalwuna ɳaynu moluyina märrkitjkuɳaya.

Ga bitjayana ɳayi gurrana Herod-thuya guyanjina yana be ɳayi Djesuya John-na ɳunhi Buku-łupthunamina yolju. Ga balanya ɳayi ɳunhi dhäwu'ya.

Djesuyu dulpu-wekanjaya gułku'na yoljuna wayana dżulkmañaya gurra 5000-naya malana

(Matthew 14:13-21, Luke 9:10-17, John 6:1-14)

³⁰ Manymak, ga ɳunhi waya lundai'mirju waya nhanju Djesuwu gumurr-roñiyina beñu djämañuya, ɳaynu waya gurrana ɬakanjaya Djesuwuna nhä waya gurrana djäma ga marñgikuɳaya yoljuna wayana. ³¹ Ga balanyamiyuya gurrana ɳunhi gułku'na wirrkina yoljuya waya larrujaya nhanju Djesuwu, ga bäyñuna wayanju ɳunhi waluya ɳäthawuya ɬukanhawu, Djesuwuya ga lundai'miñuwuya wayanju. Naynu ɳayi wañjanana ɳuriki lundai'miñuwutja wayanju bitjayana, "Go, ɳilimu ɳathiyi marrtji ɳula gäñañuyi wäñayi märr ɳilimu yurru ɳir'yunmi."

³² Naynu waya wapthunana marthañayina ɳaynu marrtjina gäñañuyina wäñayi.

³³ Ga gułku'yuna gurrana ɳunhi yoljuyuya nhäñaya ɳunhi goyurr marthañaya wanhamma waya gurrana ɳunhi marrtjina. Naynu ɳunhi yoljuya waya law'yunana goyurr-ηupayana marthañanaya yurru diltji'kuna, ga wayana ɳunhi ɳurruñuya bunana ɳunhaya wäñaju. ³⁴ Ga ɳunhi ɳayi Djesu yupthunaya marthañanuya ɳaynu gurrana ɳunhi yoljuya waya galkunana nhanju. Ga ɳunhi ɳayi Djesuyu nhäñaya wayana malaya bitjan, waya yakana marñgi nhattjan waya yurru nhina romju raypirri'ɳu, balanyana, waya ɳunhi bitjan wäyin bimbi malanyinha djäkamiriwnha. Naynu ɳayi wirrkina ɳayañu-wuyunaya wayanju, ga marñgikuɳayatja ɳayi gurrana wayana ɳunhi God-Wanjarrwalañuwuna Romgu³⁵⁻³⁶ ɳurru-yirr'yunaya dämbuyu-waluyu ga yana linygu-u-u, ga läy-wilyunayu. Naynu ɳunhi lundai'miñuya waya nhanju wañjanana, "Wäy, läy-wilyunana dhuwaya ga bäyñuna dhuwaya ɳathaya, gatju-mak wanji dhuwayi yoljuna wayana waya yurru ɳatha wayanjuway ɳätthun dhuwaya ya' wäñaku mittjiku."

³⁷ Ga ɳayi Djesuya bitjaya buku-roñinyamañaya, "Yaka dhuwayitja latju'. Nhumapi yana wayana yurru dulpu-wekama."

Ga wayatja dhä-wirrka'yuna ɳanya märr-dhumbal'yuna manapaya bitjaya, "Wäy, wanhami dhika' ɳanapu yurru malj'mama balanyaya rrupiya mala dhiyaku yoljuwu wayanju dulpu-wekanhawu? Dhuwaya yurru yolju gurra djäma wañganyinha dhungarra dhämana'manapan rrupiya ɳäthiyi wuñili'yunawu ɳathawu."

³⁸ Ga ɳayi Djesuya wañjana bitjaya, "Malj'maju waya, yolthu gurra ɳula ɳathaya gäma?"

Naynu waya larrujaya gurrana ga roñiyina waya bala ɬakanjaya bitjaya, "Gon wañgany dhuwaya dämba'ya ga bulal' ɳarirri'ya."

³⁵⁻³⁶ Numbers 27:17, 1 Kings 22:17, 2 Chronicles 18:16, Ezekiel 34:5, Zechariah 10:2, Matthew 9:36

³⁹ Naynu ɳayi Djesuyuya waŋana dhäruk-wekaŋjaya ɳunha lundi'miŋjuna nhanjuway ɳayi bitjaya, "Ma', waŋina dhuwaya yoljunaya wayana waya yurru nhina mulmuŋjuna yurru mittji ga mittji ga mittji." ⁴⁰ Naynu gurrana yolŋuya waya mala-wulkthunana wiripuya yolŋu waya 100 mala ga wiripuya 50 ga ɳayŋuna wala, ga beŋga gurrana nhinanaya.

⁴¹ Naynu ɳayi Djesuyuya ɳunhi goŋ-waŋganydja dämba' ga ɳarirri' mandana ɳätthunana. Ga buku-garrwarthina ɳayi djiwarr'yi buku-wekaŋjaya God-Wanjarrna, ɳaynu ɖaw'tawyunana ɳaynu wekaŋjaya ɳunha lundi'miŋjuwuna nhanukalaŋuw märr wayatja yurru weka'wekamana ɳunha yolŋunana wayana. ⁴² Ga lukanaya waya marrtjina ɳunhi ɳathaya ga bukmak yana gana'. ⁴³ Ga lukanana waya marrtjina ga dhawar', bala ɳunhi guyurr'miŋjuya wayay wapmaŋjaya bäythinyawuya ɳatha, ga dhaŋaŋguŋayana 12-nha bathi malanyhna.

⁴⁴ Ga ɳula nhämuny'nha ɳunhi 5000-na ɖarramuya yana mala, ga gänayi ɳunhi miyalktja waya ga yumurrku'ya balanyaŋga bili mittji.†

*Djesu gurrana marrtjina ɳapa'kuyu gapukuyu
(Matthew 14:22-33, John 6:16-21)*

⁴⁵ Ga dhunupana yana ɳayi ɳunhi Djesuya waŋana wayaŋgu lundi'miŋjuwu wayaŋgu bitjaya, "Wäy waya, nhumaya marrtji marthaŋayuna ɳunha gali'yina ɳunha Bethsaida-yina." Naynu waya marrtjina budapthunana ɳuriki gulun'ku, ga ɳayipina Djesuna wäŋaŋurr'yunaya ɳunhaya bäymaya, ga yolŋunaya wayana ɳayi ɳäthiyina gurrana djuy'yuna rojinyŋmajaya wäŋayina. ⁴⁶ Ga ɳunhi waya yolŋuya waya ɻatjuwarr'yuna, ɳaynu ɳayipiya Djesuya bukuyina ɳal'yuna bukumiyanhawuna.

⁴⁷⁻⁵⁰ Ga ɳunhi wäŋaya munhakuyina ɳaynu ɳayi Djesuya yarrupthunana bukuŋjuya. Ga waya ɳunhi lundi'miŋjuya waya nhanju marthaŋamiya waya balanyamiyuwa ɳunhayana dhulmuŋjuna ga-puŋu. Ga wirrkina wayana gurrana ɳunhi watayuya buku-nhirraya ga wirrkina waya gurrana ɳunhi liw'yunminaya. Ga munhakuna ɳayi Djesuyuya goyurr-ɳupaya wayana, yurru marrtjinaya ɳayi gurrana ɳunhi ɻukuyuna ɳapa'kuyuna gapukuyu. Ga dhiyaŋunga bili ɳayi marrtjina ɳunhi djulkmaŋjaya wayana marthaŋaminaya wayana ɳaynu waya ɳanya nhäŋayana. Ga biyaniyina waya ɳunhi nhanju wirrkina yulŋuya ɳapa-mulkaŋhamina dhä-wirrka'yunmina bitjaya, "Wäy-y-y nhä gurra dhuwayatja marrtji way, mali' yolŋu ɳeniya?"

Yurru ɳayi Djesuya waŋana, "Narra... ɳarra dhuwaya waya. Yaka waya biyaniyi!"

⁵¹ Naynu ɳayi Djesuya ɳal'yunana bala marthaŋayina ɳaynu wataya ɳunhi wapurarryinana. Ga wayatja ɳunhi lundi'miŋjuya waya nhanju wirrkina wokthuna ɳuriki romgu. ⁵² Ga bili waya ɳunhi nhäŋaya ɳanya Djesuna ɳunhi ɳayi ganydjarryu nhanukiŋgaya dulpu-wekaŋjaya dhaŋaŋnha yolŋuna wayana djulkmaŋjaya gurrana 5000-tja mala. Ga yakana yana waya ɳunhi dharanjayatja nhanju ganydjarrya, bili wayaŋgu ɳunhi ɳayaŋjuya dälmi yana.

† **6:44** 5,000 ɳunhi ɖarramuya waya, ga bulu miyalk waya wayaŋgu ga yumurrku' mala wayaŋgu, ga bukmaktja ɳunhi mala mak 20,000-na, ɻulku'na wirrkina.

*Gulku' rerrimi yolŋu waya marrtjina Djesuwaya
(Matthew 14:34-36)*

53 Ga ɻunhi waya marrtjina ɻunha gali'yiya gilipuŋaya ɻuriki gulun'ku, ɻayŋu waya ɬukuna gutjparryuna ɻunhana bili gu-murrŋuna wäŋanju Gennesaret-na. 54 Ga ɻunhi waya gurrana yupthuna marthaŋanuya, ɻayŋu gulku'yuna ɻunhi yolŋuyuya nhäŋaya wayana ɻayŋu waŋana bitjayana, "Waya dhuwanna Djesuya bilina bunana." 55-56 ɻayŋu gurrana yolŋuya waya waŋdinana, ɻakanhamina marrtjina buku-ɬiw'maŋayana, ga dhuwanna lili yolŋuya waya marrtjina gäŋa'gaŋayana rerriminaya yolŋuna wayana.

Ga wanhamama ɻayi Djesu marrtjina ɻunhaya wäŋanju, wayatja yolŋuyuya wayay ɻäkuya ga bitjayaŋga marrtjina gäŋa'gaŋayatja rerriminaya yolŋuna wayana ɻayŋu ɻurru-dakthunminana, rarr'yunaya marrtjina yakurruŋayana ɻunhimaya ɻunhi wäŋayi. Ga bitjaya waya ɻunhi guyaninaya gam', "Nuli waya yurru ɻunhi girri'ya yana nhanju Djesuwu mulka wayatja yurru latju'yina yana." Ga ɻunhi waya bitjaya mulkanaya nhanju girri'ya dhunupana yana wayatja latju'yinana.

7

*Yolŋuwaya romdhu ɻuli bar'parmamana marrtji God-Waŋarrwuwaya rom
(Matthew 15:1-9)*

1 Waŋganymiyu waluyu Pharisee rom-mulkanhami waya, ga lurrkun' Jew-wu rom-marŋgikunhami waya wäŋa Jerusalem-buy marrtjina waya Djesuwaya. 2-5 Ga ɻunhiya yolŋu waya ɻuli gurra wirrkina yana romgu wayanguway malthun. Balanyana mala rom gam': ɻuli yurru yolŋu djälmiyi ɻathawu ɬukanhawu, ɻurruŋuya waya yurru goŋ-rurrwuyunmi romgu yana malthun ga yurruna ɻathaya ɬuka. Ga ɻunhi waya yurru ɻatha ɻättħun ɻula wanhami yolŋu gulku'minju wäŋanju, ɻurruŋuya ɻathiyi waya yurru rurrwuyunmi ɻuriki romgu malthun. Ga yurruna banikin'tja malanyha rurrwuyun balanya bitjan saucepan mala, ɻathawuy bathanawuy rupa mala, ga gapuwuy wukthunawuy rupa ga gäp ga bilit ga gulku' wiripu ga wiripu. Bukmak yurru rurrwuyun, romgu ɻuriki malthun.

Ga ɻuli yurru wiripu Jew-yolŋu yakaya gurra malthun ɻunhi nhattjan gurra rom waŋa, wayatja yurru ɻunhi Pharisee-ya yolŋu waya maŋakarritjthina wayanju.

Ga balanyayina waya ɻunhi Djesuwuya ɻuŋdu'minjuna wayana nhäŋaya, ɻayŋu waya ɻunhi Pharisee-ya bukmak yana maŋakarritjinaya wayanju, bili waya gurrana ɻatha ɬukana, goŋ-rurrwuyunamiriw, yaka romgu malthuna. ɻayŋu waya gurrana rom-nyämir'yunana ɻanya Djesuna bitjayana, "Nhäku ɻuli ɻunhi nhokayatja ɻuŋdu'minju wayay bitjandja ɻatha ɬuka goŋ-rurrwuyunamiriwy? ɻunhiya waya ɻuli gurra rom-nha ɻaw'yun ɻäläpalmiwuna!"

6-7 Ga ɻayi Djesuya buku-roŋinymaŋayana bitjaya, "Nhumaya dhuwaya yolŋu waya gali'-märrma' warray. Dhunupanga ɻayi ɻunhi yolŋuyu yäkuyu Isaiah-yu baman'tja wukirri God-Waŋarrwu dhärük bitjaya gam', 'Dhuwayatja yolŋu waya ɻuli wokthun ɻarraku

dhärukthu yana waŋganydhu, ga yaka ɳuruŋu ɳayaŋuyutja.
 Bäyŋuna waya ɳuli yuwalktja buku-ŋal'yun ɳarraku,
 ga marŋgikumaya waya ɳuli ɳunha yolŋuwuna romdja
 malanyŋha, yana beni ɳunhiyiya God-Waŋarrwuŋuna rom.
 Ga baŋ-bitjana waya ɳuli mulka yolŋuwuna yana rom
 malany.*

Balanyana dhuwaya nhumaya. 8-9 Gunha'yunana nhuma God-Waŋarrwuŋuya rom nininŋuya malanyŋha, ɳayŋu nhuma ɳuli malthundja yolŋuwuna yana romgu. Gadamana dhuwaya nhumaya marŋgina wirrkina balanyawuya yätjkunhawuya djämawu!

10 Dhuwayatja ɳunhi rom nhanukuŋu God-Waŋarrwuŋu, ɳunhi ɳayi wekanjaya ɳilimunŋu Moses-kaya balanya gam', 'Djälwu malthu nhokalaŋuwu ɳändi'miŋuwu ga bäpa'miŋuwu.' Ga buluya ɳayi gurra bitjan waŋa gam', 'Nuli yurru yolŋu dhurrara-retjandhiya waŋa ɳändi'miŋuna ga bäpa'miŋuna, ɳunhi ɳunha romdja gurra waŋa balanyawuya yolŋuwu ɳilimu yurru bumana rakunygumana yana.* 11-12 Yo, bitjaya ɳayi ɳunhi God-Waŋarryuya rom nherraya, yurru nhumaya ɳuli dhuwaya bilmamana wiripuna dhäwu'ya lakanma yolŋuwuya bitjana gam', 'Nunha nnuŋu ɳändi'miŋu ga bäpa'miŋu gurra djälthi ɳula nhäku, yurru nheya ɳunhi ɳuli bilina ɳunhiyiya dhawu'-nherran God-Waŋarrnhana, yurru badak yana nheya gurra ɳayanjuŋu-dapmama, ga yakana nhe yurru ɳunhi bitjan maŋdanaya wekama mundhurrya.' 13 Ga balanyawuna ɳarra ɳunhi bitjayatja lakanjaya nhumanju ɳäthiyiya, nhumaya ɳunhi bar'parmanjaya nhanŋuna God-Waŋarrwuna rom, ɳayŋu bilmaŋayana nhuma, ga wiripuna rom nherraya. Ga gulk'u yana nhuma gurra dhuwaya rom malanyŋha bilmaŋaya."

Yätjtja rom ɳuli walma yolŋuwaya ɳayaŋunu
(Matthew 15:10-20)

14 Ga beŋuya ɳayi Djesu wäthuna yolŋuwuna wayaŋgu ɳayŋu bitjayana waŋana, "Dharr-biyaku waya ɳäkuya, märr nhuma yurru dharajan yana. 15 Nhä ɳuli ɳunhi gärrí gułun'thi, yaka ɳuli ɳuriŋiya yolŋuna ɳayanju-yätjkuma. Ga nhä ɳuli ɳunhi dhawaŋthun ɳilimungaya ɳayaŋunu, ɳunhiyiina ɳayi yätjtja. 16 [Nuli nhuma mäkiri'miya waya ɳäku waya latju'kuŋu!]”*

17 Nayŋu ɳayi Djesu ga ɻuŋdu'miŋu waya marrtjina ga gunha'yuna ɳunhi yolŋuna wayana ɳayŋu gułiyina buŋbuyina. ɳayŋu waya dhä-wirrka'yunana Djesuna bitjaya, "Marrkapmi, ɳäthiyi lakanju ɳanapuŋgu ɳunhi mayali' ɳurikiwuy dhäwu'puy."

18-19 Ga ɳayi Djesuya buku-ronjinymanjaya wayaŋgu bitjaya, "Nhattenjan nhuma gurra dhuwaya yaka yana dharajandja, ɳeniya? Balanya ɳayi ɳunhi mayali'ya gam': nhä ɳuli yolŋuyu ɻuka ɳunhiya latju', bili yurru ɳunhi walmaŋga yalalaya. Yurru nhä ɳuli ɳunhi walma ɳayaŋunu, ɳunhiyiina ɳayi yätjtja." (Ga bitjaya ɳayi ɳunhi waŋanaya, bili bukmaktja dhuwaya ɳatha malanyŋha latju' yana ɻukanhawu.)

20 "Ga nhä ɳuli ɳunhi yolŋuwaya dhawaŋthun ɳayaŋunu, ɳurikina ɳuli ɳayi God-Waŋarrya wirrkina yana milnyaŋ'thun: Dhiyaŋu

* 7:6-7 Isaiah 29:13 * 7:10 Exodus 20:12, 21:17, Leviticus 20:9, Deuteronomy 5:16 * 7:16 Nunha ɳurruŋuŋuya djorra'ŋu Greekkuya dhärukkyu dhuwaya namba 16-tja yaka gurra djingaryun.

yätjthuya ɳilimuna ɳuli gulmamana nhanukaya God-Waŋarrwayatja.
21 Dhiyanu yätjthu ɳilimuna ɳuli yarrkmama nhanukaya bitjan dhuwaya mala gam', guyaja yurru yätjnha yana nhä mala, ga marramba'-djaw'yunami rom, ga mananjan rom, ga mari yurru djäma wiripuwu yoljuwu rakunyguma, ga **22** läy-däl rom, ga mayali'-wilkthunami rom, ga nyälyunami rom, ga djäl-gänajumi rom, ga maŋutji-diy'yunami rom, gupa-waŋanhampi rom, ga marngi-lakanhami rom, ga läy-ɳarr'ɳarr rom, ga ɳayaŋu-däl rom.

23 Yo, balanyana ɳunhi yätjtja mala ɳunhi ɳuli walma dhipuŋuyu ɳayaŋuŋuya, ga yätjkumana ɳilimunju ɳuli ɳayaŋuna. Ga bitjana bili ɳuli ɳunhi God-Waŋarrnhaya gulmama ɳilimunγaya, ɳunhiyiya nhanukayatja God-Waŋarrwayatja milnyan'mina."

*Djesuyu guŋga'yuna mulkuruna miyalknha
 (Matthew 15:21-28)*

24 Beŋuya ɳayi Djesu ga lundi'miru mala nhanju gunha'yuna ɳunhiyi wäŋja. Ga marrtjina waya ɳaynu wäŋja gulku'miyina wäŋjayi yäkuyi Tyre-yina. Ga bunana waya ɳunhaya wäŋjanu bala gärrina buŋbuyina, bili yaka ɳayi Djesu djälthina waya yurru yolju waya marngithi nhanju ɳunhi ɳayi gurrana ɳunhaya nhinana. Yurru gulkuruna ɳayi gurrana ɳunhi djułul'yunaya.

25-26 Ga ɳunhayayi gurrana miyalk nhinana yurru ɳayi ɳunhi yaka Jew-ya bäpurru'. Ga yoljuwa ɳayi ɳunhi dhawal-wuyanjinyawuy ɳurukuwuy Phoenecia-wuy, makarrju Syria. Ga ɳunhi ɳayi Djesunaya ɳäkuya, ɳaynu ɳayi marrtjinana ga waŋana nhanju bitjaya, "Buku-djulŋi, ɳäthiyi ɳunha yätjnha birrimbirrhä gutjparr'yu yothuwaya ɳarrakalanjuwaya."

27 Naynu ɳayi Djesuya mayali'kuna waŋana, "Dhuwaya yurru ɳurruŋuya ɳatha luka yumurru'yu, ga yurruna moŋguya ɳatha luka yurru wuŋgandhuya." [Balanya ɳunhi mayali'ya gam': ɳurruŋuya ɳayi yurru Djesuyu guŋga'yun nhanjuwuy ɳayi yoljuwa Jew-nha malana ga yurruna ɳayi yurru wiripunaya bäpurru'na wayana guŋga'yun.]

28 Ga ɳayi ɳunhi miyalkthuya buku-ronjnymanjaya bitjaya, "Yuwalk yana marrkapmi. Yurru ɳunhi ɳuli wuŋgandhuya luka gor'nha yupthunayana beŋuna ɳunhi yumurru'wayana bilitju." [Ga dhiyalanjumi ɳunhi ɳayi mayali'ya gam': ɳunhi ɳayi Djesuyu gurrana nhanjuway yoljuwa wayana guŋga'yuna, ga bitjan bili ɳayi yurru wiripunaya yoljuwa wayana guŋga'yun.]

29 Ga ɳunhi ɳayi Djesuyu ɳäkuya balanya dhäruk, ɳaynu ɳayi waŋanana, "Way, dhuwayatja nhe yuwalknha yana waŋana. Gatjuy marrtjina wäŋjayina, bilina dhuwaya birrimbirr yätjtja walmana nhokalaŋuwaya yothuwaya."

30 Naynu ɳayi ɳunhi miyalktja roŋiyinana wäŋjayina. Ga ɳunhi ɳayi bunana wäŋjanuya, nhäŋaya yothunaya ɳayi gurrana gayni yana ɳorrana yakurr-latju'yinana, bili nhanukaya ɳunhi yätjtja birrimbirr walmanana.

Djesuyu walŋakuŋaya dhoŋulu'na yoljuwa

31 Ga beŋuya Djesuyu gunha'yuna ɳunhi wäŋja Tyre-ya, ga marrtjina ɳaynu Sidon-dhina, ga dhukarrkuyu ɳayi marrtjina ɳunha bala läy-warriyuna, ɳaynu gumurrkuyu ranikuyu. Dhunupana yana marrtjina

Galilee-yina gulun'thi ga bunana waya ɳunhaya yäkuju wäŋaŋu 'Decapolis-ŋu.'³² Ga ɳunhaya gurrana yolju nhinana dhoŋulu' ɳunhi lundi'miŋuyu wayay ɳanya gäŋaya Djesuwaya. Ga ɳäŋ'thuna waya bitjaya, "Buku-djulŋi ɳäthiyi goŋ-ŋal'yu dhiyakaya yolŋuwaya märr ɳayi yurru latju'yi."

³³ Nayŋu ɳayi Djesuyuya ɳanya garr'yunana ɳunhiyi dhoŋulu'na gänaŋuyina, ɳayŋu ɳayi goŋdja gulŋiyina nhanukaya mäkiri'yi, bulal'yi yana. Ga ɳarambiyayi ɳayi nhanukaya dhupthuna, ɳayŋu mulkanana ɳunhi yolŋunaya ɳäŋarrya.³⁴ Ga buku-garrwarthina ɳayi djiwarr'yi ɳayŋu yindi-ŋir'yunana ɳayŋu waŋana dhärukuyu Arramguyu bitjaya, "Yipatha!" Balanya gam' mayali' "Lapthuna!"

³⁵ Ga bitjaya ɳayi ɳunhi waŋanaya ɳayŋu nhanŋu mäkiri'ya lapthunana, ga ɳäŋarrya nhanŋu ɳunhi dhayałayinana, ɳayŋu ɳayi waŋana latju'kuŋayana.

³⁶ Nayŋu maŋda roŋiyina ɳayŋu yolŋuwaya wayaŋgaya. Ga bitjaya ɳayi Djesuyu wayana dhäruk-mukmaŋaya, "Bäyŋu nhuma yurru lakama yolŋuwuya ɳunhi ɳarra dhuwaya yolŋuna latju'kuŋaya." Yurru wayatja gunha'yuna ɳanya dhäruk ga bađak yana lakaŋaya bukmakku yana yolŋuwu.³⁷ Ga bukmak waya wirrkina galŋaŋämathina. Ga bitjaya waya gurrana ɳunhi lakanhamina, "Nhäna dhuwayatja ɳayaŋu-ganyim'thunamina rom, ɳeniya! Dhiyanuya yolŋuyu gurra latju'na wirrkina djäma. Mäkiri'-dhumukthuya gurra ɳämana ga dhärukmiriwyu gurra waŋana."

8

*Djesuyu dulpu-wekaŋaya 4000-na yolŋuna wayana
(Matthew 15:32-39)*

¹⁻³ Waŋganymiyu waluyu yolŋu waya ɻuŋ'thuna nhanukaya Dje-suwaya märr yurru waya dhäwu' ɳäma. Bili waya malthuna nhanŋu lurrkun'na walu, ga bäyŋuna ɳula ɳathatja wayaŋgu lukanhawu. Yurru ɳayi Djesuya wäthuna lundi'miŋuwuna wayaŋgu nhanukalaŋuwu ɳayŋu waŋana bitjaya, "ɳayaŋu-wuyunana ɳarra dhuwaya dhiyaku yolŋuwuya wayaŋgu. Gulku'na dhuwaya yolŋuya waya yawungu barrkuŋuya marrtjina ga ɻinyguna dhuwaya lurrkun'na waluya bitjan mala-manapanminywuya ɳilimuŋgu ga yana bili ga ɳatha ɳilimuŋgu dhawar'yuna yawungu. Yakana ɳilimu yurru djuy'yundja wayana wäŋayiya djaŋŋarrminaya, waya ɳuli gandarrŋuya ɬalalakthina."

⁴ Ga waya ɳunhi lundi'miŋuya waya nhanŋu buku-roŋinymaŋaya, "Wäy, buku-djulŋi dhuwaya wäŋaya wirajŋha,... nhattjana ɳilimu yurru dulpu-wekamaya, nhäthuna?"

⁵ Ga ɳayi Djesuyuya dhä-wirrka'yuna wayana, "Nhämunha' gurra nhumaya ɳatha mulka?"

Ga wayatja lakaŋaya nhanŋu, "Marrkapmi, seven yana dhuwaya dämba'ya."

⁶ Nayŋu ɳayi Djesuyuya waŋana wayana, "Ma', nhinina waya munatha'yina." Nayŋu ɳayi yana lurrkun'tja dämba' ɳätthunana ga buku-wekaŋaya God-Waŋarrnhana. Ga ɻaw'ɻawyuna ɳayi marrtjina muŋguykuŋaya ɳayŋu wekaŋaya nhanukalaŋuwaya lundi'miŋuwaya wayaŋgaya. Ga wayatja yolŋunana wayana

marrtjina dulpu-wekaŋaya. ⁷ Ga lurrkun' waya ɳunhi guyatja gurrana mulkana. Ga buku-wekaŋaya ɳayi ɳanya God-Waŋarrha ɳuriki guyawu, ɳaynu ɳayi wekaŋaya lundi'minjuwaya wayaŋgaya, ga wayatja marrtjina wekaŋaya yolŋu'yulŋunana. ⁸⁻⁹ Ga bukmak ɳunhi yolŋuya waya 4000-na mala. Ga lukanaya waya marrtjina ɳunhi ɳathaya ga dulputhina bukmak yana. Ga dhawar'yunaya waya lukanhanju ɳayju ɳunhi lundi'minjuyu wayay wapmanjaya marrtjina bätthinyawuya ɳatha, ga dhaŋaŋdhina seven-nha bathi malany. Ga dhurrwaraŋu beŋu ɳayi gurrana Djesuyu djuy'yunana wayana wäŋayina. ¹⁰ Ga waya ɳunhi yolŋuya waya marrtjina wäŋayina roŋiyina, ɳaynu ɳayi Djesuya ga lundi'minjuyu waya nhanju ɳal'yuna gurrana marthaŋayina ɳaynu waya marrtjinana, wäŋayi yäkuyi Dalmanutha-yina.

Pharisee-yu yolŋuyu waya guyajina waya yurru gatjarr'yun Djesuna (Matthew 16:1-4)

¹¹ Ga ɳunhi waya Djesu ga bukmak ɳunhi nhämuny'nha gurrana malthuna nhanju, bunana ɳunhaya wäŋaŋju Dalmanutha. Ga lurrkun' yolŋu waya beŋu ɳunhi Pharisee-waya malaŋu marrtjina nhanukaya Djesuwaya, ɳaynu waya gurrana dhäruknhadupthunmina märr waya yurru bawa'wekama ɳanya. Ga bitjaya waya ɳanya waŋanaya, "Ma", mak maŋutji-wekuŋuna ɳanapuna ɳayaŋu-ganyim'thunamiya rom märr ɳanapu yurru nhäma ga märr-yuwalkthi ɳunhi nhe yuwalk gurra ganydjarr mulka God-Waŋarrwuŋu!"*

¹² ɳaynu ɳayi Djesuya yindi-ŋir'yunana ga waŋana ɳayi bitjaya, "Nunhi ɳarra yurru balanyawuya ɳäma, ɳunhiya nhuma gurra ɳayaŋu-wutthuna ɳarrana! Nhäku nhuma gurra dhuwaya ɳayaŋu-ganyim'thunamiwuya romgu ɳäŋ'thun? Yaka waya biyaku ɳäŋ'thu. Yuwalk gurra dhuwaya ɳayaŋu-ganyim'thunamiya rom marrtji, yurru ɳarraya ɳuli yakana biyaku djäma, yana ɳuli nhumanju nhänharawu."*

¹³ Ga beŋuya ɳayi Djesu marrtjina gunha'yuna wayana ga waya lundi'minjuyu waya nhanju marrtjina budapthunana marthaŋayyuna ɳurikiya gułun'ku, ɳunha gali'yina.

Djäka waya Pharisee-wuya wayaŋgu (Matthew 16:5-12)

¹⁴ Manymak, ga waya Djesuya ga lundi'minjuyu mala nhanju marrtjinana. Ga gandarrŋuya gułun'ju ɳaynu waya guyajina ɳunhi waya yaka ɳätthuna ɳatha lukanhawu. Ga waŋganynha waya gurrana dämba'na gäŋayatja. ¹⁵ Ga ɳayi ɳunhi Djesuyuya wayana ɳäkuya, waya gurrana waŋanhamina ɳathawu ɳaynu ɳayi bitjayanwaŋana, "Dharradayi, ga djäka waya, ne, märr yurru nhumanaya waya mayali'-wilkthun ɳuruŋuya malay King Herod-thuya ga Pharisee-yuya malay. Balanya wayaŋgu ɳunhi dhärukjtja mala bitjan ɳatha ɳilimu ɳuli bathan duṭutmama."*

¹⁶ Ga ɳunhi lundi'minjuyu wayay nhanukaya ɳäkuya ɳaynu waya märr-dhumbal'yunana. Ga waŋanhamina waya, "Nhättjana ɳayi dhuwaya waŋanaya,... mak ɳilimu yaka ɳatha gäŋaya?"

* 8:11 Matthew 12:38, Luke 11:16 * 8:12 Matthew 12:39, Luke 11:29 * 8:15 Luke 12:1

¹⁷ Ga ɳayi Djesuya marŋgithina wayanju nhattjaya waya guyanina, ɳaynu ɳayi bitjajana, “Nhä nhuma gurra dhuwaya ɳathawuya yana waŋanhami... yaka nhuma ɳunhi ɳarrakuya mayali' ɳatthuna? Nhä nhumanju dhuwaya mulkurra dhumukthinana? ¹⁸ Biliŋga nhuma gurrana nhäŋjayatja, yurru nhuma yaka yana dharanjaya. Dhuwayatja bitjan nhuma dhunjamina nhänharawu. Ga bili nhuma gurrana ɳäkuya, ga yaka yana nhuma dharanjaya, ga ɳunhiya nhuma bitjan dhunjamina ɳänharawu. ¹⁹ Nhä nhuma dhuwaya liya-dhumukmina, ɳeniya? ɳunhi ɳarra dämba' malanynha ɻaw-taw'yuna ga ɻulpu-wekanjaya 5000-nha yolŋuna wayana? Ga nhämuny'thi bathiyi nhuma ɳunhi bätthinyawuya ɳatha mala wapmaŋjaya?”

Ga wayatja buku-ronjinymanjaya bitjaya, “12-ga ɳunhi bathiya, marrkapmi!”

²⁰ Ga bulu ɳayi Djesuyu dhä-wirrka'yuna, “Nhä nhuma gurra dhuwaya guyaninja yulŋuya ɳunhi ɳarra ɻaw-tawmanjaya seven ɳatha malanynha ɻulpu-wekanhawu 4000-gu yolŋuwu wayanju? Ga nhämuny'thi bathiyi nhuma ɳunhi bätthinyawuya ɳatha malany wapmaŋjaya?”

Ga wayatja waŋana ɳayŋuya, “Yo, seven ɳunhi bathiya!”

²¹ Naynu ɳayi Djesuya bitjaya waŋana, “Yuwalk dhuwayi, bilina nhuma dhuwaya nhäŋjayana nhumanjaya maŋutjiyu, yurru nhäkuna nhuma gurra yakaya dharajan ɳunhi wanhaŋu ɳarraku gurra gany-darrya marrtji?”

Djesuyu walŋakuŋjaya bambaynha yolŋuna ɳunhaya Bethsaida

²² Ga beŋuya ɳayi Djesu ga lundi'miju waya nhanju marrtjina ga bunana ɳunhaya Bethsaida wäŋaŋu. Ga ɳunhayatja waya gäŋjaya nhanukaya Djesuwaya bambaynhana yolŋuna, ga ɳäŋ'thuna waya Djesuna ɳayi yurru mulka ɳanya märr yurru ɳayi latju'yina. ²³ Ga ɳayi Djesuyuya garr'yunana ɳanya gänaŋuyina wäŋayi. Naynu ɳayi dhupthuna ɳanya maŋutji ɳaynu mulkanana, ga dhä-wirrka'yuna, “Wanhana, nhäŋjayana... nhe?”

²⁴ Ga ɳayi ɳunhi yolŋuya buku-garrwarthina ga ɻawa'yuna dhunupa'ɳuyi ga wiŋ'kui gal'i'yi, ɳaynu buku-ronjinymanjayan, “Dhuwaya ɳarra gurra yolŋunaya wayana nhämama, yurru märr gaŋga, balanya bitjan dharpa gurra mali'maliyun!”

²⁵ Ga bulu ɳayi Djesu goŋ-ŋal'yuna ɳurikaya yolŋuwaya maŋutjiyi. Ga wirrkina ɳayi yana ɳunhi bambaya yolŋu djalmiyina nhänharawuna. Naynu ɳayi gurrana nhäŋjayana latju'kunayana yolŋunaya wayana. Ga bilina nhanju ɳunhi maŋutjiya bitjan lapthunana. ²⁶ Naynu ɳayi Djesuyuya djuy'yunana ɳunhi yolŋunaya bitjajana ɳaynu, “Marrtjina wäŋayina, ga yakana buluya roŋiyi Bethsaida-yiia.”

Peter-yu lakaŋjaya ɳunhi Djesuya dhuwaya Maŋutji-lakanhawuy God-Waŋarrwuŋu

(Matthew 16:13-20, Luke 9:18-21)

²⁷ Ga beŋuya Djesu ga lundi'miju waya nhanju marrtjina buku-liw'maŋjaya ɳuruku Caesarea Philippi-ŋu wäŋaŋu. Ga ɳunhaya gandarrju, ɳayi Djesuyuya ɳäŋ'thuna nhanjuway lundi'miju

◊ 8:18 Jeremiah 5:21, Ezekiel 12:2, Mark 4:12

wayana bitjaya, “Wäy, waya, nhattjan ɳuli ɳunha yolŋuya wayay lakama,... yol dhuwaya ɳarraya?”

²⁸ Ga wayatja waŋjana buku-ronjinymanjaya, “Yolŋuya wayay nhuna ɳuli lakama yana be nhe John ɳunhi Buku-lupthunami yolŋu. Ga wiripu gulk'u'yua nhuna ɳuli lakama yana be nhe Elijah-tja ɳunhi ɳalapalnha yolŋu God-Waŋarrwuŋa djawarrkmi baman'ɳuwuŋha. Ga wiripunyu ɳuli nhuna lakama be nhe God-Waŋarrwuŋa baman'ɳuwuŋ djawarrkmi.”^{*}

²⁹ Ga bulu ɳayi Djesuyu dhä-wirrka'yuna, “Wäy-y nhumaya gurra nhattjan guyanı... yol dhuwaya ɳarraya?”

Ngayu ɳayi Peter-ya buku-ronjinymanjaya nhanju bitjaya, “Marrkapmi, nheya dhuwaya Christ ɳunhi Maŋutji-lakanhawuy yolŋu God-Waŋarrwuŋa ganaŋ'manhawuy baman'ɳuwuŋ.”^{*}

³⁰ Ngayu ɳayi Djesuyuya wayana dhäruk-mukmaŋayana bitjayana, “Yaka nhuma yurru bukmakkuya wayanju ɻakama, ɳe!”

*Djesuyu ɳathil'yuna ɻakaŋaya ɳunhi ɳayi yurru rakunydh
(Matthew 16:21-28, Luke 9:22-27)*

³¹ Ga beŋuya ɳayi Djesuyu ɻakaŋaya lundi'miŋuwu wayanju nhanukalanuwu bitjaya, “Narrapina yana dhuwaya Yuwalkŋuya Wal'ɳu Yolŋu. Yo, yalalamiyu ɳarra ɳuli wirrkina yana galŋawiłyu bili ɳurru-dawalaŋyu wayay ga ɳurruŋu-dalkarramiyu ga rom-marŋgikunhamiyu yolŋuy waya ɳarrana ɳuli likandhu-dupthu, ngayu waya ɳuli ɳarrana baymatthuna. Ga bulal' munha ɳuli djulkthu* ngayu ɳarra ɳuli walŋathina rakunyŋuya.”

³² Ga ɳunhi ɳayi Djesu bitjaya lakanhamina, ngayu ɳayi Peter-yuya ɳanya goŋha warryuna ngayu ɳarrtjunana ɳanya bitjayana, “Marrkapmi, yaka nhe biyakuya waŋi! ɳarraya yurru wayana gulmama nhokaya baymatthunaŋu.”

³³ Ga bitjayana ɳayi ɳunhi Peter-ya waŋjana yaka God-Waŋarrwayatja djälyu. Ngayu ɳayi Djesuya bilyuna ngayu nhäŋayana marrtjina lundi'miŋunaya wayana nhanjuway ɳayi, ngayu ɳayi madakarritjthuna dhärukthu waŋjana Peter-naya bitjayana, “Mukthuna! Dhuwayiya gurra Satan-na waŋa ɳunhi ɳayi buŋgawana yätjku malawu. Gatjuy marrtjina. Dhuwayatja nhe gurra yolŋuwaya ɳayaŋyu waŋa, yaka God-Waŋarrwaya ɳayaŋyu.”

³⁴ Ngayu ɳayi Djesuyu ga lundi'miŋuyu wayay nhanukaya wiripunana yolŋuna wayana ɻuŋ'maŋaya, ngayu ɳayi gurrana marŋgikuŋayana bitjayana, “Nuli ɳayi yurru yolŋu djälmiyi ɳarraku malthunawu, ɳayi yurru bitjana bili malthuna ɳarraku, ɳunhina ɳunhi ɳayi yurru meŋgumana nhanjuway bitjan djäl ga malthun yurru God-Waŋarrwuŋa djälwu, bädhi ɳayi wiripu yolŋu ɳuli djälthi baymatthunawu nhanju rakunyŋunhawu. Ga ɳayiya yurru yana bitjana bili malthuna, bitjan yolŋuyu ɳuli law'mama nhanjuway dharpa-mälakmanhaya ɻambarryu, ngayu ɳuli gumurr'yuna marrtji rakunydhinyawuna yana.^{*} ³⁵ Ga ɳuli yurru yolŋu gurra nhina nhanjuway

* **8:28** Mark 6:14-15, Luke 9:7-8 * **8:29** John 6:68-69 * **8:31** Djesu ɳunhi rakunydhina Friday-yu waluy (ɳunhiya waŋgany walu). Ga molunyu ɳayi gurrana gulŋiyina Saturday (ɳunhiya bulal'nha walu): Ga walŋathinaya ɳayi Sunday (ɳunhiya ɻurrkun'na walu). ɳunhiya mayali' ɳayi bulal' yana munhaya gayŋithina Friday munhaku ga Saturday munhaku. * **8:34** Matthew 10:38, Luke 9:23, 14:27

ŋayi walŋa, ɻuŋ'mama yurru ɻula nhä wiripu rom, ɻayŋu ɻayi yurru bađatjtjuna bala ɻayi yurru rumbal-widi'yuna. Yurru ɻuli ɻula wiripu yolŋu yurru rakunydhı ɻunhiya bili ɻayi ɻuli ɻarraku malthun, ga lakama ɻuli ɻayi God-Waŋarrwuna yana rom, ga yalalamiyuna ɻayi ɻuli nhiniya walŋana dhä-dhawar'yunamiriwnha.³⁵ ³⁶ Ma', ɻäkuna waya! ɻuli nhe yolŋu ɻukunydjaya wal'ŋu, ɻula nhä gulk'u'mi, ga ɻunhi ɻayi yurru God-Waŋarryu nhuna ɻuli dupthu, ga nhä nhe yurru ɻula ɻätthundja? Bäyŋuna! ³⁷ Ga ɻuli nhe gurra ɻayanuy-dapmama nhä mala dhiyakuwuy munatha'wuy, ɻunhiya nhe yurru yakana buku-wekama gathan ɻula nhä walŋawuya nhokalaŋuwu roŋinymama!

³⁸ Yo, ɻäkuna waya! Dhuwaya gurra dhiyanuya bala yolŋuya waya dhiya munatha'ŋuya djäma gulk'u'na wirrkina yätjtja rom mala. Ga bäyŋuna waya gurra ɻayanumiyi malthunawu nhanŋu God-Waŋarrwuya. Ga ɻuli nhe yurru ɻäy-yarryun ɻarraku malthunawu, ga marŋgithinyawu ɻarrakuya, ɻarraya yurru bitjan bili nhunuya ɻäy-yarryun, ga yakana nhunaya ɻuli lakaŋu ɻunhayatja God-Waŋarrwayatja gumurrŋu. Bili ɻarraya ɻuli ɻunhi Yuwalkŋuya Wal'ŋu Yolŋu, roŋiyi ɻuli beŋu djiwarr'ŋuya ga mala ɻarraku gulk'u'na djiwarr'puynha yolŋu waya dhäwu'mi waya. Ga yarrupthuya ɻanapu ɻuli ɻunhi djeŋarra'yakaynha bäymana, ga balanyamiyuna ɻuli yolŋuya wayay dharanŋuya ɻarrana.

9

¹ Yo, yaka waya menŋŋuya ɻarraku dhärukta, ne! Dhiyalanumina malanu dhuwaya nhuma gurra djingaryundja, ɻunhi nhuma yaka yana rakunydhina, yalalanumina nhuma ɻuli ɻunhi lurrkun'thuna yana yolŋuyu wayay nhäŋuya ɻayi yurru God-Waŋarryuya nhanŋuway romdja ɻuli marrtjinyamaŋuna, ganydjarryuna wirrkina wal'ŋu bathalana."

*Djesuwu rumbalya djambina ga girri' nhanŋu milŋ'milŋdhunana
(Matthew 17:1-13, Luke 9:28-36)*

² Waŋgany rulu ga waŋgany baythinyaya walu djułkthuna, ga ɻayi Djesuyu garr'yuna Peter-na, James-na, ga John-na, märr yurru waya marrtji bukuyi yolŋumiriwyi. Ga ɻunhi waya ɻunha bukuyiya ɻal'yuna ga nhäŋaya Djesunaya ɻayi wiripuŋuyinana rumbalya maŋutjiŋu wayangaya. ³ Ga girri'ya nhanŋu ɻunhi buluna dhika milŋ'milŋdhuna, watharrthinana ga lanyiŋdhinana, djułkmanayana gurrana wiripu girri' ɻula watharr. ⁴ Ga ganim'thuna waya nhäŋaya ɻunhi ɻayi Djesu gurrana waŋana ɻurikaya baman'ɻuwaya yolŋuwaya mandäkaya, Elijah-waya ga Moses-kaya.

⁵⁻⁶ Ga wirrkina waya ɻunhi ɻuŋdu'miŋuya waya biyaniyina. Ga ɻayi Peter-ya märr-dhumbal'yunana ga guyanina ɻayi, ɻayŋu waŋana bitjaya gam', "Wäy Garra, latju'na dhuwaya wirrkina yana! Nhä ɻuli dhuwaya manymak ɻanapu yurru ɻurrŋgitj nhumanŋgu warkthun?... waŋganydja ɻunuŋu ga waŋganydja Elijah-wu ga wiripuya Moses-ku?"

⁷ Ga beŋuya ɻayŋu waŋupini'na malŋ'thuna bala yana bilkthunana wayana. Nayŋu waya ɻäkuyana irrakaynha ɻayi gurrana waŋana beŋu waŋupini'ŋu bitjaya gam', "Näkuna waya! Dhuwanna

ŋunhi ɳarrakuwaya wal'ŋu gäthu'minju marrkaptja. Nhuma yurru nhanŋuna yana mäkiri'-witjundja!"*

⁸ Ga ɳunhi waya ɳäkuya riirrakaya, ga ɻawa'yunaya ga nhäŋjaya waya yana ɳanya Djesuna gänaŋuyina.

⁹ Ga beŋuya ɳayi Djesuya ga ɻundi'minjuya waya nhanŋu marrtjina yarrupthuna bukuŋuya. ɳayuŋu ɳayi Djesuyu waŋana wayana bitjayana, "Nhä nhuma dhuwaya nhäŋjaya, yaka ɻakanju yolŋuwu wiripuŋuwu wayanju. Bili ɳarraŋga dhuwaya Yuwalkŋuya Wal'ŋu Yolŋu. Njurrŋuya ɳarra yurru rakunydhì ga bulu ɳarra yurru ɳunhi walŋathi. Ga yurrnuna nhuma ɳuli yolŋuwuya wayanju ɻakanju."

¹⁰ Ga bat-bitjayana waya gurrana ɳunhi dhärukta ɳanya Djesuna mulkana ga yakana waya yolŋuwu ɻakanjaya. Ga waya ɻurrkun'thuya ɻundi'minjyu wayay dhä-wirrka'yunmina bitjaya gam', "Nhäku ɳunhi ɳayi bitjayatja waŋana? Be ɳayi yurru bulu rakunyŋyu gaŋgathi? Nhätjuyuna ɳuli ɳayi biyakuya malŋ'th?"

¹¹ ɳayuŋu waya ɳanya dhä-wirrka'yuna bitjayana, "Nhäku ɳuli ɳunhi Rom-marŋikunhamiyu wayay ɻakama ɳunhi ɳayi Elijah yurru buna ɳäthiyi, ga yurrnuna ɳayi Garrayya ɳunhi Maŋutji-ɻakanhawuya yolŋu buni? Ga nhépiya gurra nhattjan guyanja, Marrkapmi?"*

¹² Ga ɳayi Djesuya buku-ronŋinymanjaya bitjaya, "Yuwalk dhuwayitja. Waya ɳunhi baman'ŋuuŋu ɳalapal̄miyu wukirri ɳunhi ɳayi Elijah yurru buna ɳurrŋuya, ga ɳäthiyi ɳayi yurru dhukarr buma nhanŋu Christku. Ga ɳayi Christtja ɳunhi Maŋutji-ɻakanhawuy Yolŋu ɳunhi ɳayi God-Wanjarryu ɳäthil'yuna dhä-ɳäthiyi yana djuy'yuna. Ga nhäku gurra nhumaya yaka dharanjan dhiyanjaya wayay ɳunhi dhäruk ɳunha wukirriwuy God-Wanjarrwuŋu ɳunha djorra'ŋu, ɳunhina ɳunhi Yuwalkŋuwalanjuwuŋha Wal'ŋu Yolŋuwalanjuwuŋ? Yurru linygu'ga waya ɳunhi dhäwu'ya wukirri, ga yolŋuya waya ɳunhi yaka djälthina ɳayuŋu buŋjayanaya waya ɳanya rakunyŋjayanaya. ¹³ Gatjuy latju'kuŋuna waya mäkiri'-witjuya. ɳunhinaya yolŋuna Elijah-naya ɳunhi ɳayi ɳäthiyi bili bunana.* Yurru yolŋuya waya wayanjuwuy ɳayaŋuwu malthuna, yana yätkuŋayanaya ɳanya nhäŋjaya. Ga balanya ɳunhi waya djawarrkmiyu ɳäthiyiya dhäruk wukirri."

Djesuyu walŋakuŋaya yothuna ɳunhi yäjtithu birrimbirryu gurrana mulkana ɳanya

(Matthew 17:14-21, Luke 9:37-43)

¹⁴ Ga ɳunhi waya Djesu ga ɻurrkun' ɻundi'minju mala nhanŋu bunana wiripu-gulku'wu, ɳayuŋu waya nhäŋjaya gulku'nana yolŋuna wayana. ɳayuŋu ɳunhi yolŋuya waya ɻunj'thunana ga nhäŋjaya nhanŋu Djesuwuna ɻundi'minjuna wayana ga rom-marŋikunhamina wayana waya gurrana ɳarrtjunmina. ¹⁵ Ga ɳunhi yolŋuyuya nhäŋjaya ɳanya Djesunaya ɳayuŋu waya ganyim'thunana bili waya guyanjina ɳanya yana be ɳayi baðak yana nhinana gurrana bukuŋu. ɳayuŋu waya gumurr-waŋdinana nhanŋu.

* **9:7** 2 Peter 1:17-18, Matthew 3:17, Mark 1:11, Luke 3:22 * **9:11** Malachi 4:5, Matthew 11:14 * **9:13** Djesuya gurrana yuwalktja ɻakanjaya yolŋuwuya wayanju John-na ɳunhi Buku-lupthunamina yolŋuna. Malŋ'manjaya waya Matthew-ŋu chapter 17 verse 13.

¹⁶ Nayju ɳayi Djesuyuya dhä-wirrka'yuna wayana bitjaya, "Nhäku nhuma ɳuli dhuwaya ɳarrtjunmiya?"

¹⁷ Ga ɳayi wanganydja yolju bitjayana waŋana gam', "Marrkapmi ɳäku ɳarrana! Dhuwaya ɳarra yothuna ḋarramuna ɳarrakuway gänjaya märr yurru nhe walŋakuma ɳanya. Bäyŋu ɳayi dhuwaya dhäruckmiriw ga dhuwaya birrimbirryu yätjthu ɳanya ɳuli mulka. ¹⁸ Ga ɳunhi nhanukaya ɳuli birrimbirr yätjtja gärri yana butparkthuna ɳuli ɳanya munatha'yina. Ga yurruna ɳuli nhanukaya ɳälya dhaŋaŋdhı dhurrwarakuya ɳayju ɳuli lirralawunhamina ɳayi. Ga rumbalya nhanju ɳuli dälthina bitjan dharpa. Ga ɳäŋ'thuna ɳarra dhuwaya lundu'miŋuna wayana nhusju gunja'yunawu, dhawaŋmanhawu dhiyaku birrimbirrwu, yurru gulkruna."

¹⁹ Ga ɳunhi ɳayi Djesuyu balanya dhäwu' ɳäkuya ɳayju ɳayi maŋakarritjthinana wayanju, "Nhä nhuma dhuwaya yolŋuya waya dharanjanamiriw, bili ɳarra nhumana dhuwaya marŋgikunayatja beŋu bili, bay nhä nhuma gurra dhuwaya dhiryun marŋgithiya? Yaka nhuma gurra ɳarraku yuwaltktja märr-yuwalkthi, ɳeniya? Nhämuny'nhami ɳarra yurru nhumaŋgu galkundja? Go, gänjuna waya dhuwayi yothunaya lilina!" ²⁰ Nayju waya law'maŋayana ɳunhi yothunaya ga gänjaya Djesuwayana. Ga ɳunhi ɳayi ɳuriŋi yätjthu birrimbirryu nhäŋjaya Djesunaya bala yana dupthunana yothunaya munatha'yina gunhana ɳayi gurrana dur'yunmina ga djalkthunmina, ga dhurrwarakuya nhanukaya ɳälnha marrtjina larryuna.

²¹ Ga beŋuya ɳayi Djesuyuya dhä-wirrka'yunana ɳunhi bäpa'miŋunaya bitjaya, "Nhätha ɳayi dhuwaya gurrana bitjyatja?"

Nayju ɳayi ɳunhi bäpa'miŋuya bitjayana lakaŋaya, "Beŋu yana bili ɳunhi ɳayi yothu ga yana. ²² Wiyinŋumi ɳayi ɳunhi yätjtja birrimbirr dälthina nhanju baymatthunawu. Ga bitjana bili ɳayi ɳuli ɳanya djalkthuna, wiripuya dupthun gurthayi ga gapuyi gułwułmanha. Ga buku-djulji ɳäthiyi gunja'yu ɳilinyuna, gu? Nuli dhuwaya gumurr-yalŋgi'ya, ma' manutji-wuyuna ɳilinyungu, walŋakuŋuna dhuwaya yothuna."

²³ Ga ɳayi Djesuya bitjana waŋana, "Nhäku nhe bitjyatja waŋana, 'Nuli dhuwayi gumurr-yalŋgi'ya?' Narraya yurru dhuwaya djäma yana, ɳuli nhe yurru ɳäthiyi ɳarraku märr-yuwalkthi!"

²⁴ Nayju yana ɳayiya ɳunhi bäpa'miŋuya märr-nherranminana bitjayana, "Marrkapmi, bilina ɳarra dhuwaya märr-yuwalkthinana. Go, gunja'yuna ɳarrana, märr ɳarraku yurru märr-yuwalkthinyamiya wirrkina yana dälthi!"

²⁵ Ga ɳulinyamiyu waluyu ɳayi Djesuyu nhäŋayana gułku'nana yolŋuna wayana waya marrtjina gitthunmina lili malami. Nayju ɳayi dhäruck-wekaŋaya ɳuriki yätjku birrimbirrwu bitjaya, "Nhe dhuwaya birrimbirr, walmina dhiyakaya yothuwaya, märr ɳayi yurru ɳämana ga waŋana! Ga yakana buluya gärri nhanukaya!"

²⁶ Ga ɳunhi ɳayi ɳuriŋi birrimbirryu ɳäkuya Djesunaya dhäruck waŋanhawuyya, ɳayju yana ɳayi yatjuna wirrkina. Nayju ɳayi ɳunhi yothuya galikinana, dalalakthinana, bitjan ɳuli ɳayi rakunydhinana. Nayju yolŋuya waya lakanhamina marrtjina ɳunhaya, "Wäy bilina ɳayi dhuwaya rakunydhinana!"

27 Naynu ɳayi Djesuyuya goɳnha ɳanya mulkana ɳaynu gaɳgathinymaɳjayana.

28 Naynu waya Djesuya ga lundi'miɳuya waya nhanju marrtjinana gunha'yunana ɳunhiya wäɳja ga gulnjiyina buɳbuyina. Ga ɳunhayatja waya dhä-wirrka'yunana ɳanya Djesuna bitjaya, "Wäy, nhäku ɳunhi ɳanapuya yaka dhawatmaɳjaya ɳunhi yäʈjnha birrimbirrnha?"

29 Naynu ɳayi Djesuya waɳjana bitjaya, "Latju'kuɳju ɳäkuya! Balanyaya ɳunhi birrimbirr mala yäʈjnha yana wirrkina. Ga ɳuli nhuma yurru yakaya ɳäj'thun gunga'yunawu God-Wanjarrnha dhiyaku birrimbirrwu, nhumaya yurru yakana dhawatmama yolŋuwatjatja."

Djesuyu bulu ɻakaɳjaya ɳunhi ɳayi yurru rakunydh

(Matthew 17:22-23, Luke 9:43-45)

30 Ga beɳuya ɳayi Djesu ga lundi'miɳju waya nhanju gunha'yunana ɳunhiya wäɳja ɳaynu marrtjina Galilee-yina makarryi wäɳjaya. Ga yaka ɳayi gurrana djälthina waya yurru yolŋu waya marŋgithi ɳunhi ɳayi gurrana nhinana ɳunhaya. ³¹ Yo, djälmina ɳayi gurrana, ɳayi yurru lundi'miɳjuna wayana nhanjuwaya yana marŋgikuma. Ga bitjaya ɳayi waŋjanaya gam', "Yaka wiyin'tja, ɳaynu waya ɳuli ɳarrana goɳ-wekaɳjuna wiripuwayana mulkuruwayana yolŋuwawa. Naynu ɳuli waya ɳarranaya Yuwalkjunaya Wal'nu Yolŋuna baymatthuna murrkaykuɳjuna. Ga rakunydh ɳarra ɳuli yulŋuya, ga bulu walŋathi bulal'yu munhayu."†

32 Yo, bitjaya ɳayi gurrana Djesuyu ɻakaɳjaya, yurru nhanju ɳunhi lundi'miɳuya waya märr-dhumbal'yuna. Ga yakana waya ɳunhi buluya ɳanya dhä-wirrka'yuna.

Djesuwu lundi'miju waya ɳarrtjunmina yol yurru ɳurruɳuyi

(Matthew 18:1-5, Luke 9:46-48)

33 Ga beɳuya ɳayi Djesuya ga lundi'miɳuya waya nhanju marrtjinana, ga bunana wäɳjaɳu yäkuɳu Capernaum. Ga dhunupana waya gärrina buɳbuyina ɳaynu ɳayi Djesuyuya dhä-wirrka'yunana wayana bitjaya, "Wäy, nhäkunja nhuma marrtjina ɳunhi dhukarrkuya ɳarrtjunmina?"

34 Ga wayatja ɳunhi yakana nhanju buku-roŋjinyamaɳjaya ɳunhi nhäku waya waŋanhamina marrtjina dhukarrkuyu, yol yurru ɳurruɳuyi beɳu malanu. *

35 Naynu ɳayi Djesuya nhinanana, ɳaynu ɳayi marŋgikunyayana bitjayanu, "Nuli nhe ɳula yol djälthi gurra nhe yurru ɳurruɳuyi, nhe ɳäthiyi ɳuli biyaku bitjan dhuwaya yolŋu djämamina birrka'miwuna yolŋuwu."*

36 Ga ɳayi Djesuyuya yothunana ɻaw'maɳjaya ɳaynu dhangi'yunana ɳanya, ɳaynu gunha'yuna gumurryina ga waɳjana bitjaya, ³⁷ "Nuli nhe yurru ɳula yol yolŋu gumurr-ɳamathi gali'wuywu yolŋuwu bitjan dhuwaya yothu, bili ɳayi ɳunhi ɳarraku yolŋu, ɳunhiya nhe ɳarrakuna gumurr-ɳamathi gurra. Ga ɳuli nhe ɳarrakuya gurra gumurr-ɳamathi, ɳunhiya nhe bitjan gumurr-ɳamathi gurra

† 9:31 Djesuya ɳunhi rakunydhina Fridayyu (ɳunhiya waŋgany walu). Ga moluŋuya ɳayi gaynjithina Saturday (ɳunhiya bulal'nha walu): Ga walŋathinaya ɳayi Sundaynha (ɳunhiya lurrkuna walu). Nunhiya mayali' ɳayi bulal' yana munhaya rakunydh gurra Friday munhaku ga Saturday munhaku. * 9:34 Luke 22:24 * 9:35 Matthew 20:26-27, 23:11, Mark 10:43-44, Luke 22:26

ŋarrakalaŋuwuna bäpa'miŋuwu, ŋurikina ŋunhi ŋayi ŋarrana djuy'yuna lili dhipaya munatha'yi wäŋayi."*

Yol dhika ŋilimunŋgayatja gali'ŋu?
(Luke 9:49-50)

³⁸ Ga beŋuya dhurrwaranu ŋaynu ŋayi Djesuwu ɻuŋdu'miŋu yäku John waŋjana bitjaya, "Way marrkapmi, ŋunha ŋanapu nhäŋaya yolŋuna waŋganyinha ŋayi gurrana yätj birrimbirr djalkthuna nhokaya yäkuyu. Yurru ŋanapuya ŋanya gulmaŋaya bili ŋayi ŋunhi yaka ŋilimunŋgaya malaŋu."

³⁹ Ŋaynu ŋayi Djesuya bitjayana buku-roŋinymaŋaya, "Yaka nhuma ŋunhi be gulmanha ŋanya. Bili ŋula yolthu yolŋuyu yurru djäma ganydjarrmi rom ŋarrakaya yäkuyu, ga yalalaya ŋayi yurru ŋunhi yakana ŋarrana yätjkuma waŋja.

⁴⁰ Ga ŋunhi ŋayi yolŋu yakaya yurru gulmama ŋilimuna, ŋunhiya ŋayi ŋilimunŋgayanu gali'ŋu.*

⁴¹ Latju'kuŋu guyaniŋ! Njuli ŋayi, ŋula yol yolŋu, marŋgi ŋunhi nhe ŋuli malthun Garrawyu, bala ŋayiya nhuna yurru gunŋa'yuna, bäydhí ŋayi ŋuli nnuŋu gapu yana wekanu, God-Waŋarryuya ŋunhinaya yolŋuna ŋayi yurru yakana meŋguma."*

Yaka rom-yätj djäma
(Matthew 18:6-9, Luke 17:1-2)

⁴² Ga bulu ŋayi Djesu waŋjana bitjaya, "Njuli yurru ŋula yolthu yolŋuyu maŋutji-warryun ŋarraku yothuna yätjthi romdhi, ŋaynu ŋayi yurru yothuya ŋunhi gulyuna ŋarrakayatja märr-yuwalkthinyanu, latju'na ŋunhi ŋurikiya maŋutji-warryunamiwuya yolŋuwu ŋanyanaya yurru mayaŋ'nha ɖapmama raki'yuna bathalayuna guŋdayi, ŋaynu ɖupthun dhulmuyina gapuyi, märr ŋayi yurru gulwulŋyuna.

⁴³ Ga ŋuli ŋayi yurru goŋdu nhokaya yätj warkthun, nheya yana gulk'thunmina ŋunhi goŋdja. Bili latju'ya nnuŋu nhe yurru djiwarr'yiya marrtji goŋ waŋganyinha. Ga ŋuli nhe badak yana goŋ bulal', nhunaya ŋuli ɖupthu ŋunha gurthayina ŋunha dhä-dir'yunamiyina wäŋayi.* ⁴⁴ [Ga ŋunhiya bitjan yätjnha wirrkina wäŋja. Ga gurthaya ŋuli yakana bolmuyukthi ŋunhaya wäŋanu. Ga mewirriya ŋuli walŋjana yana gal'yunmi, ga yätjkuŋuna ŋuli warrpam'nha yana.]‡ ⁴⁵ Ga ŋuli nhokaya ɻukuyu yurru gäma nhuna ŋula nhäyi yätjthi, gulkthuna dhuwayi ɻukuya. Bili latju'ya nnuŋu nhe ŋuli djiwarr'yiya gärri ɻuku waŋganyinha. Ga ŋuli nhe ɻuku bulal'ya nhunaya ŋuli ɖupthu ŋunha gurtha'yina ŋunha dhä-dir'yunamiyina wäŋayi. ⁴⁶ [Ga ŋunhiya nnuŋu yätjnha wirrkina wäŋja. Ga gurthaya ŋuli yakana bolmuyukthi ŋunhaya wäŋanu. Ga mewirriya ŋuli gal'yun walŋjana yätjkuŋuna ŋula nhä malanyinha.]§ ⁴⁷ Ga ŋuli nhokaya maŋutjiyu nhuna yurru gäma romdhi yätjthi, nheya yana dulŋurr'yuna maŋutjiyu nhunuŋway ŋaynu ɖupthuna. Bili latju'ya nnuŋu nhe yurru djiwarr'yiya gärri maŋutji waŋganyinha. Ga ŋuli

* 9:37 Matthew 10:40, Luke 10:16, John 13:20 * 9:40 Matthew 12:30, Luke 11:23 * 9:41 Matthew 10:42 * 9:43 Matthew 5:30 † 9:44 Ŋunha ŋurruŋjuŋuya djorra'ŋu Greekkuya dhärukkyu dhuwaya number 44-tja yaka gurra djingaryun. § 9:46 Ŋunha ŋurruŋjuŋuya djorra'ŋu Greekkuya dhärukkyu dhuwaya number 46-tja yaka gurra djingaryun.

nhe manutji bulal'ya, nhunaya ɳuli ɖupthu ɳunha gurtha'yina ɳunha dhä-dir'yunamiyina wäŋayi.*

48 Ga ɳunhiya nhunu yätjhna wirrkina wäŋa.

 Ga gurtha'ya ɳuli yakana bolmuyukthi ɳunhaya wäŋaŋu.

 Ga mewirriya ɳuli waljana yana galyun, yätjkuŋuna ɳuli ɳula nhä malanyinha.*

49 Yo, ga God-Waŋarryuya ɳuli ɳunhi dhunupakuma nhanju malthunaminaya wayana gumurr-dälkuyuna romguyu, bitjan ɳuli yolŋuyu bilyu'bilyunmama nhanjuway gara dhunupakuma gurthaŋu.

50 Manymak, djolya dhuwaya manymak, ɳuriŋi ɳuli ɳunhi ɳathaya dhäkaymiyi. Ga ɳuli yurru dhäkaya dhawar'yun ɳunhiya yätjhna, ɳayŋu ɳuli djalkthuna. Yo, nhumaya dhuwaya bitjan ɳunhi djoŋnha, dhäkaymiyanhawu märr nhuma yurru latju'kumana nhinaya yolŋuwayatja malaŋu, märr-ɳamathinyamina yurru bukmaknha!*

[Balanya dhuwaya! Märr gaŋga waya ɳarrtjunmiya, yol yurru bunŋawayiya ga yol bäyŋu!]”

10

Pharisee-yu yolŋuy wayay dhukarr djäma märr yurru waya mayali'-wilkthun Djesuna

(Matthew 19:1-12, Luke 16:18)

1 Nayŋu ɳayi Djesuya marrtjina Judea-yina makarryi wäŋayi. Ga bitjayana bala ɳunha gali'yina wiripuyina wäŋayi ɳunhana galki Jordan-na mayaŋ' mulkana. Ga gułku'na ɳunhi yolŋuya waya lun'thuna nhanukaya. Ga bulu ɳayi gurrana marŋgikuŋaya.

2 Ga Pharisee waya marrtjina märr waya yurru dhä-wirrka'yun yurru gatjarr'yun ɳanya, “Nhattjan gurra ɳunha ɳilimuŋguya rom waŋa,... ɳayi yurru darramuyuya gunha'yun nhanjuway miyalknha ɳayŋu djuy'yuna ɳanya?”

3 Ga ɳayi Djesuya buku-roŋinymanjaya bitjaya, “Guyanji ɳäthiyi, nhattjan gurra ɳunhi Moses-kuya waŋa rom ɳurikiya ɳilimuŋgalanjuwuya romgu?”

4 Ga wayatja buku-roŋinymanjaya, “Nunha Moses-kuŋuya rom bitjan waŋa gurra ɳilimuŋgu gam', Njurruŋuya ɳayi ɳäthiyi yurru djourra' wukirri gunha'yunaminyawu, ga yurruna ɳanya gunha'yundja yurru gupa-dälنha.”*

5 Nayŋu ɳayi Djesuya waŋana bitjayana, “Näku waya! Yuwalk ɳayi ɳunhi Moses-dhuya bitjaya rom nherraya, bili nhuma dhuwaya ɳayaŋu-dälmi. **6** Ga yaka waya ɳunhiya dhäwu' menguŋu ɳe!, ɳunhi dhäwu' ɳurru-yirr'yunawuy, ɳunhi ɳayipi God-Waŋarryyu djäma dhuwaya djiwarr' wäŋa ga dhuwaya munatha'! Nunha gurra wukirriwyu djingaryun bitjan gam',

‘God-Waŋarryu ɳunhi djäma yolŋunaya, darramuna ga miyalknha.*

7 Ga ɳurikina ɳurruwu ɳayi yurru ɳunhi darramuyuya gunha'yun nhanjuway ɳändi'miŋunaya ga bäpa'miŋunaya,

 ɳayŋu marrtjina ga ɳätthuna nhanjuway miyalknhaya, märr manda yurru nhina ɳayaŋu-waŋganyinha,

* **9:47** Matthew 5:29 * **9:48** Isaiah 66:24 * **9:50** Matthew 5:13, Luke 14:34-35 * **10:4** Deuteronomy 24:1-4, Matthew 5:31 * **10:6** Genesis 1:27, 5:2

⁸ ga bulal' ḷunhi rumbalya maṇḍa yurru waŋganydhinana.*

⁹ Ga ḷayi God-Wanjarryuna maṇḍana ḷuli waŋgany-manapandja, ga yakana maṇḍana yurru ḷula yolthu barrkuwatjikuma, bili ḷunhiya yätjhna wirrkina rom!*

¹⁰ Ga beŋuya ḷayi Djesu ga lundi'miŋu waya nhanju gulŋiyina bunbuyina. Ga ḷunhaya waya ḷanya ḷäj'thunaya Djesuna bitjaya, "Nhä nhe gurrana ḷanapuna marŋikuŋaya ḷäthiyiya?"

¹¹ Ga ḷayi Djesuya buku-roŋinyamaŋaya bitjayana, "Nunhi yurru darramuyu gunha'yun nhanjuway miyalknha ga ḷäthun ḷayi yurru ḷunha wiripunana, ḷunhiya ḷayi gurra marramba'na warkthun. ¹² Ga balanya bili miyalkuya. ḷuli ḷayi yurru gunha'yun nhanjuway dhuway'miŋunaya ḷaynu wandi yurru ga ḷäthun wiripunana, ḷunhiya bitjan marramba'na gurra djäma."*

Djesu bukumiyanaya djamarlkuliu

(Matthew 19:13-15, Luke 18:15-17)

¹³ Waŋganimiyu, yolŋuy wayay gänjaya wayanju djamarlkulina Djesuwaya, märr ḷayi yurru wayanġaya goŋ-ŋäl'yun ga ḷäj'thun God-Wanjarrnha märr nhanju yurru ḷunhi ḷayaŋju-latju'kunhami rom malŋ'thun wayanġaya. ḷaynu waya ḷunhi lundi'miŋuya wayay ḷarrtjunana wayana gukuŋayana.

¹⁴ Ga ḷunhi ḷayi Djesuyu nhäjaya wayana balanyayi ḷaynu ḷayi mađakarritjthinana nhanukalaŋuwu lundi'miŋuwuya wayanju ḷaynu ḷayi waŋana bitjayana, "Yaw, yaka dhuwayi yumurrku'naya gukuŋu, bili God-Wanjarrwuya dhuwaya yolŋu waya balanya bitjan dhuwaya yumurrku'. ¹⁵ Yo, latju'kuŋu waya biyaku guyaŋi. ḷuli yurru ḷula yolŋu yuwalktja wal'ŋu djälmiyi God-Wanjarrwuya, wayatja yurru yuwalknha yana ḷayaŋumiyi nhanju, bitjan dhuwaya djamarlkuli ḷuli yuwalkkumaya ḷayaŋumiyi wayanġalaŋuwu ḷändi'miŋuwu ga bäpa'miŋuwu. Ga ḷuli yakaya ḷayaŋumiyi nhanju Godku, waya yurru yana yakana God-Wanjarrwuya djamarlkuli."* ¹⁶ Ga beŋu dhurrwaraju ḷaynu ḷayi Djesuyuya wayana djamarlkulinaya ɬaw'lawmaŋayana, ḷaynu ḷayi goŋ-ŋäl'yuna ga bukumiyanaya God-Wanjarrwayana märr ḷayi yurru wekamana nhanjuway märr-ŋamathinyamiya rom wayanġayana, bukmakayana yana.

Lukunyidja' yolŋu gurrana larrunaya nhinanhawu God-Wanjarrwaya gali'ŋu

(Matthew 19:16-30, Luke 18:18-30)

¹⁷ Ga ḷunhi ḷayi Djesu gurrana gurku'yuna marrtjinyawu, bala ḷayi darramuna bunana nhanju. Ga bun'kumu djipthuna ḷayi Djesuwaya ḷunhanaya bili gumurrjuna nhanukaya bala ḷayi dhä-wirrka'yuna bitjayana, "Manymak Marŋikunhami, ḷarra nhuna yurru dhuwaya dhä-wirrka'yun ḷäthiyi. Balanyawu gam': Nhattjan dhika ḷarra yurru yulŋuya, märr ḷarra yurru marŋithi ḷunhi ḷarra ḷuli djiwarr'ŋuya nhini God-Wanjarrwayatja wiyinŋumi, walŋadħawar'yunamiriwnha?"

¹⁸ Ga ḷayi Djesuya buku-roŋinyamaŋaya, "Nhäku nhe dhuwaya bitjayatja waŋana, 'Manymak Marŋikunhami'?, bitjayatja. Yaka

dhuwaya ɳula yol yolŋu yuwalktja wal'ŋu latju', God-Waŋarr yana ɳayipi latju'ya. ¹⁹ Biliŋga nhuma dhuwaya God-Waŋarrwuya dhärukku marnŋi ɳunhi gurra bitjan waŋa,

Yaka yolŋuna baymatthu rakunykuŋu;

Yaka marramba'thi;

Yaka manaji:

Yaka nyäl lakaŋu;

Yaka mayali'-wilkthu yolŋuna, bala marrtji bala manajina nhanŋu nhä malanyňha;

Märr-ŋal'yu nhokalaŋuwu ɳändi'minjuwu ga bäpa'minjuwu."[◊]

²⁰ Nayŋu ɳayi ɳunhi yolŋuya bitjayana waŋana, "Yuwalk yana marrkapmi Marŋgikunhami. Narraya gurrana dhuwaya mulkana ga malthuna dhiyaku romgu beŋu bili yana ɳunhi ɳarra yothunga yana."

²¹ Nayŋu ɳayi gurrana Djesuyuya nhäŋayana ɳunhi yolŋunaya ɳayaŋuyuna latju'yuna ɳayŋu ɳayi bitjayana waŋana, "Gatjuy roŋiyina wänayina ga djalinha nhuŋuway nhäya malany war-pam'thuna yana. Ga ɳuli nhe yurru rrupiyaya ɳätthun bala malagulkthuna ɳunhiya, ɳayŋu wekuŋu ɳunha ɳurruwyuknhana yolŋuna wayana. Nayŋu nheya yurru ɳarrakuna malthun. Ga yalalaya ɳayi yurru God-Waŋarryuya buku-roŋinymama wekama nhunaya nhä malanyňha ɳunhaya djiwarr'ŋuna."

²² Ga ɳunhi ɳayi ɳuriŋi yolŋuyu balanya ɳäkuya Djesunaya, ɳayŋu nhanŋu ɳayaŋuya-yätjithinana. Nayŋu ɳayi wäŋayina marrtjina galŋa-yätjithinana, bili ɳayi ɳunhi yuwalknha yana ɬukunydja'ya.

²³ Nayŋu ɳayi Djesuyuya nhäŋayana marrtjina, ɳayŋu ɳayi waŋana nhanukalaŋuwaya ɬundu'minjuwaya bitjaya, "Gumurr-dälnha dhuwaya wirrkina yana ɬukunydja'wuya yolŋuwu gärrinyawu ɳayŋu djiwarr'yiya!"

²⁴ Ga ɳunhi waya ɬundu'minjuyu ɳäkuya ɳanya balanyawuy waŋanhaya ɳayŋu waya märr-dhumbal'yunana. Ga ɳayi Djesuya bulu waŋana bitjaya, "Näkuya waya latju'kuŋu! Däl dhuwaya wirrki gulŋinyawu God-Waŋarrwayatja gurrutumiwayatja Romdhi.

²⁵ Guyanji ɳunhi wäyina yäkuna camel-nha. Yuwalk ɳayi ɳunhi wirrkina gumurr-dälnha nhanŋu gärrinyawu ɳunha yutjuwała'ya ɳarŋga ɳelŋu, ɳunhi girri' ɳuli dharpuma. Yo, balanyana ɳunhi yulŋuya ɬukunydja'wuya yolŋuwu, wirrkina yana gumurr-dälnha gärrinyawu God-Waŋarrwayatja Romdhi."

²⁶ Ga nhattjaya ɳayi ɳunhi Djesu waŋana, ɳunhiya waya wirrkina dhumbal'yuna. Nayŋu waya gurrana dhä-wirrka'yunmina bitjayana, "Ga, ɳuli ɳayi gurra yuwalktja bitjan lakaŋa, ga yolŋha ɳuli ɳunhi yuwalktja nhini ɳunhayatja djiwarr'ŋuya nhanukaya God-Waŋarrwayatja?"

²⁷ Nayŋu ɳayi Djesuyuya nhäŋayana marrtjina, ga bitjayana ɳayi waŋana, "Yolŋuya yurru ɳunhi yaka gäna' gulŋiyi God-Waŋarrwaya Romdhi nhanukiyingaya ɳayi ganydjarryu. Yurru yaka waya meŋguŋu, ɳayipi God-Waŋarryu mulka gurra ganydjarr gärrinyamanhawuya yolŋuwu nhanukiyingaya Romdhi. God-Waŋarryuya djäma yana nhä malanyňha bukmak."

[◊] **10:19** Exodus 20:12-16, Deuteronomy 5:16-20

28 Ga ɳayi Peter-ya waŋana buku-roŋinymaŋaya bitjana, "Marrkapmi. Njanapuya dhuwaya bili gunha'yuna nhä mala ɳanapuŋguway ɳaynu malthuna nhunjuna. Ga nhä dhika ɳanapuŋguya buku-roŋinymanhaya?"

29-30 ɳaynu ɳayi Djesuya bitjayana waŋana, "Narra nhumanju yurru laŋamana! Nuli yurru ɳula yol yolŋu djälmiyi malthunawu ɳarrakuya, bala marrtji yurru gunha'yuna nhanŋuway ɳäŋdi'miŋuna, ga bäpa'miŋuna, ga yumurrku'na, ga gutha'miŋuna, ga wäja ga djäma nhanŋuway ga nhä malanyňha girri' nhanŋu. Ga yurruna ɳayi yurru marrtjiya gurra buku-liw'mamana yolŋuwawa wayaŋgaya dhäwu'na yurru latju'na laŋama ɳarrakalaŋuwynha. Ga yalalana nhanŋuya ɳuli buku-roŋinymaju God-Waŋarryuna buluna wal'ŋu dhaŋaŋnha bukuyi-ŋal'maŋu. Nhä malanyňha ɳuli yolŋuyu gunha'yuna, nhanŋuya ɳuli gulk'u'na buku-roŋinymaju God-Waŋarryu. Ga ɳayaŋu-wutthunamiya rom ɳuriŋi yolŋuyu ɳuli nättħun yana wiripuŋu yolŋuwusu, bili ɳayi ɳuli ɳunhi ɳarraku malthun. Ga yalalaŋumina ɳunhi ɳayi dhuwaya munatha' wäja dhawar'yu, bala ɳayi ɳuli ɳunhi nhiniya wiyinŋumina, walŋa-dhawar'yunamiriwnha ɳunhayana galkina yana God-Waŋarrwayana. ³¹ Ga ɳuli yurru yolŋu bitjandja bili guyanŋinyami yindikunhamiya, ɳunhayatja ɳayi yurru nyumukunŋinydhina, nhäŋaniŋ'thina. Ga ɳunhi nhäŋaniŋ'tja yutjuwała'ya ɳuli ɳurruŋuyina ɳunhayatja."[◊]

*Djesu lakanhamina buku-lurrkun'mi ɳunhi ɳayi yurru rakunydh
(Matthew 20:17-19, Luke 18:31-34)*

32 Ga balanyamiyu waya ɳunhi marrtjina ɳaynu Jerusalem-dhina ga ɳayiya gurrana ɳunhi Djesuya ɳurruŋuna bitjaya marrtjina ga wayatja luŋdu'miŋuya waya nhanŋu ga wiripu yolŋu waya gurrana ɳapa-munguyunana ɳanya. Ga guyanŋina waya marrtjina dhäruk ɳanya waŋanhaya bitjanaya, "Yolŋuyu wayay ɳarrana ɳuli baymatthuna ɳunhaya Jerusalem-dja." Ga wirrkina waya ɳunhi bitjaya ganyim'thuna, biyanŋina manapaya.

Ga ɳayi wayana Djesuyuya ɳäkuya ɳaynu ɳayi luŋ'maŋayana nhanŋuwaya luŋdu'miŋuna wayana ga bulu ɳayi laŋaŋaya nhatju ɳuli yolŋuyu wayay ɳanya mulki ɳunhaya Jerusalem. ³³ Ga bitjaya ɳayi waŋana, "Näku waya nhuma! Dhuwaya ɳilimu gurra marrtjina yulŋuya Jerusalem-dhina. Ga dhuwanna ɳarra yulŋuya Yuwalkŋuya Wal'ŋu Yolŋu, dhuwaya waya ɳuli ɳarrana goŋ-wekuŋuna ɳurruŋu-dalkarramiwuna wayaŋgu ga rom-marŋgikunhamiwuna wayaŋgu. ɳaynu waya yurru ɳarraku yoranhamina rakunydhinyawuna. ɳaynu waya ɳuli ɳarrana goŋ-wekuŋuna ɳunha wiripuwayana yolŋuwawa wayaŋgaya, ɳunhi waya dhuŋa God-Waŋarrwu. ³⁴ Ga ɳunhayana waya ɳuli ɳarrana gora-wekuŋuya. Dhupthuyu waya ɳuli ɳarrana ga bartjunmaŋu raki'yu, ɳanaknha ɳarrana baymatthuya. Ga dhur-rwaranu benjuya bala waya ɳarrana ɳuli murrkay'kuŋuna baymatthu.

Ga yuwalk yana ɳarra ɳuli ɳunhi rakunydhya, ga munha bulal' ɳuli djulkthu ɳaynu bulu ɳuli walŋathi.”*

*James-thu ga John-dhu ɳäj'thuna Djesuna ɳurruŋuyinyawu
(Matthew 20:20-28)*

³⁵ Ga beŋuya dhurrwaraŋu bala maɳda ɳunhi Zebedee-wu gäthu'miŋu manda James ga John marrtjina withiya Djesuna. Naynu manda ɳäj'thunana ɳanya bitjayana, “Marrkapmi Marŋikunhami, dhuwaya ɳilinyu gurra dhäruk nhuŋu mulka.”

³⁶ Naynu ɳayi Djesuyuya maɳdانا dhä-wirrka'yunana bitjayana, “Nhäku nhuma yurru ɳäj'thundja?”

³⁷ Ga maɳdaya bitjayana waŋana, “Marrkapmi, yalalamiyuya nheya yurru dhuwaya ɳurruwuŋmina wal'ŋu ɳurru-warryunamina ɳanapuŋgu. Ga ɳula nhe yurru bitjandhi bili ɳilinyuŋguya guyani? Märr yurru ɳilinyu nhokayana gal̄ki. Waŋganydja yurru nhina nhokaya dhunupa'ŋu gali'ŋu ga wiripuya yurru nhina wiŋ'kuŋuna gali'ŋu.”

³⁸ Ga ɳayiya Djesuyuya buku-roninymanjaya, “Yaka nhuma dhuwaya marŋgi nhäku nhuma gurra dhuwaya ɳäj'thun. Narraya ɳuli dhuwaya yalalaŋumiya gal̄ja-wilyuna wirrkina yana. Wanhana? Nhattjuna nhumaya ɳuli... biyaku bili gal̄ja-wilyu bitjan ɳarra, ga yana bili ga rakunydhı ɳuli?”*

³⁹ Ga maɳdaya waŋana, “Ne... biyaku bili Marrkapmi.”

Ga ɳayiya Djesuyuya buku-roninymanjaya bitjaya, “Yo, yuwalk yana nhuma ɳuli ɳunhi gal̄ja-wilyuya, biyaku bili bitjan ɳarra. ⁴⁰ Wäyy, ɳunhiya ɳuli ɳayipina God-Waŋarryuna mala-djarr'yu, yol ɳuli nhini dhunupa'ŋuya ga yol wiŋ'kuŋuya gali'ŋu. Ga bili ɳayi ɳunhi ɳäthiyi yana mala-djarr'yundja. ɳunhiya ɳunhi yaka ɳarraku mala-djarr'yunawu.”

⁴¹ Ga ɳunhi waya wiripu-gul̄ku'yuya ɻuŋdu'miŋuyu wayay ɳäkuya maɳdانا dhäruktja balanyawuy waŋanhaya, bala waya madakarritjthinana maɳdaku. ⁴² Naynu ɳayi Djesuyuya wayana lun'maŋayana ɳaynu bitjayana waŋana, “Marŋinga nhuma dhuwaya: ɳunhi dhiyanuya bala ɳurru-warryunamina yolŋu waya balanyawu, rom-dälmina, bunyawakunhamina waya ɳuli yolŋuwuya wayaŋgu bukmakkuna. Balanyana ɳuli dhuwaya malŋ'thundja buku-liw'mama dhiya munatha'ŋuya wäŋanju. ⁴³ Yurru nhumaya yurru yaka bitjandhi. Ga ɳuli nhe ɳula yol ɳolŋu dhipuŋu malauŋ gurra djälmiyi ɳurruŋuyinyawu, nhe ɳäthiyi yurru djämamiyi wiripuŋuwu yolŋuwu wayaŋgu.* ⁴⁴ Ga ɳuli ɳayi yolŋu djäl ɳurruŋuthinyawu, ɳayi yurru djämamiyi bukmakkuna yana yolŋuwu.* ⁴⁵ Bili narraya, ɳunhi Yuwalkŋuya Wal'ŋu Yolŋu, yaka ɳarra lili marrtjina märr waya yurru djäma ɳarraku. Marrtjinaya ɳarra lili märr yurru ɳarra djäma yolŋuwu wayaŋgu. Narraya ɳunhi marrtjina ɳarra yurru rakunydhina mundhurr-wekamana, märr

* **10:34** Djesuya ɳunhi rakunydhina Friday waluyu (ɳunhiya waŋany walu). Ga moluŋuya ɳayi gurrana gaynithina Saturday-na (ɳunhiya bulal'nha walu): Ga walŋathinaya ɳayi Sunday (ɳunhiya lurrkun'nha walu). ɳunhiya mayali' ɳayi bulal' yana munhaya rakunydhya gaynithina Friday munhaku ga Saturday munhaku. * **10:38** Luke 12:50 * **10:43** Luke 22:25-26 * **10:44** Matthew 23:11, Mark 9:35, Luke 22:26

yurru ḥuruṇiya bäyarr'a'yuya, roṇinymamana yurru yoljunana yätjñuna romju."

Djesuyu walŋakuŋaya bambaynha yoljuṇa

(Matthew 20:29-34, Luke 18:35-43)

⁴⁶ Yo, Djesu ga lundu'miṇu waya nhanju ga wiripu gulk'u' yolju waya bunana ḥunhaya Jericho-nha wäŋanu. Ga ḥunhi waya gunha'yunaya ḥunhiya wäŋaya, wangany yolju gurrana bambay nhinana galı'ju dhukarrnu yäku Bartimaeus, Timaus-ku gäthu'miṇu, ḥäj'thuna nhinana. ⁴⁷ Ga ḥunhi ḥayi ḥurini ḥäkuya ḥanya Djesuna ḥunhi Nazareth-puŋjunaya djulk'thunaya, ḥaynu ḥayi yatjunana bathalana rirrakay bitjayana, "Djesu, David-kuṇu mala-bunhaya, bilina ḥanapu wiyinŋumina gurrana galkunaya nhunu. Go, maŋutji-wuyuna ḥarraku."

⁴⁸ Ga waya ḥunhi yoljuṇuya wayay ḥäkuya ḥanya yatjunaya ḥaynu waya marrtjinana ḥarrtjunana ḥanya, "Ye,... mukthu!"

Ga ḥayiya wirrkina yatjuna bitjaya, "Djesu! David-ku mala-bunhaya, maŋutji-wuyu ḥarraku!"

⁴⁹ ḥaynu ḥayi Djesuya gulyunana ḥaynu bitjayana waŋana, "Go, lili waya ḥanya gäju!"

Ga wayatja marrtjina nhanukaya, ḥaynu waŋanana, "Ye, bilina mukthuna. Nunha nhunu gurra ḥayi wäthuna. Ma', go, gaŋgathina!"

⁵⁰ Ga ḥayiya ḥunhi Bartimaeus-thuya ḥäkuya ḥaynu yana yupmaŋayana nhanjuway girri' gayanh'thanhawuy ḥaynu djingaryunana wađutja yana, ḥaynu marrtjina wirrkina bala Djesuwayana.

⁵¹ ḥaynu ḥayi Djesuyuya ḥanya dhä-wirrka'yunana, "Nhäku nhe djälya?"

Ga ḥayiya ḥunhi bambaya buku-roṇinmaŋaya bitjaya, "Buku-djulŋi, djälmiyi ḥarra gurra dhuwaya nhänharawuna!"

⁵² Ga bulu ḥayi Djesu waŋana nhanju, "Bilina nhe dhuwaya märryuwalkmiyinana, ḥarraya yurru walŋakumana nhuna. Yo, linyguna nhe dhuwaya latju'na, gatjuy marrtjina!"

ጀaynu nhanju Bartimaeus-kuya maŋutji dhunupana yana latju'yinana. Ga beŋuya ḥayi gurrana malthunana nhanju Djesuwuna.

11

Djesu ga lundu'miṇu waya nhanju marrtjina Jeruselem-dhi

(Matthew 21:1-11, Luke 19:28-40, John 12:12-19)

¹ Yo, Djesu ga lundu'miṇu waya nhanju marrtjina ḥaynu Jeruselem-dhi,* ga bunana waya ḥunhaya wäŋanu yäkuṇu galki Bethany ga Bethphage ḥunhayana bukuṇuna yäkuṇu Mount-Olive-nha. ² ḥaynu ḥayi Djesuyu waŋana nhanjuway märrma' lundu'miṇuna bitjaya, "Gatjuy marrtjina maṇḍa. Ga ḥunhi nhuma yurru ḥunhaya wäŋa mulka, malŋ'mamaya nhuma yurru wäyinnha yäkuna duŋ'kina djingaryun yurru gurra garrwi'yunawuy dharpaṇu. Ga bäyŋu ḥula yoljuṇu ḥunhi baki. Ga yupmama nhuma yurru raki', ḥaynu lilina gäju ḥarrakayana. ³ Ga ḥuli yurru yolju dhä-wirrka'yun bitjan,

* **11:1** Ga yäkuya ḥayi ḥunhi buku 'Olive,' bili gurrana gulk'u' olive mala borum ḥuthaya ḥunhaya bukuṇu bala waya ḥuli gurrana wiyikaya birrirri'yuna borumju. Ga beŋuya bukuṇu ga bala Jerusalem-dhi galki.

'Nhäku nhuma gurra dhuwayi duŋ'kinaya yupmama?' bitjandja, ga nhumaya yurru bitjan waŋa, 'Garraŋ ɻunha dhiyaku djälthina, ga yalala ɻayi yurru roŋinymama nhuŋu.'

⁴ Ga ɻunhi maŋda marrtjinaya yana nhäŋayana ɻunhi duŋ'kinaya, yurru yutjuwala', djingaryuna gurrana garrwi'yunaya gumurrju bunbuŋu. ⁵ Nayŋu yolŋuya wayay dhä-wirrka'yunana maŋdانا bitjaya, "Way! Nhäku nhuma gurra dhuwayi duŋ'kinaya yupmama?"

⁶ Ga maŋdaya waŋana, "Garraŋ dhuwaya dhiyaku djälthina, ga yalala ɻanapu yurru nhuŋu roŋinymama." Nayŋu waya dhayuŋayana ɻunhi duŋ'kinaya. ⁷ Nayŋu maŋdaya ɻunhi gäŋayana duŋ'kinaya Djesuwayana. Ga ɻunhayatja waya marrtjina gayanh'thakunaya girri'na wayanɡuway waya diltjiyina duŋ'kiwayana, ɻayŋu ɻayi Djesuya ɻal'yunana nhanukaya diltjiyina bala marrtjina Jerusaleм-dhina.

⁸ Ga gulk'u'una ɻunhi yolŋuyu waya rarr'yuna girri'ya gayanh'thaya wayanɡuway waya dhukarryi. Ga wiripu-gulk'u'yu yolŋuyu wayay baŋdja daw-taw'yuna man'tjarr guɫwirri, ɻunhi djingaryun marrtji gali'kuyu dhukarrkuyu. Nayŋu waya marrtjina dhukarryina rarr'yuna märr ɻayi yurru ɻunhi duŋ'kiya gayanh'thakuna marrtji.† Rom wayanɡu gurrana dhärrana waya yurru bitjan goŋmiwuŋa yolŋuwu gumurr-ɻamath. Ga wiripu yolŋu waya gurrana marrtjina ɻurruŋu, ga wiripuya dhuđitj gurrana marrtjina. ⁹ Ga bitjayanŋa waya marrtjina ɻunhi yatjunminaya, "Yo yo-o-oy! *Hosanna!* God-Waŋarr marrkapmi, dhuwaya ɻanapu gurra wokthun yana nhuŋu!"

Dhuwaya ɻayi gurra marrtji God-Waŋarrwaya yäkuyu.

Nayi ɻunhi God-Waŋarryu ɻanya djuy'yuna, ga dhuwaya ɻayi liliŋa marrtjinaya.◊

¹⁰ Yo, yo-o-oy! *Hosanna!* God-Waŋarr marrkapmi, dhuwaya ɻanapu ɻuli gurra wokthun yana nhuŋu!

God-Waŋarr marrkapmi, nheya yurru dhuwanna yolŋuna buŋgawakumana bukmakkuna yana Jew-wu yolŋuwu wayanɡu, balanya nhanŋu ɻunhi mala-ɻurkanhayŋuya King David-tja.

Yo, yo-o-oy! *Hosanna!* God-Waŋarr marrkapmi, dhuwaya ɻanapu ɻuli gurra wokthun yana nhuŋu!

God-Waŋarr, ɻunha djiwarr'ŋuya nheya dhuwaya bathala!"

¹¹ Ga ɻunhi waya Djesu ga ɻuŋdu'miŋu waya bunana ɻunhaya ɻunhi God-Waŋarrwaya Dhuyuŋu Buŋbuŋu bala ɻayi marrtjina nhäŋaya liw'maŋaya, bukmaknha yana ɻunhi buŋbuna malany ɻunhaya ɬolŋu, ɻunhi marrtji djingar'djingaryuna. Nayŋu ɻunhi waluya milmitjpayinana, bala ɻayi Djesuyuya gunha'yunana ɻunhiya bunbu, bala ɻayi ga ɻuŋdu'miŋu waya nhanŋgu 12 roŋiyina marrtjina ɻayŋu Bethany-yina.

*Djesuyu waŋana dharpana dälyu dhärukthu
(Matthew 21:18-19)*

† **11:8** Mark-kunu ɻunhi ɻurruŋuya wukirriwy gurra bitjan djingaryun, 'baŋa.' Yurru gurra John 12:13-dhu bitjan laŋama 'baŋa man'tjarrmi bitjan guɫwirri man'tjarr.' ◊ **11:9** Psalms 118:26

¹² Ga wiripuyu waluyu djadaw'yunayu ɳayi Djesu ga guyurr'miŋu waya nhanju marrtjina beŋu Bethany-ŋu bala Jerusalem-dhi. Ga gandarrŋuya bala ɳayi Djesuya djaŋjarrthinana. ¹³ Nayŋu ɳayi nhäŋjaya dharpa, djingaryuna gurrana gali'ŋu dhukarrŋu. Njunhiya dharpa balanya bitjan muthi. Ga marrtjina ɳayi galkithina borumgu malŋ'manhawu yurru bäyŋu yana. Yo, marwattja gurrana gulku'na yana gilyuna, yurru bäyŋu yana borumdja, bili yaka yana nhanju walu. ¹⁴ Nayŋu ɳayi Djesu waŋana dälyu dhärukthu ɳunhiyi dharpana bitjana, "Yaka yurru yolŋuyu buluya ɻuka nhokaya borrum!" bitjaya.

Ga waya ɳunhi ɻunđu'miŋuyuya wayay nhanukaya ɳäkuya ɳanya balanya dhäruk.

*Djesuyu darrtjalkuŋaya God-Waŋarrwu Dhuyu Buŋbu
(Matthew 21:12-17, Luke 19:45-48, John 2:13-22)*

¹⁵ Nayŋu ɳayi Djesuya ga ɻunđu'miŋu waya nhanju marrtjina Jerusalem-dhina. Ga bulu ɳayi marrtjina ɳunhimana wäŋayi ɳunhi God-Waŋarrwayana Dhuyuyi Buŋbuyi. Ga ɳunhaya ɳapuŋga Dhuyuŋu Buŋbuŋu malanyu gurrana dhärrana dhuyu munatha', yurru yolŋuyu wayay marrtjinya ɳuli wäyin mala wuŋili'yuna mundhurr-wekanha. Ga wiripuya waya gurrana rrupiya buku-yulkmanhamina.‡ Yaka waya ɳunhi ɳuriki buŋbuwu rum'rumdhuna, yätjnhä waya gurrana djäma. Ga wiripuya yolŋuyu wayay gurrana rrupiya mala buku-yulkthunmina ɳunhi waya gurrana manaqina manapaya. Nayŋu ɳayi Djesuyuya wayana bukmaknhana yana dhawatmaŋjaya warraŋulyina, djalkthunana ɳayi wayanju daybulya, rrupiya manapaya, ga nhinanhami mala wayanju ɳunhi waya gurrana wäyin' djälim. ¹⁶ Ga gulmaŋjaya ɳayi yolŋuna wayana girri'ŋu gänharanju: Yaka yurru gäma ɳapuŋgakuyu ɳulawitjan dhuyukuyu munatha'kuyu, rom gurra waŋa.

¹⁷ Nayŋu ɳayi Djesuyuya gurrana marŋgikuŋayana bukmaknhana yana bitjaya, "Baman' ɳäthiyi ɳayi God-Waŋarr waŋana nhanukaya djawarrkmiwaya yolŋuwaya ɳayi yurru wukirri dhäruk bitjan, 'God-Waŋarrwuya Buŋbu yurru dhärra bukmakku bäpurru'wu yolŋuwu buku-ŋal'yunawu.' Ga nhumaya dhuwaya Buŋbuna warku'yuna warray, yanapi dhuwaya manaqamniwu wayanju buŋbu."*

¹⁸ Ga ɳunhi waya ɳurrŋuŋu-ðalkarramiyu waya ga rom-marŋgikunhamiyu malay ɳäkuya ɳunhi nhättjan ɳayi Djesuyu djäma, ɳayŋu waya wirrkina ɳayaŋu-yätjhinaya. Nayŋu waya gurrana waŋanhamina dhukarrwuna larruŋaya bunharawuna nhanju, yurru waya ɳunhi biyanjyina nhanju bili bukmaktja wiripu-gulku'ya yolŋu waya gurrana märr-ŋamathina Djesuwu wirrkina, bili ɳayi gurrana wayana latju'kunjaya yana marŋgikuŋaya.

¹⁹ Ga ɳunhi waluya nyilŋ'thuna ɳayŋu ɳayi Djesu ga ɻunđu'miŋu nhanju marrtjinana beŋu Jerusalem-ŋuya bala Bethany-yina.

*Näŋ'thuyu God-Waŋarrnha märr-yuwalkthinyamiyu ɳayaŋuyu
(Matthew 21:20-22)*

‡ **11:15** Ga bitjaya waya gurrana buku-djulkmanhamina rrupiyatja: Dhuwaya nhumaya ɳay' Rawman rrupiya ɳäthtu, ga liliya wekanju Djewwu rrupiya bitjaya, märr waya yurru ɳuriŋjya wuŋili'yun ɳunha buŋgawana wayana ɳunhi God-Waŋarrwaya Dhuyuŋu Buŋbuŋu.

* **11:17** Isaiah 56:7, Jeremiah 7:11

20-21 Ga wiripuŋuyuna waluyu ɳayi Djesu ga guyurr'miŋu waya nhanju roŋiyina balayi Jerusalem-dhi. Ga gandarrŋuya waya djulkmaŋaya ɳunhiyi dharpa ɳunhi ɳayi Djesuya waŋana dälyuna dhärukthu. Ga wayatja ɳunhi lundi'miŋuya waya nhanju wirrkina yana ganyim'thuna, bili waya ɳunhi nhäŋjaya dharpana ɳayi gurrana räwaknha ɳunhi djingaryuna, yurru rakunynha, beŋu bili marwatju ga yana bili ɳooyi dharpayi. ɳaynu ɳayi Peter-yuya dhäruknhha guyanina Djesuna ɳunhi nhattjaya ɳayi waŋana ɳuriči dharpawu. ɳaynu ɳayi Peter-ya bitjayana waŋana, "Marŋikunhami, dhuwayana ɳunhi dharpaya rawaknha gurra djingaryun, rakunynha, ɳunhi nhe dälyu dhärukthu waŋana!"

22 Ga ɳayi Djesuya bitjana waŋa, "Nuli nhuma yurru God-Waŋarrwuya märr-yuwalkthi, nhumaya yurru bitjana bili djämana bitjan ɳarra. 23 Ga ɳuli nhuma yurru yuwalktja märr-yuwalkthi warppamdu yana ɳayaŋuju, ga yaka märr-yulkthun, nhumaya yurru waŋa dhuwaya bukuna wäŋana ɳayi yurru gaŋgathi bala damurruŋdhina gapuyi ɻupthun. ɳayiya yurru God-Waŋarryuya yana gitmamana ɳunhiya bukuya wäŋa."*

24 Yo, yaka waya menguŋuya. Nuli nhe yurru yuwalkkumaya yana märr-yuwalkthi, nheya ɳän'thu ɳanya birrka'miwu, ga ɳayiya yurru gathan yana nhunu. 25 Ga ɳuli nhe yurru bukumiyamaya, ɳurruŋuya ɳäthiyi guyanji: Nuli nhuna yurru yoljuŋu ɳayaŋu-yätkuma, marrti ɳäthiyi ga buni nhanju ga bäy-lakanju, yakana guyanji yätkuju. Ga ɳuli nhe yurru bitjandja djäma, ɳayiya yurru God-Waŋarryuya bäy-lakanama nhunuŋya nhä malanyinha nhe yäjt gurrana djäma. Nheya wayanju ɳäthiyi bäy-lakanju, ga yurruna bukumiyajuya God-Waŋarrwayatja. 26 [Ga ɳuli nhe yolju dhuŋaya bäy-lakanhawu, ɳayiya yurru God-Waŋarryuya ɳunhi yakana nhunuŋya yäjt malanyinha menguma.]"§ *

*Nalapalmiyu gurrana dhä-wirrka'yuna Djesuna
(Matthew 21:23-27, Luke 20:1-8)*

27 Ga ɳunhi waya bunana Jerusalem-dja ɳaynu dhunupana yana waya gärrina ɳunhima wäŋayi ɳunhi warraŋul gurra dhärra God-Waŋarrwu Dhuyu Buŋbu. Ga waya ɳunhi ɳurruŋu-dalkarrami mala ga Jew-wu ɳurru-warryunaynu mala ga rom-marŋikunhami mala yolju waya bunana nhanju, 28 bala waya gurrana dhä-wirrka'yunana Djesunaya bitjayana, "Go, lakanju mak ɳanapuŋgu, yolthu nhuna waŋaya dhiyaku buŋbuwu ḍarrtjalkunhawu? Yolthu nhuna goŋ-nherraŋdja?"

29 Yurru ɳayiya ɳunhi Djesuya marŋithina wayanju ɳäthiyi yana. ɳaynu ɳayi bitjayana buku-roninymanjaya, "Narrra ɳäthiyi nhumana yurru ɳän'thun ne'. Nhuma ɳäthiyi waya ɳarraku lakanju, ga yurruna ɳarraya yurru nhumanjuya lakanma. 30 Marŋgi nhuma John-guya, ɳunhi Buku-ɻupthunamiwuya yoljuwu? Yolthu ɳunhi ɳanya goŋ-nherraya yoljuwu wayanju buku-ɻupthunawuya? God-Waŋarryu, wo yoljuwu?"

* 11:23 Matthew 17:20, 1 Corinthians 13:2 § 11:26 ɳunha ɳurruŋuya djorra'ŋu Greek-kuyu dhäruk, dhuwaya number 26-tja bäyju gurra djingaryun. * 11:26 Matthew 6:14-15

³¹ Nayju waya gurrana waŋanhamina bitjayana, “Way, nhattjan ɳilimuya yurru buku-roŋinymama nhanjuya? Nuli ɳilimu yurru bitjandja waŋa, ‘God-Waŋarryu ɳanya ɳunhi waŋana,’ bitjandja, ga ɳayiya yurru bitjan waŋa, ‘Ga nhäku nhumaya ɳunhi nhanju John-gu yaka märr-yuwalkthina dhärukku?’ ³² Ga ɳuli ɳilimu yurru bitjandja waŋa, ‘Yolŋuyu wayay ɳanya ɳunhi waŋana ɳuriki djämawu,’ bitjandja, wayatja yurru yolŋuya waya madakarritjithina, bili waya marŋgi ɳunhi dhuwaya John-dja God-Waŋarrwu djawarrkmi yolŋu.”

³³ Nayju waya bitjayana buku-roŋinymaŋaya, “Yaka ɳanapu dhuwaya marŋgi!”

Ga yurruna ɳayiya Djesuya buku-roŋinymaŋaya bitjayana, “Narraŋa yurru yaka nhumaŋguya ḥakama yolthu ɳarranaya djuy'yuna.”

12

*Djesuyu lakaŋaya dhäwu' mayali'mi borum-djäkamiwalaŋuwuy
(Matthew 21:33-46, Luke 20:9-19)*

¹ Ga dhurrwaraŋu beŋuya ɳayi Djesu bulu waŋana ɳurikaya ɳurruŋu-đalkarramiwaya ga rom-marŋgikunhamiwaya ga Jew-waya ɳurru-warryunaynuwaya wayaŋgaya. Ga bitjaya ɳayi ɳunhi dhäwu'ya lakaŋaya mayali'mi gam', “Waŋganymiyu waluyu wäŋa-waṭanu yolŋu djälthina ɳayi yurru borum, lämu-nherran. Yo, ɳurruŋuya ɳayi ɳunhi riwal'yuna wäŋa latju'kuŋaya, ga dharpa gulkthuna, bala metj-nherraya. Ga wäŋa ɳayi dhul'yuna garrwaryi mil'juwu djäkamiwu wayaŋgu. Ga banikin' ɳayi bathala nherraya wiyika'wu borumgu. Nayju ɳayi yolŋunaya wayana ɳätthunana marrtjina märr waya yurru djäka ɳuriki borumgu. Ga yalala yurru ɳunhi borumdjia latju'yi bala waya yurru wekamana borum nhanju ɳuriki wäŋa-waṭanuwu. Ma', ɳayju ɳayi wäŋa-waṭanuya marrtjina barrkuyina wäŋayi.*

² Ga ɳunhi ɳayi waluya galkithina borumguya gulkthunawu, ɳayju ɳayi ɳuriŋiya wäŋa-waṭanuyuya djuy'yunana nhanjuwuy djämamina, märr ɳayi yurru marrtji ɳayju borum-djäkamiwu wayaŋgu buna waya yurru nhanjuwa borum mala ganaj'mama beŋu gätniŋu. ³ Ga wayatja ɳunhi yolŋuya wayay nhäŋaya ɳanya bala baŋdjana warryuna ɳayju baymatthunana, ɳayju dupthuna ɳanya warraŋulyina dhäparknha yana.

⁴ Ga bulu ɳayi ɳuriŋi wäŋa-waṭanuyu djuy'yuna wiripuna djämamina. Ga wayatja ɳunhi borum-djäkamiwuya wayay mulkurrnha ɳanya djudul'yuna gurrana yana bili ga gulan nhanju wändina. Nayju ɳanya waya dhawatmaŋayana beŋuya dhäparknha yana. ⁵ Ga bulu ɳayi djuy'yuna wiripuna djämamina. Ga wayatja ɳunhi baymatthuna ɳanya rakunyguŋayana. Ga bulu ga bulu gurrana balanyaya malŋ'thuna. Wiripunaya waya djämamina baymatthunana yana, ga wiripunaya baymatthuna rakunyguŋayana. ⁶ Yo, ga waŋganynha gurrana yolŋu nhinana, gäthu'miŋuna nhanju, ɳunhi ɳayi wirrki yana nhanju märr-ŋamathina. Ga bitjayana ɳayi gurrana ɳunhi báp'a'miŋuya guyanina, ‘Nuli ɳarra yurru gäthu'miŋunaya

* **12:1** Isaiah 5:1-2

djuy'yun, wayatja yurru ɳunhi nhanju makmakthun bala mäkiri'-witjuna nhanju.'

⁷ Nayju ɳayi djuy'yuna nhanjuway gäthu'miñjuna ɳaynuyi. Ga wayatja ɳunhi borum-djäkamiyuya wayay nhäñaya ɳanya, ɳayju waya wañanhamina nhanju, 'Way, waya nhäñu ɳäthiyi! Dhuwayana ɳayi gäthu'miñjunana djuy'yuna bäpa'miñjuyu. Ga yalalami yurru ɳunhi bäpa'miñjuya rakunydhni, ɳayju yurru ɳunhi ɳayina dhiyanjuna bukmaknha nhä malanyinha ɳuli ɳäththuya. Go, ɳilimu bumana rakunygumana nhanju gäthu'miñjunaya, märr yurru ɳunhi bukmak nhä malanyinha ɳilimunjguna.' ⁸ ɳayju waya mulkanana ɳanya, ga buñaya rakunygumayana. ɳayju waya nhanju rumbalya ɖupthuna warrañulyina, yurru barrkumana."

⁹ ɳayju ɳayi Djesuya dhä-wirrka'yuna ɳunhi ɳalapalminaya bitjayana, "Nhattjan nhumaya gurra guyani? Nhattjana ɳayi yurru ɳuriñi wäña-watañyu yolñuyu guyanja ɳunha borum-djäkaminaya wayana? ɳunhi ɳayi yurru marrtiya bala yana bumana rakunygumana ɳunhi borum-djäkaminaya wayana. ɳayju ɳayi yurru ɳunhiya wäña borummiya wekama wiripuwuna yolñuwu wayanju djäkawu.

¹⁰ Bili nhuma dhuwaya marñgimi ɳunhi ɳunha God-Wañarrywayatja Djorra'nu gurra bitjan djingaryun,
Wañganydja ɳunhi gunđa waya djämamiyu wayay ɖupthunana bili waya yätj ɻakañaya.

Yurru ɳunhiya gunđa ɳamakuli'ɳuna wal'nu, ga ɳunhiya ɳayi djalkirina.

¹¹ Ga God-Wañarryuya ɳayipina ɳunhi ɳäththuna ɳayju latju'-ɻakanjaya.

Ga wirrkina ɳunhi mañutji-widi'yunamina yulñuya!"^{**}

¹² Ga wayatja ɳunhi ɳalapalmiyuya dharanayana yana ɳunhi ɳayi Djesuyu gurrana wayana waywayuna ɳuriñi dhäwu'yu. Wayatja ɳunhi ɳunhiya ɳalapalmiya balanya bitjan ɳunhi borum-djäkami waya. Ga wirrkina waya ɳunhi ɳayañu-yätjithinaya. Ga djälmiyina waya gurrana ɳunhi Djesuwuya mulkanhawuna, waya yurru ɳanya dharrunyguina gärrinymama. Yurru waya gurrana ɳunhi yolñuwu wayanju biyanjyina, bala yana waya marrtjinana.

Yolñuyu wayay gurrana gatjarr'yuna Djesuna gapmangu rrupiyawu yäku tax-ku

(Matthew 22:15-22, Luke 20:20-26)

¹³ Ga beñuya dhurrwaranu Jew-wayaya ɳurru-warryunaynuyu lñ'mañaya yolñuna wayana beñu bala Pharisee-na yolñuna wayana ga King Herod-ku lññdu'miñjuna wayana. Nayju waya djuy'yuna ɳunhi yolñuna wayana ɳayju Djesuwayana mayali'-wilkthunawuna, märr ɳayi yurru be nhattjan yätj dhäruk wañja, märr waya yurru mariwunana nhanju. ¹⁴ Nayju waya wañana nhanju Djesuwuya bitjayana, "Marñgikunhami, bukmak ɳanapu dhuwaya marñgi nhunju, nheya ɳuli gurra dhuwaya latju' yana djäma, ga wañja ɳuli yuwalkkuma yana dhunupa. Ga dhunupa yana nhe ɳuli wañganyguma nhäma yolñuna, bili nhe ɳuli djäma rrambañikuma bukmakna yana yolñuna, ɳalapalna ga yutana. Ga God-Wañarrrwuya dhäruk nhe ɳuli yuwalkkuma yana marñgikuma. Go,

^{**} 12:11 Psalms 118:22-23

lakaŋuna ḥanapuŋgu, nhä ḥunhi dhunupaya ḥanapuŋguya Jew-wuya bärpurru'wu ḥanapu yurru rrupiya buku-roŋinymama Roman-buŋjuwu gapmangu yäku tax-tja,* ḥunhi waya buŋgawa ḥuriki wäŋjauw ḥarakawu?"

¹⁵ Ga ḥayiya ḥunhi Djesuya marŋgithina wayaŋgu ḥayaŋjuwu. Ga ḥunhi ḥayi beni bitjana waŋjanha, 'Yaka dhuwayitja latju' nhuma yurru wuŋiliyun wayana dhuwayi tax rrupiya,' bitjaya, ḥunhiya ḥayi ḥayipini mariyina gärrinymahamina Roman-gayana gapmangaya wayaŋgaya. Ga ḥunhi ḥayi beni yoranha bitjana, 'Yuw, wuŋiliyuna waya dhiyanuya rrupiyayu,' bitjana, ga ḥunhiya ḥayi gurra mariyina gärrinymahami Jew-wayana yolju'-yulju waya, bili yaka waya gurrana djälthina waya yurru Roman-buŋju buŋgawayi wayaŋgu. Nayju ḥayi Djesuya bitjana waŋja, "Yaka ḥarrana waya mayali'-wilkthu. Rrupiya waya ḥarrakaya gathu ḥarra mak nhäma."

¹⁶ Nayju waya gathana nhanukaya Djesuwayana waŋgany ḥarakaw. Ga nhäŋaya ḥayi, bala waŋana bitjaya, "Yol dhuwayatja wuŋili ga yäku dhiyalamiya rrupiyaju ḥarakanju?"

Ga wayatja buku-roŋinymaŋjaya, "Dhuwayiya wuŋili ḥayi Caesar-na ḥunhi ḥayi buŋgawana Roman-buŋjuwu gapmangu!"

¹⁷ Nayju ḥayi Djesuya bitjayana waŋana, "Gatjuy, roŋinymaŋju waya wekuŋu nhä malanyinha nhanju ḥuriki Roman-buŋjuwu gapmangu. Ga nhä malanyinha ḥunhi nhanju God-Waŋarrwu, biyaku bili nhanjuwa buku-roŋinymaŋju wekuŋu."

Ga bukmakthuya ḥunhi ḥäkuyana ḥanya dhärukta ganyim'thuna, bili ḥayi wayana ḥunhi buku-roŋinymaŋjaya djambatjthuna dhärukthu.

*Yoljuu wayay dhä-wirrka'yuna Djesuna rakunymiwi wayaŋgu
(Matthew 22:23-33, Luke 20:27-40)*

¹⁸ Ga wiripu gulku' yolju'-yulju mala yäku Sadducees marrtjina ḥunhi waya marŋgikunhawu yoljuwu wayaŋgu, be yaka yurru yolju waya rakunyuŋu walŋathi. Ga bitjaya waya gatjarr'yuna Djesuna, ḥayju waya waŋana bitjaya,^{† 19} "Marŋgikunhami, dhuwaya God-Waŋarrwuya rom ḥunhi Moses-thuya wukirri, gam': ḥunhi yurru yoljuu miyalknha ḥätthun, ga rakunydhya yurru ḥayi walkurmiriw yana, bala nhanukaya gutha'minjuyuna yurru ḥunhi miyalknha ḥätthun. Ga yalalaya mandaku yurru ḥunhi yothuna malŋ'thun, nhanjuwa ḥuriki rakunyguna darramuwu.^{‡ 20} Ga nhämi dhuwayatja, gay? Gułku' waya gurrana ḥunhi nhinanaya, seven-na wäwa'manydji waya. Ga ḥayi ḥäthiyiya ḥalapalyu wäwa'minjuyu ḥätthuna miyalknha bala rakunydhinana, ga yaka ḥayi ḥuriŋi miyalkthu ḥula yothu nhanju gāŋjaya.^{§ 21} Nayju ḥunhi malpurayuya ḥätthuna ḥunhi miyalknha yana bitjaya romgu malthuna. Nayju ḥayi ḥunhi darramuya rakunydhinana, walkurmiriw yana.²² Ga balanyana bili yana malŋ'thuna bukmakku yana wayaŋgu wäwa'manydjiwu. Ga bukmak waya ḥunhi romguya malthuna, ga bukmakthu waya ḥunhi ḥätthuna ḥunhiyi miyalknha. Ga bukmak yana waya rakunydhina yothumiriw yana. Ga dhä-dhuditjnhā ḥayina ḥunhi miyalknha rakunydhina.

* **12:14** Rawumbuywu yoljuwu wayaŋgu bathala buŋgawa yäku "Caesar". † **12:18** Acts 23:8 ‡ **12:19** Deuteronomy 25:5

23 Ga dhiyakuna ḥanapu yurru nhunaya dhuwaya dhä-wirrka'yun, gay': ḥunhi buwal'yu God-Wanjarryu yoljhunaya wayana waljhakuṇu rakunyŋuya ḥunhaya djiwarr'ḥuya, ga ḥunhi bitjaya waya wäwa'manydji waya ga ḥunhiyi miyal̄k beṇu rakunyŋuyu waljhathi, ga yolkuna ḥayi yurru ḥunhi miyalktja, bili bukmakkaya yana ḥayi wayan̄gaya nhinanaya?"

24 Ga ḥayi Djesuya wajhana bitjayana, "Bukmak yana nhuma dhuwaya djarrpi'mi. Yaka yana nhuma dhuwaya God-Wanjarrwuwa dhärukku yuwalktja marŋgi, ga yaka nhuma marŋgi nhantu ganyd-jarrwu.

25 Ga ḥunhi ḥuli yoljhū waya waljhathi rakunyŋuyu, ḥunhiya waya buwal'yu balanyana bitjan God-Wanjarrwuna dhäwu'mina mala, djiwarr'wuynta yoljhū waya. Wayatja yurru ḥunhi yakana ḥätthunmi ḥunhayatja. Bukmaktja yoljhū waya ḥunhayatja djiwarr'ḥuya buwal'yu waŋganynha mala. Yakana buwal'yu ḥunhi yoljhuyu wayay dhawu' nherruyu miyalknha ga bulu ḥätthunmi. 26 Nhumaya gurra dhuwaya bitjan guyanja yana beni yaka yoljhū waya yurru waljhathi rakunyŋuyu. Guyan̄i waya ḥunhi dhäwu' Moses-kalaŋuwuy ḥunha God-Wanjarrwaya dhuyuṇu djourra'ṇu: ḥunhi ḥayi nhäŋaya gurtha dharpayi, ga God-Wanjarr gurrana wajhana nhaukaya bitjaya, 'Narraya dhuwaya God-Wanjarr wayan̄gu Abraham-gu, Isaac-ku ga Jacob-ku.'* 27 Yaka ḥayi God-Wanjarr rakunyŋmiwu yurru ḥayi God-Wanjarrya ḥuruku waljhamiwu yoljhuwu wayan̄gu. Bili waya gurra nhina waljhana ḥunha God-Wanjarrwayana, yaka waya rakunyŋmi. Bili waljhami yoljhū waya ḥuli gurra God-Wanjarrwu buku-ŋal'yun, yaka rakunyŋmi. ḥunhi nhuma gurra guyana ḥunhi yoljhū waya yaka bulu ḥuli waljhathi, ga guyan̄inyawuyya nhumaŋguṇu djarrpi'na wirrkina."

*Märr-ŋamathi God-Wanjarrwu ga märr-ŋamathi yoljhuwu
(Matthew 22:34-40, Luke 10:25-28)*

28 Ga ḥunhaya gurrana nhinana waŋgany rom-marŋgikunhami yoljhū, mäkiri'-witjuna ḥayi gurrana Djesuwu. Ga bitjaya ḥayi gurrana ḥunhi guyan̄inaya: ḥunhi ḥayi Djesuyuya latju'na yana wayan̄gu dhärukta buku-roŋinymaŋaya Sadducees-kuya wayan̄gu. ḥayuṇu ḥayi ḥäŋ'thuna ḥanya Djesuna bitjayana, "Nhä dhuwaya ḥurruṇuya wirrkiya wal'ṇu God-Wanjarrwu Rom?"

29 Ga ḥayi Djesuya buku-roŋinymaŋaya bitjayana, "Dhuwanna ḥunhi ḥurruṇuya wal'ṇu rom ḥunha God-Wanjarrwayatja djourra'ṇu gurra ɬakama bitjan gam',

'Näkuya waya latju'kuṇu, nhumaya Israel-puŋŋuyu yoljhuyu wayay! God-Wanjarr yana dhuwaya ḥayipi ḥurruṇuya bungawa ḥilimuŋgu,

Yaka gurra dhuwaya wiripu yoljhū nhina balanya bitjan ḥayi.

Ga nhantuway yana ḥilimu yurru ḥunhi mäkiri'-witjundja!

30 Ga märr-ŋamathi yurru dhuwaya dhiyaku God-Wanjarrwuya wirrki yana, yaka ganga.

Nurun̄una ḥayuṇu märr-ŋamathi nhantu djinawa'yuna ḥayaŋyu, ga bukmakthu yana nhokaya märryu, ga djäl̄yu, ga guyan̄inyayu.

* 12:26 Exodus 3:6

Ga märr-ŋamathi God-Waŋarrwu bukmakthu yana nhokaya gany-djarryu, bitjan nhe ɳuli ganydjarr-waŋa ɳula djämawu.”^{*}

³¹ Ga dhuwaya ɳayi ɳunhi wiripuya rom balanya bili bitjan ɳunha ɳurruŋu rom, dhuwanna gam':

‘Gatjuy, märr-ŋamathina ɳunha wiripuwuya yolŋuwu bitjan nhe ɳuli märr-ŋamathi ɳhuŋuway nhe.’

Dhuwanna ɳunhi bulal’nha rom maŋdana wal’ŋu ɳurruŋuya.”^{**}

³² Naynu ɳayi ɳunhi rom-marŋikunhamiya yolŋu bitjayana waŋana, “Yuwalk dhuwayiya! God-Waŋarr yana dhuwaya ɳayipi ɳilimunju ɳurruŋu bunŋawa. Dhunupa yana nhe dhuwaya bitjaya waŋana ɳunhi ‘Bäyŋuna dhuwaya ɳula wiripu God-Waŋarr,... ɳayipina yana waŋganyinha, ga linyguna!”^{***} ³³ Dhika ɳilimu yurru gurra latju’kuma yana nhanju God-Waŋarrwuya märr-ŋamathi, yaka gaŋga. Yuwalkkuma yana ɳilimu yurru gurra nhanju märr-ŋamathi bukmakthu ɳilimunŋaya ɳayaŋuyu, ga märryu, ga djälyu, ga guyanŋinyayu, ga ganydjarryu. Ga bitjana bili ɳilimu yurru gurra ɳunhi wiripuwu yolŋuwu märr-ŋamathi, bitjan ɳilimu ɳuli ɳilimunŋuway märr-ŋamathi. Dhuwayina ɳunhi rom maŋdana ɳurruŋuya ɳilimunju. Yo, dhiyanŋuya djulk mama gurra romdhū dhuwaya ɳunhi wiripunaya malana romnha, balanya bitjan mundhurr-wekanaminaya romnha.”^{**}

³⁴ Ga ɳunhi ɳayi Djesuyu ɳanya balanyawuya ɳäkuya, ɳunhi ɳayi darramu djambatjthuna dhärukthu warjana, bala ɳayi Djesuya bitjayana nhanju buku-roŋinymajanaya, “Linyguna nhe dhuwaya dharanŋayana, dhuwaya nhe gurra guyanŋina nhe yurru God-Waŋarrnhana bunŋawakuma nhokalaŋuwu walŋawu.”

Ga yaka ɳunhi buluya ɳula yolŋu waya waŋana nhanju, bili yakana yurru ɳula yolthu ɳanya dhäruk djulk mama Djesuna.[†]

Maŋutji-lakanhawuy yolŋu dhuwaya King David-kaya yarraṭaŋu, yurru ɳayi ɳunhi bunŋawa yulŋuya nhanju Davidkuya

(Matthew 22:41-46, Luke 20:41-44)

³⁵ Ga balanyamiyu ɳayi gurrana Djesuyu bađak wayana marŋikunŋaya yolŋuna wayana ɳunhaya God-Waŋarrwaya Dhuyunu Bunŋbuŋu. Ga bitjaya ɳayi lakanŋaya, “Bili nhuma marŋgi dhuwaya ɳunhi David-tja gurrana nhinana be wala baman’ ɳäthiyi yana. Ga wayatja gurrana nhumaŋgaya rom-marŋikunhamiyuya lakanŋaya, ɳunhi God-Waŋarrwuna Maŋutji-lakanhawuynha buwał’yu malŋ’thu nhanukayana David-kaya yarraṭaŋu.”³⁶ Yo, ɳäthiyi ɳayi ɳunhi God-Waŋarrwu Dhuyu Birrimbirryu dhäruk-wekaŋaya David-kaya dhäwu’wu wukirriwu bitjaya:

God-Waŋarr waŋana ɳarrakalaŋuwaya bunŋawawaya bitjaya,

‘Go! Lili marrtji, ga dhiya nhini ɳarrakayana dhunupa’ɳuna gali’ŋu, märr nheya yurru ɳunhi galkina ɳarrakayana, ga bäythi ɳarra yurru mirijuna nhuŋu gälkinyymama, bala nhe yurru gurra luku-ŋal’yuna wayanŋgaya.’^{**}

^{37a} Ga ɳanyanaya ɳunhi Maŋutji-lakanhawuynhaya yolŋuna ɳayi David-thuya gurrana bunŋawa lakanŋaya. Ga nhäkuna ɳayi be David-kayatja yarraṭaŋu bunŋawa’miŋu nhanŋuya be David-kuya?”

* 12:30 Deuteronomy 6:4-5 * 12:31 Leviticus 19:18 * 12:32 Deuteronomy 4:35 * 12:33 Hosea 6:6 * 12:34 Luke 10:25-28 * 12:36 Psalms 110:1

Nhǟnu ga mala-djarr'yu rom-marngikunhaminaya yol̄juna wayana: Yaka marrtji wawu
(Matthew 23:1-36, Luke 20:45-47)

^{37b} Ga gulk'u'yu gurrana ɻunhi yol̄juyu wayay ɻäkuya ɻanya Djesuna dhäruk, ga märr-ɻamathina waya nhanju wirrkina yana. ³⁸ Ga baðak ɻayi gurrana ɻunhi Djesuyu marngikuŋaya yol̄juna wayana, ɻayju ɻayi bitjayana waŋana, “Wäy, djäka waya ɻe, ɻurukuya rom marngikunhamiwuya wayanju! Dhuwaya waya ɻuli gurra bathalakunhami, ga girri'ya waya ɻuli nherran ɻiyin'na be wirrkina, märr yurru yol̄juyu wayay nhäma wayana ɻayju wokthuna wayanju ga bitjana waŋa, ‘Yo, nhämi way yol̄ju,’ bitjana, ɻunhi waya ɻuli gärułyiya marrtji. ³⁹ Ga ɻunhi waya ɻuli biryayi buŋbuyi marrtji buku-ɻjal'yunawuya, wo ɻathamiyi wäŋayi, waya ɻuli latju'wuna yana nhinanhamiwu larruma, märr yurru gurra yol̄juyu wayay nhäma wayana ɻunhima. ⁴⁰ Yurru waya ɻunhi ɻuli bawa'-wekama ɻunha ɻurruwyuknha miyalgnha wayana bala marrtji manajina buŋbu mala wayanju. Ga dhurrwaraju beŋuyu bala waya ɻuli marrtji biryamiyina buŋbuyi bala ɻuli buku-ɻjal'yuna, djaka'-wiyin'na be, märr yurru yol̄juyu wayay wayana latju'-lakama. Yurru ɻayiya ɻuli wayana ɻunhi God-Waŋarryuya wirrkina yana dhä-dir'yu yätjpuya.”

Gurrupuruŋuju Miyalkthu warrpam wekaŋaya rrupiya God-Waŋarrwuna

(Luke 21:1-4)

⁴¹ Ga beŋuya dhurrwaraju, ɻayi gurrana Djesu nhinana gumurr ɻaynjuna ɻunhi wanhami gurrana banikin' rrupiyawuy djingaryuna ɻunhaya ɻunhi God-Waŋarrwaya Dhuyunu Buŋbuŋu. Ga nhäŋaya ɻayi gurrana yol̄juna wayana wiripuna ga wiripuna waya marrtjina rrupiya rarr'yuna balayi rupa'yi. Ga lukunydja'yu yol̄juyu wayay marrtjina rarr'yuna bathala rrupiya. ⁴² Ga bulu ɻunhi gurrupuruŋunha miyalg marrtjina, ga gathaya ɻayi ɻunhi bulal' yutjuwała' ɻaraka rrupiya, bäyŋuna bathala.

⁴³ Nayju ɻayi Djesuya wäthunana nhanukalanjuwu guyurr'miŋuwu wayanju bitjaya, “Dhuwaya ɻarra yurru dhunupa nhumanju lakamaya: Dhiyanuya gay' miyalkthu wekaŋaya warrpam'thuna, djułkmaŋayana gurrana ɻunha bukmaknha lukunydja'na yol̄juna wayana mundhurr-wekanhawuy. ⁴⁴ Dhiyanuya lukunydja'yu yol̄juyu wayay guyanjina yana beni gulk'u' wekaŋaya. Ga ɻunha wäŋanju wayanĝaya gurra gulk'u' yana rrupiya gandaw'yun. Ga ɻayiya dhiyanuya miyalkthu warrpamnha wekaŋaya, yakana ɻula djułul'maŋaya rrupiya nhanŋuwaya ɻayi ɻathawu.”

13

Djesuyu lakaŋaya dhäwu' Dhuyuwuy Buŋbuwuy
(Matthew 24:1-2, Luke 21:5-6)

¹ Nayju ɻayi Djesu ga guyurr'miŋu waya nhanju marrtjina dhawatthuna beŋu ɻunhi God-Waŋarrwaya Dhuyunu Buŋbuŋu. Nayju ɻayi waŋganydja yol̄ju waŋana bitjayana, “Way Marngikunhami, nhǟnu ɻäthiyi dhuwaya, latju' dhuwaya buŋbu. Nhäna dhuwayatja guŋda malanyinha bathalamina wirrkina, ɻeniya?”

² Ga ɳayi Djesuya waŋana bitjaya, “Dhuwaya nhuma gurra nhäma latju' buŋbu, dhuwaya yurru ɖaw'yuna. Ga bäyŋuna yurru buluya gurra dhiya djingaryun. ɳayŋu yurru dhuwaya gunda'ya mala ɳoyŋuna gandawyun. Warrpam'nha ɳuli burrul'yun.”

Djesuyu gurrana lakanaya nhattjuyu ɳayi ɳuli walu ɳunhi dhä-dhawar'yunamiyu

(Matthew 24:3-14, Luke 21:7-19)

³ Nayŋu waya ɳunhi Djesu ga guyurr'miŋu waya nhanŋu marrtjina ɳayŋu bukuyi yákuyi Mount Olive-thi ɳunhi ɻaypa'yunmi maɳda gurra, God-Waŋarrwu Dhuyu Buŋbu ga ɳunhaya, waya gurrana ɳunhi nhinanaya. Nayŋu waya ɳunhi Peter ga James ga John ga Andrew marrtjinana Djesuwuna bunana bala dhä-wirrka'yunana,

⁴ “Marrkapmi, ɳäthiyi ɳanapuŋgu ɻakanu dhunupakuŋu, nhä nhe gurrana ɻakanaya. Nhätha yurru yolŋuyuya dhuwaya buŋbuya daw'maŋu, ga nhäthu ɳanapu ɳuli marnŋithiya?” bitjaya.

⁵ Ga ɳayi Djesuya waŋana, “Djäka waya marrtjiya märr yurru nhuma yaka yolŋuya mayali'-wilkthun. ⁶ Gulku' ɳuli dhuwaya yolŋuya waya buni ga biyaku waŋi, ‘Narra dhuwaya Maŋutji-ɻakanhawuya,’ ga gulku'na waya ɳuli yolŋuna wayana mayali'-wilkthu. ⁷ Ga mariwuya nhuma ɳuli ganydarrya ɳäkuna. Ga wiripu yolŋu waya ɳuli buni bala ɳuli marrtji dhäwu'na-gäŋu wiripuwuŋha mariwuy. Yurru nhumaya yaka ɳuli ɳayaŋu-wingil'yu ɳuriŋiya malay dhäwu'yu, ne? Mariwuyya nhuma ɳuli biyaku bili dhäwu' ɳäku yana, bäymayi ga barrkuyi, yurru ɳunhiya yaka yana dhä-dhawaryunami walu. ⁸ Ga gulku' ga gulku' ɳuli dhuwaya mariya mala ɳurru-walmi. Yolŋu waya waŋgany bäpurru' yurru mari-wuna wiripuŋuwu bäpurru'wu. Ga waŋganybuy ɳarakawuy wäŋawuy ɳuli mariwuni wiripuŋuyi wäŋayi. Nayŋu ɳuli wäŋaya dhuwaya ɳayipiya marrmarryuna, ga barr'parryuna ɳuli. Ga ɳathaya ɳuli ɳunhi dhawar'yuna wiy-inŋumina waluyu, ga yolŋuya waya ɳuli wirrkina djanŋarrthi. Ga ɳurruŋuya yurru ɳunhi dhuwayi mari mala malŋ'thu. Ga buluya ɳuli bathalana mari malŋ'thu. Beyaku ɳayi ɳuli ɳunhi malŋ'thuya gam: Bitjan ɳuli miyalkthu ɳurru-yirr'yun ɳäma'ɳama rerri yothuna ɳunhi ɳayi yurru dhawal-wuyanji.

⁹ Djäkana waya nhumaŋguway yulŋuya, märr yurru ɳunhi yaka nhumana yolŋuyuya wayay bawa'-wekuŋu. Yolŋuya waya nhumaŋgu yurru ɳurru-wil'wilyuna bili nhuma ɳuli ɳunhi ɳarraku malthun. Ga mulki waya ɳuli nhumana ga gäŋu bala dhä-wirrka'yunawuna, bala ɳuli bartjunmaŋuna nhumana ɳunhaya biryamiŋuna buŋbuŋu. Ga djingaryunmaŋu waya ɳuli nhumana ɳapuŋga'yi yana gumurriyи buŋgawawaya wayaŋgaya ga gapmangaya yolŋuwaya wayaŋgaya. Ga balanyamiyuŋa nheya ɳuli ɳarranaya biyaku ɻakanuna yolŋuwuna wayaŋgu, ¹⁰ märr yurru bukmakthu bäpurru'yu ɳäkuna ɳarrakalaŋuwuy dhäwu'. Yo, ɳurruŋuya ɳuli dhuwaya bukmakthu bäpurru'yu dhäwu' ɳäthiyi latju' ɳäku, ga yurruna ɳuli ɳunhi waluya dhä-dhawar'yu. ¹¹ Yo, yolŋuyuya wayay nhumana ɳuli ɖapmaŋuna bala gäŋuna nhumana dhä-wirrka'yunawuna, yurru nhumaya yurru yaka warwuyun nhattju

nhuma ɳuli waŋi. ɳayina yurru ɳunhi Dhuyu Birrimbirryuna nhumana dhäruk-wekama waŋanhawu.*

12 Ga ɳuli yurru ɳunhi yolju märr-yuwalkthi ɳarrakuya, yolju yurru ɳumiyu wayay yurru ɳanya baymatthuna rakunygumana yana. Wäwa'manydji yurru baymatthunmi rakunygunhamina yana. Ga biyaku bili ɳuli bäpa'miŋyu baymatthu wayaŋguway wäwunŋuna djamarlkulina. Ga yumurrku'ya yurru ɳapa-wilyuna ɳändi'miŋyu ga bäpa'miŋyu ga gumurr-wekama maŋdانا yoljuwayana wayaŋgaya baymatthunawu. 13 Ga gułku'na yolju yurru ɳumanaŋgu ɳuli ɳaramurrthiya, bili nhuma ɳuli ɳarraku malthun. Ga ɳunhi nhe yurru gurra dälya yana djingaryun ga yakaya nhe yurru märr-djawaryun, ɳayiya yurru God-Waŋarryuya nhuna walŋakuŋuna.”*

Be nhä ɳuli yätjnha malŋ'thu God-Waŋarrwaya Dhuyunu Buŋbuŋu (Matthew 24:15-28, Luke 21:20-24)

14 Ga badak ɳayi gurrana ɳunhi Djesu waŋana bitjaya, “Dhikaya ɳuli yätjtja be nhä wirrkina ɳuli malŋ'thu. Ga djingaryuya ɳayi ɳuli ɳunhi ɳunhaya God-Waŋarrwaya Dhuyunu Buŋbuŋu ɳunhaya Jerusalem, yätjkuŋuna ɳuli ɳunhiya wäŋa, ɳunhi yaka ɳayi beni yuwalktja malŋ'thuna. Yurru, girri'-ɳamathina yukirri nhiniya,” bitjaya. (Ga ɳuli nhe gurra nhäma dhuwaya dhäwu'ya, marŋgithi yana ga yuwalkkunu dharanu, ga biyaku bili nheya nhini girri'-ɳamathi.) Ga badak ɳayi nhina Djesuya waŋa bitjan, “Nuli nhuma yurru balanyawuya nhäma, ɳunhi dhä-dhawar'yunamiya walu galŋa'kalŋana. Ga ɳuli nhuma yurru Judea-puyŋuyu yolju yurru wayay balanya nhäma, gangathina yana ɳunha buku'-pukumiyyina wäŋayi.* 15 Ga ɳuli nhe gurra warraŋulya nhokaya buŋbuŋu marrtji'marrtji, yakana waŋdi yarrupthuya ga girri'ya nhuŋuway wapmaŋu djinawa' buŋbuŋu yana waŋdi bukuyina. 16 Ga ɳuli nhe gurra diltjinya nhina, yakana waŋdi nhokaya buŋbuyi be nhäkuya gundhaŋu.* 17 Ga gumurr-dälnha ɳuli dhuwaya wirrkina yothumiwyu miyalkku wayaŋgu balanyamiyuya waluyu.

18 Bukumiyaŋu God-Waŋarrwaya, märr yurru ɳunhi gumurr-dälya rom malŋ'thu, balanyamiyu waluyu ɳunhina ɳayi nhuŋu gumurr-yalŋgi'ya yoljuwu ɳaq'thunawu. 19 Ga dhiyanuya mariyu ɳuli yolju yurru waya galŋaya wirrkina nyelyu, yätjtina ɳuli. Beŋu bili ɳunhi ɳayi God-Waŋarryu ɳurru-yirr'yuna dhuwaya wäŋa, balanyamiyu gurrana ɳunhi yolju yurru waya nyelyuna. Yurru dhiyanuya mariyu ɳuli yolju yurru waya wirrkina galŋa-yätjtji. Ga yalalaya yakana ɳayi ɳuli buluya balanya gumurr-däl malŋ'thu.* 20 Ga ɳunhi ɳayi yurru God-Waŋarryu yakaya ɳunhi mari gulmaŋu, ɳayiya yurru yolju yurru waya warrpam'nha yana rakunydhina. Yurru God-Waŋarryuya ɳunhi bili nhänŋuway yolju yurru wayana ganan'maŋaya, ga yakana ɳayi yurru nhäma wayana rakunydhinyayi, ɳayju ɳayi yurru ɳunhi mariya dhumbulkumana, märr waya yurru walŋathhi.

21 Ga ɳunhi ɳuli yolju biyaku waŋi, ‘Dhuwaya ɳanapu bilina malŋ'maŋayaŋana ɳunhi Maŋutji-lakanhawuŋhaya yolju yurru waya yurru walŋathhi.

* 13:11 Matthew 10:17-20, Luke 12:11-12 * 13:13 Matthew 10:22 * 13:14 Daniel 9:27, 11:31, 12:11 * 13:16 Luke 17:31 * 13:19 Daniel 12:1, Revelation 7:14

dhuwana ɳayi yulnuya,’ nhumaya yakana märr-yuwalkthi. Ga ɳunhi waya yurru bitjandja waŋa, ‘Nunhana ɳaynu ɳayi, ya ɳunhana,’ yakana yana märr-yuwalkthi. ²² Gulk'yu yolnuju ɳuli biyaku lakanju, ‘Narra dhuwaya God-Wanjarrwuŋuya Manutji-lakanhawuy yolnju.’ Ga wiripuya ɳuli biyaku wanji, ‘Narra dhuwaya djawarrkmiya yolnju,’ yurru yuwalktja waya ɳuli ɳunhi nhumanaya mayali'-gänu. Ga biyaku ga waya ɳuli ɳunhi ɳayanju-ganyim'thunamiya rom mala djäma. Ga biyaku waya ɳuli ɳunhi guyanjiya, ‘Go, ɳilimu bawa-wekama dhuwaya God-Wanjarrwu mala-djarr'yunawuŋha yolnuna wayana.’ Yurru gulkuruna waya ɳuli ɳunhi biyakuya djäma. ²³ Gatjuy djäkana waya! Dhuwana ɳarra gurra ɻakama nhumaŋgu yulnuya, märr yurru ɳunhiya walu buni, nhumaya yurru girri'-ŋamathina nhiniya ɳurikiya.”

*Nunhiya Yuwalkŋuya Wal'ju Yolŋu yurru roŋiyi lili munatha'yı
(Matthew 24:29-31, Luke 21:25-28)*

²⁴ Ga bulu ɳayi Djesuyu bitjaya ɻakanjaya, “Ga beŋuya dhurrwaraŋu ɳunhi bathalaŋjuya mariŋuya,
waluya yurru munha'kuyina

ga ɳalindiya yurru yakana buluya djarraṭawun'miyi.*

²⁵ Ga ganyu'ya mala ɳuli burrul'yuna djiwarr'ɳuya

ga nhä malany ganydjarr ɳula nhäku malanjuwu ɳunha dji-warr'ɳuyu yurru rurr'rurryuna.*

²⁶ Ga beŋuya bala ɳuli yolŋuyuya wayay bukmakthu nhäŋuna ɳanyanaya ɳunhi Yuwalkŋunjaya Wal'ju Yolŋuna. Ga yarrupthuya ɳayi ɳuli djiwarr'ɳuya lili waŋupini'yuna. Ga bukmakthu yolŋuyu ɳuli ɳunhi nhäŋuna ɳanya djenarra'yakaynha djärimina dhika, ga ganydjarr-ɳutu'na bäymana.* ²⁷ Naynu ɳarra ɳuli djuy'yuna God-Wanjarrwuya djiwarr'wyuŋha dhäwu'mina wayana, waya ɳuli luŋ'maŋu ɳarrakuya mala-djarr'yunawuŋha yolŋuna wayana dhuwaya bala buku-ɻiw'mama ɻapthun marrtji, beŋu dhimurruŋu ga ɻupthun bärra'yi ga dhipunu bala ɻungurrmaŋuju ga yana bili ga djalathandhi wapthun.”

Gumurr-dälyuya waluyu gurra manutji-ɻakama Djesuna roŋinyawuna

(Matthew 24:32-35, Luke 21:29-33)

²⁸ Ga bađak ɳayi gurrana ɳunhi Djesuya waŋana bitjaya, “Nunhi nhuma ɳuli nhäma marwat dharpa galada'yunaya, nhumaya ɳuli marŋgithina ɳunhi ɳunhiya dharratharramina walu galkithina marrtji. ²⁹ Yo, ɳunhi nhuma ɳuli balanyawuya nhäma, ɳuriŋjiya gurra gumurr-dälyuya romdhu manutji-ɻakama ɳarraku walu galkithina marrtji. ³⁰ Dhuwaya ɳarra yurru dhunupa yana nhumaŋgu ɻakama! Dhipunuŋu gay' ɳurrukŋuyu, dhuwaya nhuma gurra djinga'djingaryun, wiripuya waya nhuma ɳuli walŋa yana nhini, ga nhäŋu yana nhuma ɳuli balanya gumurr-däl rom malŋ'thunaya. ³¹ Yo! Nhäya mala bukmaktya ɳuli dhawar'yuna, ɳunha djiwarr' wäŋa ga dhuwaya munatha' wäŋa dhawar'yuna ɳuli. Yurru dhärukjtja

* **13:24** Isaiah 13:10, Ezekiel 32:7, Joel 2:10,31, 3:15, Revelation 6:12 * **13:25** Isaiah 34:4, Joel 2:10, Revelation 6:13 * **13:26** Daniel 7:13, Revelation 1:7

ŋarraku yurru ŋunhi yakana dhawar'yu, ŋunhiya yurru djingaryuna gurra wiyinŋumina dhawar'yunamiriwnha."

Yaka dhuwaya yolŋu marŋgi nhä nhanŋu gumurr-roŋinyawuya walu (Matthew 24:36-44)

³² Ga bulu ŋayi Djesu waŋana bitjaya, "Yaka dhuwaya ŋula waŋgany yolŋu marŋgi ŋarrakalaŋuwu waluwu roŋiyinyawu. Ŋunha God-Waŋarrwu djiwarr'puy dhäwu'mi yolŋu waya yaka yana marŋgi. Ga ŋarrapi dhuwaya yaka yana marŋgi. Ŋayipina yana dhuwaya Bäpa'miŋuna ŋarraku marŋgi, ga linyguna.^{◊ 33} Gatjuy, djambatjthina waya yukturri nhiniya, bili nhuma yaka dhuwaya marŋgi ŋurikiya waluwu.

³⁴ Dhuwaya ŋarra yurru dhäwu' nhumanŋu ɻakama mayali'mi: Waŋganimiyu waluyu wäŋa-waṭaŋu yolŋu marrtjina gunha'yuna wäŋa nhanŋuway ga marrtjina barrkuyi wäŋayi. Ga waŋana ŋayi nhanŋu djämamina wayana, waya yurru djäma yulŋuya, ga djäka girri'wu malanyŋuwu latju'kuma yana. Ga waŋana ŋayi dhurrwara-djäkamina wayana waya yurru gurra dhukarr-nhäma yana, ga gumurr-roŋiyi ŋayi yurru.^{◊ 35} Ga yaka waya ŋunhi marŋgi waluwu, nhäthu waluyu ŋayi yurru gumurr-roŋiyi. Mak ŋayi yurru walu gärrinyayu buna wo mak gandarryu munhayu, wo mak djadaw'yunayu.

Yo, waya, nhumaya dhuwaya balanya bitjan ŋunhi djämamina yolŋu waya, ga yaka nhuma dhuwaya marŋgi nhätha ŋarra yurru roŋiyi lili. Gatjuy', nhumaya marrtji girri'-ŋamathina yulŋuya.³⁶ Dhukarr-nhäŋuna waya ykirri nhiniya, bitjan ŋunhi yolŋu dhurrwara-djäkami ŋuli djingaryun dhukarr-nhäma nhina yana, märr ŋayi yurru yaka nhuna malŋ'mama yakurryi.

³⁷ Dhuwaya ŋarra yurru waŋana nhumana, ga bukmaknha yolŋuna wayana, 'Gatjuy, djäka waya latju'kuŋuna, dhukarr-nhäŋuya nhanŋu.'

[Yo, dhiyana ŋayi dhäwu'ya Djesuwuya gulyun ŋunhi ŋayi gurrana ɻakanŋaya ɬuŋdu'miŋuwu wayanŋu ŋunhaya bukuŋu yäkuŋu Mount Olive.]

14

Nurru-dawalaŋu yolŋu waya waŋanhamina nhattjan waya yurru Djesuna mulka'

(Matthew 26:1-5, Luke 22:1-2, John 11:45-53)

¹⁻² Yo, ga ŋunhi ŋurruŋu-đalkarrami yolŋu waya ga rom-marŋgikunhami waya ɬuŋ'thuna bala waya waŋanhamina nhattjan waya yurru Djesuna mulka', yurru gayul, bili waya wirrkina yana djälmiyina nhanŋu waya yurru rakunyguma buma ŋanya, bala waya waŋanhamina bitjanmina, "Wäy, galkun ŋilimu ŋe, bili rom ŋilimunŋu gurra dhuwaya bathala marrtji. Waya ŋuli yolŋu waya ŋilimunŋuna mari-wuni, bili waya nhanŋu dhuwaya Djesuwuya wirrkina djäl."

Ga ŋunhi waya bitjayatja waŋana bili ŋunhi bulal'nha yana waluya bala ŋunhiyiya yurru rom ŋurru-yirr'yuna Läy-djulkthunamiya Walu ga wiripu rom yäku Bilkpilk Dämba. Ga ŋuriŋiya waluyu waya ŋuli

^{◊ 13:32} Matthew 24:36 ^{◊ 13:34} Luke 12:36-38

guyaŋinya wayan̄guway ɳalapalmina, gurruṭumina wayana, ɳunhi waya gunha'yuna wäŋa yäku Egypt.[☆]

*Miyalkthu rarryuna buŋgan-latju' Djesuwaya
(Matthew 26:6-13, John 12:1-8)*

³ Ga ɳayiya gurrana ɳunhi Djesuya nhinana ɳunhaya wäŋaŋu Bethany, ɳatha gurrana lukana Simon-gaya wäŋaŋu. Ga ɳäthiyiya ɳayi gurrana ɳunhi Simon-dja nhinana rerrimi, räypinydhu ɳayi gurrana garathina wirrkina. Yurru ɳayi ɳunhi bilina latju'yinana.

Ga yaka wiyindja bala miyalknha ɳunhima gärrina yurru goŋ bothulu'mina, yurru botholu'ya ɳunhi djämapuy beŋu gundanju. Ga gäŋaya ɳayi gurrana buŋgan-latju', ga buŋgandja ɳunhi latju'na dhika wirrkina, yurru rrupiya bathalami.* Ga ɬapmanjaya ɳayi ɳunhi mulkurr yana bothulu, ɳaynu rarryuna buŋgan-latju' bala ɳunhi Djesuwaya mulkurri.

⁴ Ga waya ɳunhi yolŋuya wayay ɳanya ɳarrtjunana bitjayana, "Nhäku nhe gurra dhuwaya buŋgan-latju'ya djalkthun? ⁵ Nhe ɳunhi beni djalim rrupiyawuna bathalawuna, ga rrupiyatja nhe ɳunhi be wekanha ɳunha lopananha yolŋuna wayana."

⁶ Naynu ɳayi Djesuya waŋana wayana bitjaya, "Gunha'yu waya ɳanya. Yaka waya nhanju mari-djäma. Dhuwaya ɳayi latju'kuŋaya djäma ɳarraku. ⁷ Nunha ɳunhi lopaya yolŋu waya yurru nhina nhumaŋgayana dhiyana biyakuna bili, ga balanyamiyu nhuma ɳuli wayana gunja'yuya. Yurru ɳarra yurru dhuwaya nhumaŋgaya yaka nhina wiyin, dhumbul'nha waluya.[☆] ⁸ Dhuwaya ɳarra ɳuli rakunydhina ɳaynu waya yurru ɳarraku rumbalya gärrinymajayana moluyina. Ga dhiyan̄uya miyalkthu rarryuna ɳarrakaya dhuwaya buŋgan-latju' latju'kuŋaya, ɳunhiya mayali' bitjan ɳayi ɳarrana ɳathil'yuna djäma rumbal ɳarraku. Ga latju'na ɳayi dhuwaya wirrkina yulŋuya ɳunhi ɳayi bitjaya djäma. ⁹ Näku waya ɳarrana. Dhuwaya ɳarra yurru nhumaŋgu yuwalk yana ɬakama. Nunhi ɳuli yolŋuy wayay, marrtji dhäwu' ɬakaŋu ɳunha bala buku-liw'manu, ga ɳäku yana waya ɳuli dhuwaya miyalkalaŋuwuy dhäwu', ɳunhi nhä ɳayi ɳarraku djäma latju'. Ga ɬulku'na yurru ɳunhi yolŋuya waya marŋgiyi."

*Judas liya-mukthuna ga mulkuriyina Djesuwu
(Matthew 26:14-16, Luke 22:3-6)*

¹⁰ Ga beŋu dhurrwaraŋu ɳayi ɳunhi waŋgany yolŋu yäku Judas Iscariot beŋu wayan̄gaya 12-kaya malthunamiwaya malanju marrtjinana. Yo, marrtjina ɳayi ga bunana ɳurruŋu-dalkarramiwu wayan̄gu, märr ɳayi yurru wayana gunja'yun goŋ-wekama Djesuna wayan̄gaya. Ga ɬakama ɳayi yurru wayan̄gu nhanŋuway ɳayaŋu.

* 14:1-2 Exodus 12:1-27 * 14:3 Nunhiya buŋgan-latju' rrupiya bathalami mala, balanya rrupiya mala, ɳunhi ɳuli yolŋuy djäma latju'kuma yana ga rrupiya ɳayi ɳuli weka'nha, bukuyi-ɳal'manha marrtjinya, djäma ɳuli marrtjinya waŋgany dhunjgarra-ɳupana. Yo, balanyana ɳunhi yulŋuya, rrupiya bathalami. Ga Greekŋuya Dhuyunu Djorra'ŋu dhäruk gurra djingaryun ɳunhiya balanya 300-tja ɳaraka yäku 'denari', ga yäkuya ɳayi ɳunhi buŋgan-latju'ya 'nardos' ɳunhi ɳuli yolŋuyu wayay ɳätthuna yuṭuŋgurrju dharpa'ŋu. Ga bothuluuya waya ɳuli djarrkthuna gunđa. Ga balanya bili yana ɳunhi rrupiya bathalami, Ga Greekŋuya Dhuyunu Djorra'ŋu ɳunhi yäkuya 'alabastros'. * 14:7 Deuteronomy 15:11

11 Ga ɳunhi waya ɳalapalmiyu balanya ɳäkuya ɳaynu waya ɳoy-ɳamathinana. ɳaynu waya dhawu'-nherraŋmina bitjaya, "Nuli nhe yurru Djesuna ɳanapunggaya gon-wekama, ɳanapuya yurru nhuna wuŋili-yuna ɳurikiwuya." ɳaynu ɳayi Judas-dja marrtjinana, bala gurrana dhukarrwuna larrunjaya nhattjan ɳayi yurru Djesuna wayanggaya gathan.

Djesuyu ga guyurr'miŋyuu wayay ɳathana lukana yäku Läy-djulkthunami

(Matthew 26:17-25, Luke 22:7-14,21-23, John 13:21-30)

12 Ga bitjana bili dhunŋgarra ɳupana ɳunhi ɳurru-yirr'yunamiyu waluyu wayanju Jew-wu rom, waya ɳuli dämba ɳomaŋa ɳatha ɳuriki romgu malthuna yäkuwu Bilkpilk Dämba, ga wutthuna waya ɳuli bimbi wäyin ɳuriki romgu Läy-djulkthunamiwu waluwu. Manymak, ga balanyamiyu bili yana waluyu, waya ɳuli luŋdu'miŋyuu wayay wanjanha ɳanya Djesuna bitjana, "Wanhami wäŋanju ɳilimu yurru ɳamaŋamayun Läy-djulkthunamiya ɳatha?"

13 ɳaynu ɳayi Djesuya wanjanan guyurr'miŋjuna maŋdana bulal'nha bitjaya, "Gatjuy marrtjina maŋda ɳaynu Jerusalem-dhina. Ga ɳunhi nhuma yurru bunaya ɳunhaya wäŋanjuya, nhuma yurru nhäma darramuna. Nayi yurru gurra gapu gäma lambarryu banikin'mi. Ga malthu maŋda nhanju, ga gunha ɳayi yurru gulŋiyi ɳunhima buŋbuyi, yaka gunha'yu, yana malthu nhanju.

14 Ga ɳunhaya djinawa'ya nhuma yurru waŋa buŋgawana ɳuriki buŋbuwu, ga bitjan nhuma yurru nhanju lakaŋa gam', 'Wäy, ɳunha Marŋikunhamiyu ɳäŋ'thuna wanhami ɳanapu yurru Läy-djulkthunamiya ɳatha ɳamaŋamayun, märr ɳanapu yurru luka ɳayi ga ɳanapu luŋdu'miŋyuu wayay.' 15 ɳaynu ɳayi yurru ɳuriŋi buŋgawayuya milkuma ɳunhana ɳunhi garwarnha wäŋa, linyguna dharrana gurra, ɳilimunŋguna, ga ɳunhayana nhuma yurru ɳunhi ɳathaya ɳilimunŋgu ɳamaŋamayun."

16 ɳaynu yana maŋda ɳunhi marrtjinana. Ga ɳunhi maŋda Jerusalem-dja bunana, ga malŋ'maŋaya maŋda balanya bili ɳunhi nhattjaya ɳayi gurrana Djesuyu maŋdaku lakaŋaya. Ga ɳunhayana manda ɳunhi Läy-djulkthunamiya ɳatha ɳamaŋamayuna. Ga gon-dhawar'yuna maŋda bala ronjiyina Djesuwayana.

17 Ga ɳunhi marrtjina waluya gärrina ɳaynu ɳayi Djesuya ga luŋdu'miŋuya waya nhanju ɳunhi 12-tja marrtjina ɳaynuna wäŋayi.

18 Ga ɳunhi waya marrtjina ɳathaya lukana, ɳaynu ɳayi Djesuya wanjanan bitjayana, "Yuwalk yana ɳarra yurru dhuwaya nhumanju lakaŋa. Dhuwaya gay' dhiyalanumi malaŋju dhuwaya ɳatha ɳilimu gurra luka rrambanji, waŋganydja yolŋu yurru ɳarraku miriŋuthina," bitjaya.*

19 ɳaynu wayatja ɳunhi guyurr'miŋuya waya nhanju galŋa-yätjthinana ɳuriŋiya dhärükthu nhanukaya, bala waya marrtjina dhä-wirrk'a'yunana ɳanya bitjaya, "Wäy,... yolthu way... yol ɳarra ɳeniya Marrkapmi?" bitjaya.

20 ɳaynu ɳayi Djesuya bitjayana wanjanan, "Waŋganydhuya yolŋuyu dhiyalanumi gurra ɳathana mulka, ɳali yurru ɻup'mama banikin'thi rrambanjina, ɳunhiya yolŋu yurru ɳarraku miriŋuthina. 21 Guyanji

* 14:18 Psalms 41:10

waya, ḷarraya dhuwaya Yuwalknuya Wal'nu Yolnu yurru rakunydhina bitjan yana bili ḷunha gurra God-Waŋarrwaya Dhuyunu Djorra'nu wukirriwuy djingaryun. Ga bathalana wirrkina yurru ḷurikiya gumurr-gänhamiwuya yolnuwu mari malŋ'thu. Ga latju'ya nhanju ḷunhi ḷayi beni yaka malŋ'thuna."

Djesuyu ḷunhi mayali' lakaŋaya ḷathawuy ga borumbuy wiyika'wuy
(Matthew 26:26-30, Luke 22:14-20, 1 Corinthians 11:23-25)

²² Ga badak waya marrtjina ḷunhi lukana ḷathaya, ḷaynu ḷayi Djesuya dämba'na ḷätthuna bala bukumiyaŋaya God-Waŋarrnha ḷurikiyi. Ga daw'yuna ḷayi, ḷaynu wekanjaya marrtjina wayangu. Ga waŋana ḷayi bitjaya, "Dhuwayatja dämba ḷarraku rumbal. Ma', ḷätthuna ḷaynu lukina."

²³ Ga bitjaya bili ḷayi ḷätthuna wiyika'ya banikin'mi, ga bukuwekanjaya ḷayi God-Waŋarrnha, ḷaynu ḷayi wekanjaya ḷunhi wiyika'ya ḷunha guyurr'miŋuwuna wayangu wulkthunawu.

²⁴ Naynu ḷayi bitjayana waŋana, "Dhuwayatja borum wiyika' ḷarraku gulaŋ, ḷunhi yurru larryun gułku'wuna yolnuwu walŋakunhawu. Ga baman'tja ḷayi ḷunhi God-Waŋarryu dhawu'-nherraya rom gułku'wu yolnuwu walŋakunhawu. Dhiyanuya ḷunhi ḷarrakayatja gulaŋdu yurru romnha marrtjinyamama, malŋ'thuna yurru yuwalkthina. Ma', ḷätthuna bala wulkthuna.^{*}

²⁵ Ga dhuwanna gam', yakana ḷarra yurru buluya borum wiyika' wulkthu, ga gunha ḷilim ḷuli rrampaŋina nhini ḷunhayana djiwarr'ṇuna God-Waŋarrwayana romju."

²⁶ Ga dhurrwaranu beŋuya ḷaynu waya manikaynha barkparkthuna God-Waŋarrwayana. ḷaynu waya marrtjina ḷaynu bukuyina wänayi yäkuyi Mount-Olive-thi.

Djesuyu ḷathil'yuna lakaŋaya ḷunhi Peter yurru dhumbal'yun
(Matthew 26:31-35, Luke 22:31-34, John 13:36-38)

²⁷ Ga ḷunhi waya marrtjina ḷaynu dhukarr-ŋupaya, ḷaynu ḷayi Djesuyuya lakaŋaya ḷathil'yuna bitjaya, "Yalalaya yurru ḷunhi munhakuyina ga nhumaya yurru dhuwayatja waya wandi'-wandina ḷarrakaya, gunha'yuna ḷarrana yurru. Yo, ḷäthiyi yana ḷunhi waŋgandydu yolŋuyu dhawu' bitjaya wukirri Dhuyuyi Djorra'yi bitjaya gam'.

'God-Waŋarryu yurru buma rakunyguma ḷunhi wäyin-djäkaminaya, ḷaynu ḷayi yurru bimbiya mala latjuwarr'yuna.'^{**}

²⁸ Narraya ḷuli rakunydhina. Yurru ḷarra ḷuli dhuwaya bulu walŋathi ḷaynu ḷuli marrtjiya ḷurruŋuna nhumanŋu, ga ḷunhayana ḷarra nhumanŋu yukirri galkuyuya Galilee-na wänaju. Yo, ḷunhayana nhuma ḷuli ḷarrana nhäjuya."^{*}

²⁹ Ga ḷayiya Peter-ya waŋana bitjayana, "Narraya yurru nhuna yaka gunha'yun, marrkapmi, gunha waray yurru wayatja nhuna gunha'yun, yurru ḷarraya yaka."

³⁰ Ga ḷayi Djesuya waŋana bitjaya, "Näku ḷarrana latju'kuŋu Peter. Dhiyanu bala munhaku, yalala, nhe yurru ḷarraku dhumbal'yun dämbu-łurrkun'mi, ga yurruna ḷayi yurru ḷunhi wäyindja džilawurrya ḷäthi dämbu-bulal'mi."

* 14:24 Exodus 24:8, Jeremiah 31:31-34 ** 14:27 Zechariah 13:7 *** 14:28 Matthew 28:16

31 Ga ɳayi Peter-ya wirrkina waŋana bitjayana, "Yaka dhuwaya ɳarraya yurru ɳhuŋu dhumbal'yun, gunhayi ɳunhi ɳarra yurru rakunydhiya!"

Ga waya ɳunhi wiripuya ɻundi'minu waya ga bitjaya bili waŋana rrambanji yana dhäruk.

Djesu gurrana bukumiyanaya ɳunhaya Gethsemane

(Matthew 26:36-46, Luke 22:39-46)

32 Ga ɳunhi Djesu ga ɻundi'minu waya nhannju bunana ɳunhaya Gethsemane wäŋanu, ɳaynu ɳayi Djesuya waŋana, "Dhiya waya däpthu, ɳarra yurru bukumiyama God-Waŋarrwaya," bitjaya.

33-34 ɳaynu ɳayi garr'yuna Peter-na ga James-na ga John-na, ɳaynu marrtjina bitjayana bala. Ga gurriri märr waya ɳunhi marrtjinaya, ga bulu ɳayi waŋana wayanju, "Waya, ɳayaŋuya ɳarraku dhuwaya wirrkina yana ɳonuŋdhina bitjan ɳarra yurru dhuwaya rakunydhina. Dhiya waya däpthu, yurru djäka yukturri yulŋuya," bitjaya.

35-36 Ga marrtjina ɳayi märr gurriri, ɳaynu yana gutjparryun-minana munatha'yina ɳaynu bukumiyanayana, "Bäpa ɳarraku marrkapmi, yakana dhuwaya ɳhuŋuya gumurr-däl ɳula nhäku malanyuwu djämawu. Bäpa', duktuk ɳarra dhuwaya nhe yurru yarrkmama dhuwaya mari ɳarraku. Yurru ɳarrapiya gurra dhuwaya ɳhuŋuwaynha yana djälwuya malthun, yakana ɳarrakuwaya ɳarra," bitjaya ɳayi gurrana bukumiyanayatja.

37 Ga roŋiyina ɳayi ɳaynu lundi'minuwu wayanju bunana ga malŋ'maŋaya wayana gayŋimina. Ga dhirr'yuna ɳayi wayana, ɳaynu ɳayi Peter-wayatja waŋana bitjayana, "Wäy,[†] nhattjan nhumaya gurra dhuwaya, gayŋithi yana? Yakana nhuma yurru dhuwaya märr ɳula gurriri bira'yun?" 38 Djäka waya nhumanjuway, ga bukumiyanu waya God-Waŋarrwaya märr nhumana yurru ɳula nhäyuya mulka, nhumaya yurru ɳunhi dhärra dälñha yana. Linyu ɳayaŋuya ɳhuŋu gurra dhuwayi djälmiyi nhe yurru dhärra däl yana, yurru rumbalya ɳhuŋu dhuwayi ganydjarrmirewnha yalŋgi'yinana," bitjaya.*

39 Ga bulu ɳayi Djesu marrtjina buku-ŋal'yunawu, ga bitjaya bili ɳayi bukumiyanaya balanya bili yana dhäruk. 40 Ga gaŋgathina ɳayi, ga roŋiyina beŋu bukumiyanhaŋu ga malŋ'maŋaya wayana yakurrmina yana, bathalayuna wayana yakurryu bilkthuna. Ga ɳunhi waya durryunaya bala goranana, ga yakana waya ɳula buku-roŋinyamaŋaya nhaniŋu.

41 Ga bulu ɳayi dämbu-ɻurrikun'mi roŋiyina bukumiyanhaŋu. Ga ɳunhi ɳayi roŋiyinaya ɳaynu waŋana ɳayi bitjayana, "Linyguna yakurrŋuya waya gulyuna! Waluya dhuwaya galkithinana, ɳayi yurru ɳuriŋiya yolŋuyu goŋ-wekamana ɳunhi Yuwalkŋunaya Wal'ŋu Yolŋuna yätjkayana yolŋuwaya wayangaya. 42 Ma'! Gaŋgathina waya ɳilimu marrtjina. Nhäjuna waya, dhuwanna ɳayi ɳunhiyiyi yolŋu ɳunhi ɳayi gunja'yuna wayana mulkanhawu ɳarraku."

Djesunaya waya mulkanana

(Matthew 26:47-56, Luke 22:47-53, John 18:3-12)

43 Ga ɳurruŋu-dalkarrami mala ga rom-marŋgikunhami ga Jew-wu ɳurru-warřyunami mala waya djuy'yuna yolŋuna wayana ɳapawu

* 14:37 Peter ɳunhi wiripuya yäku Simon. † 14:38 1 Corinthians 10:13

Judas-ku malthuna. Ga ɳayi ɳunhi Djesuya baðak yana waŋjana gurrana, ɳaynu ɳayi Judas-tja bunana wayanju ga mala nhanju. Ga marrtjinaya waya gurrana malkarrmi, gon garami, ga gon birku'mi, mulkanhawu nhanju Djesuwu. ⁴⁴ Ga bili ɳayi ɳunhi Judas-thuya lakanjaya bitjaya, "Nunhi yolnha ɳarra yurru burumun' walkuma ɳunhina yolŋunaya nhuma yurru mulka'."

⁴⁵ Ga ɳunhi waya bunanaya ɳaynu ɳayi Judas-tja marrtjina Djesuwayana ɳaynu waŋjana bitjayana, "Marŋgikunhami," bitjana, ɳaynu walkuŋayana ɳanya, ga maŋutji-wekaŋayana ɳanya ɳunhi yolnha waya yurru mulka'. ⁴⁶ ɳaynu waya wiripuya yolŋu mala galkithinana mulkanhawuna nhanju Djesuwu.

⁴⁷ Ga ɳunhi waŋganydhuya Djesuwaya lundi'miŋyu yiki'na dhawaŋmaŋaya ɳaynu yana buthuruna gulkthuna, liya-ɳärra'miwuna djämamina. ⁴⁸ ɳaynu ɳayi Djesuya waŋjana ɳuriki yolŋuwu wayanju bitjayana, "Nhäku nhuma liliya marrtjina malkarrmiya? Yaka ɳarra dhuwaya maðakarritj yolŋu. ⁴⁹ Narraya gurrana bitjaya bili waluŋupaya marŋgikuŋaya yolŋuna wayana ɳunhaya God-Wanjarrwaya Dhuyunu Buŋbuŋu, ga yaka warray nhumaya ɳarrana balanyamiyuya mulkana... yurru dhuwanna nhumaŋgu waluya. Yo, bitjan ga yana ɳayi gurra ɳunha wukirriwuya dhärra ɳäthiliŋuya God-Wanjarrwaya Djorra'ŋu."*

⁵⁰ ɳaynu ɳunhi Djesuwuya lundi'miŋu waya biyaniyinana ɳaynu waya waŋdi'waŋdinana, ɳunhaya ɳanyaya ɳunhimana.

⁵¹ Ga ɳunhayayi gurrana gurrmulyu darramuyu guyurr-ŋupaya Djesuna, ga bilkthunminaya ɳayi ɳunhi galiku'yu. Ga bitjaya bili waya ɳanyaya mulkana. ⁵² Yurru waya ɳanya badatjuna ga mulkanaya waya nhanju ɳunhi galiku'na. Ga ɳayipiya gurrana waŋdina wäŋayina girri'miriwnha, bili ɳayi ɳunhi biyaniyina wirrkina.

*Djesuna waya gäŋaya ɳärra'yi Jew-waya ɳalapalmiwaya
(Matthew 26:57-68, Luke 22:54-55,63-71, John 18:13-14,19-24)*

⁵³ ɳaynu waya ɳunhi gäŋayana Djesunaya ɳaynu liya-ɳärra'miwayana wäŋayi. Ga ɳunhaya ɳunhi ɳalapalmiya yolŋu waya gurrana nhinana bukmak yana, ɳurruŋu-dalkarrami mala ga rom-marŋgikunhami waya ga Jew-wu ɳurru-warryunami mala.

⁵⁴ Ga ɳunhi waya Djesuna gäŋaya, ga ɳayiya gurrana Peter-ya malthuna bala, ɳaynu liya-ɳärra'miwaya wäŋayi, yurru djułul'yuna ɳayi gurrana marrtjinaya bala. Ga gulŋiyina waya rrampaŋi ɳaynu, bala ɳayi malayina gärrina wayanjaya ɻap-tapkayana miʈṭiyi waya marrtjina ɻäpthuna lithaya gurthaŋu.

⁵⁵ Ga ɳunhaya ɳunhi djinawa' buŋbuŋu waya ɳunhi ɳurruŋu-dalkarramiya wayay gurrana dhäwu'na malŋ'manjaya Djesuwa laŋuwuynha märr waya yurru djarrma-gäma ɳanya yätjpuw djämapuy. Yurru yaka waya ɳunhi malŋ'manjaya ɳula nhä yatj nhanukaya. ⁵⁶ Yo, gulku'na yolŋuna waya ɳäthhuna mäkiri'-marŋgimina märr waya yurru nyäl'nha dhäwu' nhanukalaŋuwuy lakama, ga dhäwu'ya mala wayanju ɳunhi barrkuwatjthinana.

⁵⁷ Yo, ga wiripu-gulku' yolŋu waya ɳunhi mäkiri'-marŋgimi gaŋgathina bala gurrana nyäl'nha dhäwu' lakanjaya ⁵⁸ bitjaya, "Dhuwanaya ɳanapu yolŋuna ɳäma ɳayi bitjan waŋa, 'Dhuwaya

* 14:49 Luke 19:47, 21:37

ŋarra yurru ɖaw'mamana God-Waŋarrwuya Dhuyuya Buŋbu yolŋuwuŋuya goŋbuy dhu'l'yunaya. Ga lurrkun'thu waluyu wiripuna ɳuli buŋbu ɳal'yu, ga ɳunhiya yakana yolŋuwuŋu gonbuy.'”⁵⁹ Ga dhäwu'ya waya gurrana ɳunhi lakanjaya yaka dhunupaya.

⁶⁰ Nayŋu ɳayi ɳunhi liya-ɳärra'miya yolŋu gaŋgathinana gu-murrŋu yolŋuwaya wayaŋgaya ɳayŋu waŋana Djesuwuya bitjayana, “Dhuwaya gurrana yolŋuyu wayay lakanjaya be nhe yätj djäma. Nämä ga nhe gurra wayana yulŋuya? Nhäku nhe gurra dhuwaya mukthundja nhina?”

⁶¹ Yurru ɳayi Djesuya yakana buku-roŋinymaŋaya. Mukthunana ɳayi gurrana nhinana. ɳayŋu ɳayi ɳunhi liya-ɳärra'miya waŋana bitjayana, “Ma', lakanjuna ɳanapuŋgu. Nheya dhuwaya ɳunhi Maŋutji-lakanhawuy yolŋu ɳeniya... God-Waŋarrwu gäthu'miŋu?”

⁶² Ga ɳayi Djesuya waŋana bitjayana, “Yo, ɳarraŋga dhuwaya. Ga yalalaya nhuma yurru ɳarrana Yuwalkŋunaya Wal'ŋu Yolŋuna nhäma, ɳarra yurru gurra nhina ganydjarrmina, dhunupa'ŋumina God-Waŋarrwayana gali'ŋu ɳunhaya djiwarr'ŋuna. Ga roŋiyi ɳarra ɳuli lili djiwarr'ŋuyu waŋupini'yu. Balanyamiyuna nhuma yurru ɳarrana nhämaya.”⁶⁰

⁶³⁻⁶⁴ Nayŋu ɳayi ɳunhi liya-ɳärra'miya yolŋu wirrkina madakarritjthina, bala marrtjina girri'na nhanŋuway ɳayi barr'parrmaŋaya, ga waŋana ɳayi yätjkunayana bitjaya, “Linyguna ɳilimu dhuwaya ɳäkuyana ɳanya dhärukta bukmakthu waŋanhaya, ɳunhi ɳayi wanaŋgunhamina wanana yana beni ɳayi God-Waŋarrnha. Yakana ɳilimu yurru buluya mäkiri'-marnŋimiwuŋuya dhäwu' ɳämä. Nhattjana nhumaya gurra guyanji ɳe?” bitjaya.

Ga waya ɳunhi bukmaknha yolŋuya waya yoranayana yana bitjayana, “Yo, baymatthuna ɳanya murrkay'kuŋuna.”⁶¹

⁶⁵ Nayŋu marrtjina ɳunhi wiripuyuya yolŋuy wayay Djesunaya dhupthunana. Ga garrwi'yuna waya ɳanya maŋutji galiku'yu bala gurrana bartjunmaŋayana, ga waŋana waya bitjaya, “Ma', ɳuli nhe God-Waŋarrwuya yolŋu, lakanju mak, yolthu nhuna wutthunaya?” Nayŋu ɳunhi däptapthuya wayay Djesunaya djaw'yunana, bala gurrana baymatthunana ɳanya.

*Peter buku-lurrkun'mi dhumbal'yuna Djesuwu
(Matthew 26:69-75, Luke 22:56-62, John 18:15-18,25-27)*

⁶⁶⁻⁶⁷ Ga balanyamiyu ɳayiya gurrana ɳunhi Peter-ya bädak yana nhinana lithaya. Ga ɳunhaya liya-ɳärra'miwaya buŋbuŋu djämamiyu miyalkthu nhänjaya Peter-na ɳunhamayi bala waŋanana bitjayana, “Nheya dhuwaya Djesuwu luŋdu'miŋu ɳeniya?... ɳuriki yolŋuwu wäŋa Nazareth-puŋjuwu?”

⁶⁸ Ga ɳayi Peter-ya dhumbal'yuna bitjaya, “Yaka dhuwayitja dhunupa. Yaka dhuwaya ɳarra marnŋi nhäku nhe gurra dhuwaya waŋa.” Nayŋu yana ɳayi Peter-ya walmanana warraŋulyina, [ga dhunupana yana ɳunhi djiɬawurrya ɳäthinana.]‡

* 14:58 John 2:19 * 14:62 Daniel 7:13 * 14:63-64 Leviticus 24:16 † 14:68 Njuna Greekŋuya dhärukŋu lurrkun'ŋu djourra'ŋu gurra yaka dhäwu' bitjan djingaryun barrakitmi.

⁶⁹ Ga bulu ɳayi ɳuriŋi djämamiyu miyalkthu Peter-na nhäñjaya, ga waŋjana ɳayi yolŋu'yulŋjuna wayana ɳunhi marrtjina dhärra-dharrana bitjaya, "Dhuwayatja yolŋu Djesuwu yana lundai'minu."

⁷⁰ Ga ɳayi Peter-ya waŋjana, "Yaka!... yaka ɳarraya!"

Ga yaka wiyindja ga wiripuyu yolŋuyu ɳanya waŋjana bitjaya, "Nhepi yana dhuwaya, dhuwaya nhe wäŋa Galilee-puy."

⁷¹ Nayŋu ɳayi ɳunhi Peter-ya wirrkina galŋa-yätjthina bala ɳayi waŋjana bitjayana, "Yaka, yaka ɳarraya dhuwaya marŋgi. God-Waŋjarr dhuwaya ɳarrakuya marŋgi, ga ɳunhi ɳarra gurra nyäl'yundja, ɳayiya yurru ɳarrana God-Waŋarryuya dhä-dir'yuna."

⁷² Ga dhunupa yana ɳunhi djilawurrya ɳäthinana, ɳunhiya dämbu-bulal'mina. Nayŋu ɳayi Peter-yuya guyanjinana ɳunhi nhattjaya nhanukaya Djesu waŋjana bitjaya, "Yurruna ɳayi yurru ɳunhi djilawurrya ɳäthi dämbu-bulal'mi, nheya ɳarraku yurru märr-dhumbal'yun dämbu-lurrikun'mi."

Nayŋu yana ɳayi Peter-ya ɳäthinana wirrkina dhika mur-ryu'murryunana.

15

Djesuna waya gäñjaya Roman-buŋjuwaya bungawaya yäkuwaya Pilate-kaya

(Matthew 27:1-2,11-14, Luke 23:1-5, John 18:28-38)

¹ Ga munhayuna waluyu Nayŋu waya ɳunhi Jew-wuya ɳalapałmi luŋ'thunana ɳayŋu yoranhamina nhanŋu Djesuwuya baymatthu-nawuna rakunygunhawuna. Nayŋu waya gärrwi'yuna ɳanya ɳarambiyana bala gäñjayan waya ɳuriŋi ɳalapałmiyu ɳayŋuna nhanukaya Pilate-kayana ɳunhi ɳayi Roman-buŋjuwu gapmangu buŋgawa. Ga waŋjana waya Pilate-na ɳayi yurru ɳanya dhä-wirrka'yun. ² Nayŋu ɳayi Pilate-thuya dhä-wirrka'yunana ɳanya, "Nhe dhuwaya buŋgawa Jew-wuya yolŋuwu wayaŋgu?"

Ga ɳayi Djesuya buku-ronjinymanjaya bitjaya, "Dhuwayina linygu yana dhärukta."

³ Ga waya ɳunhi Jewyu ɳurruŋu-dalkarramiyu wayay lakanaya gurrana Pilate-kaya bitjayana, "Dhiyanuya yolŋuy gurrana warkthuna yätjnhä wirrkina rom malanyinha."

⁴ Nayŋu ɳayi Pilate-tja bitjayana nhanŋu waŋjana, "Näma ga nhe gurra yulŋuya? Nunha waya gurra nhuna lakama be yätjpuyu djämmapuy. Yakana nhe yurru dhuwaya ɳula waŋjaya?"

⁵ Yurru ɳayi Djesuya yakana waŋjana, bala gurrana ɳunhi Pilate-tja maŋmaŋdhunana nhanŋu.

Pilate-tja yoranjayan Djesuwu rakunygunhawuna

(Matthew 27:15-26, Luke 23:13-25, John 18:39—19:16)

⁶ Yo, bitjana linygu dhuŋgarra-ŋupana waya ɳuli ɳunhi Jew-ya bëpurru' yolŋu mala wanjangy-manapanminya wanjangygu romgu yäkuwu Läy-djulkthunamiwu Waluwu. Ga bitjana linygu ɳayi ɳuli Roman-buŋjuwu gapmandhu dhawatmanha wanjanynha yolŋuna lolunu, yolku waya ɳuli Jew-yu ɳäñ'thuna. ⁷ Yo, ga balanyamiyu gurrana yolŋu yäku Barabbas gärrina ga mala nhanŋu bili waya ɳuli gurrana mari-djäma Roman-buŋjuwu gapmangu malawu. Ga wiripunaya wayana yolŋuna Barabbas-thu ga malayu nhanukaya bili

baymatthuna rakunyguṇaya. ⁸ Manymak, waya ɳunhi Jew-ya mala yolŋu marrtjinana bala ɳāŋ'thuna Pilate-na waŋganyguna yolŋuwu dhawat̄manhawu, bitjana ɳayi ɳuli Pilate-thu ɳāthiyi warkthuna dhungarra-ɳupana.

⁹ Naynu ɳayi Pilate-tja waŋana bitjayana, “Yolnha ɳarra yurru dhawat̄mamaya? Nhāmi warray dhuwayatja ɳunhi Jew-wuya yindiya buŋgawa?” ¹⁰ Yurru ɳayi ɳunhi Pilate-tja ɳāthiyi yana marnjithina ɳunhi waya ɳurruŋu-dalkarramiyu wayay gāŋjaya ɳanya Djesuna ɳaynu nhanukaya bili waya gurrana ɳunhi wirrkina yana maŋutji-diy'yunaya ɳanya.

¹¹ Yurru waya ɳunhi ɳurruŋu-dalkarramiyu wayay gurrana gur'kuryuna yolŋuna wayana mārr waya yurru Pilate-na ɳāŋ'thun Barabbas-kuna dhawat̄manhawu.

¹² Ga bulu ɳayi Pilate-thu dhä-wirrka'yuna ɳunhi yolŋuna wayana, “Nhattjan ɳarra yurru dhuwaya yolŋunaya, be nhuma ɳuli gurra lakama be ɳayi dhuwaya yindi buŋgawa Jew-wu yolŋuwu wayanju?”

¹³ Ga wayatja bukmaknha yana waŋana yatjunmina bitjayana, “Baymatthuna ɳanya rakunyguṇuna yana! Dhul'yuna ɳanya dharpayinal!”

¹⁴ Ga ɳayi Pilate-tja waŋana, “Nhä yulŋuya? Nhä ɳayi nhumanju yätjtja warkthuna?”

Yurru wayatja ɳunhi wirrkina yana yatjunmina waŋana, “Baymatthuna ɳanya rakunyguṇuna yana, dhul'yuna biyakuna dharpayina!”

¹⁵ Naynu ɳayi Pilate-tja yoranjayana wayanju, djälwuna malthuna. Naynu yana ɳayi Barabbas-nhaya dhawat̄maŋayana. Ga waŋana ɳayi Roman-buyŋuwuya miriŋuwu wayanju bartjunmanhawuna nhanju Djesuwu.* Ga ɳunhi waya nhanukaya bartjunmanhaŋuya goŋ-dhawar'yuna bala ɳayi Pilate-tja bitjayana waŋana miriŋuwayatja, “Gatjuy ɳätthuna waya ɳanya ɳaynu dhul'yuna ɳanya dharpayina ɳaynu gunha'yuna ɳunhimana, gunha ɳayi yurru rakunydh.”

*Miriŋuyu wayay gurrana warku'yuna Djesuna
(Matthew 27:27-31, John 19:2-3)*

¹⁶ Ga beŋuya dhurrwaranu ɳaynu ɳunhi miriŋuyu wayay gurrana gāŋjaya Djesunaya dhawat̄maŋayana ɳaynu wiripuyina wäŋayi.† Ga wäthuna waya gurrana wiripuŋuwu miriŋuwu wayanju mārr yurru waya miṭṭjina dhaŋan'dhi, ga gułku'na ɳunhi wirrkina miriŋuya, ɳunhi gurrana dhawat̄thuna ɳaynuyi. ¹⁷ Ga nhirraya waya nhanukaya djaka' wiyin miku girri' bitjan yindiwuna buŋgawawu. Ga ɳal'maŋaya waya dirriṭirri ɳaynu dhoṭkuŋaya, djongu'yi djäma, ɳaynu yana ɳin'thunmaŋayana nhanukaya mulkurryina.

¹⁸ Naynu waya gurrana ɳanya warku'yunana bitjayana, “Dhuwana ɳayi yindiya buŋgawa Jew-wu malawu!” bitjaya. ¹⁹ Naynu waya gurrana mulkurrnha ɳanya wutthuna dharpayuna, ga dhupthuna waya ɳanya ɳaynu warku'yunana, bun'kumu-djipthuna nhanju

* **15:15** Roman-buyu miriŋu wayay gurrana baki barrwan wäyinnha, bala raki'kuŋayana djäma. Naynu waya ɳuli ɳunhima raki'yiya garrwi'yuna ɳarakka mala djinbulkmina wo lätuŋnha mala. Ga ɳunhi waya ɳuli gurrana yolŋunhaya ɳuli bartjunmanha, ɳunhi ɳuli yolŋuwuya galŋa rumbalŋuya lap'lapthunana. † **15:16** Ga ɳunhiya gurrana godu wäŋa djingaryuna ɳurikina ɳunhi miriŋuwuna wayanju, ɳunhayana ɳunhi nhanukayana Roman-buyŋuwuya gapmangaya wäŋanju. Ga Latin-guyu waya ɳunhi yäku ga 'praetorium'.

ga buku-ŋjal'yuna manapaya. 20 Ga ŋunhi waya warku'yunaŋuya dhawar'yuna, bala waya yupmaŋayana nhanukaya miny'tjimiya girri' ŋayŋu nherra'ya nhanŋuwaynha girri'. Ŋayŋu ŋanya miriŋuyuya wayay gäŋayana dhawaŋmaŋayana dhul'yunawuna dharpayina mälakmanhayina.

*Djesuna waya dhul'yuna dharpayina
(Matthew 27:32-44, Luke 23:26-43, John 19:17-27)*

21 Ga ŋunhi waya marrtjina gumurr-duwaŋthunaya beŋuya Jerusalem-ŋuya ŋayŋu waya gandarrŋuya malŋ'maŋaya yolŋuna yäkuna Simon-na wäŋja Cyrene-buyŋuna. Ga bäpa'minu ŋayi ŋunhi mandaku Alexander-wu ga Rufus-ku. Ŋayŋu yana waya ŋanya waŋjana warryunawuna ŋurikina Djesuwalanjuwuna dharpayu.^{*} 22 Ŋayŋu waya marrtjinana ŋunhimana wäŋayi yäkuyi Golgotha-yi, mayali', 'Mułkurr Njaraka Wäŋja.' 23 Ga ŋunhayatja waya Djesuna wekaŋjaya wiyika' borumnhä godü-manapanaya mirritjinmi' yäku merr, märr yurru ŋurinjiya ŋayamunuŋ'kumana ŋanya rumbalnha. Yurru ŋayipiya ŋunhi Djesuyuya yaka wulkthuna ŋunhi borum wiyika'. 24-25 Ŋayŋu waya ŋanya Djesunaya dhul'yunana dharpayina. Ŋayŋu duwukthunana ŋunhi dharpayia, bala djingarmaŋjaya ŋunjhiyi. Ga waluya ŋunhi godarr'mi yana. Ŋayŋu gurrana ŋunhi miriŋuya waya ŋala'yunana dopulu'na girri'wuna nhanukalaŋwu.[†] 26 Ŋayŋu waya dhäruknhä wukirri ŋaramurruyä märryu ŋunhi nhäpuy waya ŋanya dhä-dir'yuna, ŋayŋu dhul'yuna dharpayina, ŋunhi Djesu gurrana ŋal'yuna. Ga bitjaya gurrana ŋunhi wanjanaya:

"Dhuwayatja Yindina Buŋgawa Jew-wu malawu yolŋuwu"

27 Ga bitjaya linygu waya ŋunhi manangana darramuna mandana ŋal'maŋjaya, waŋganynhaya waya dhul'yuna dhunupa'ŋuyi gali'yi Djesuwaya, ga wiripunaya dhul'yuna win'kuyi gali'yi. 28 [Dhuwayatja dhäruk balanyawuŋhā wukirriwuy God-Waŋarrwayana Dhuyuŋu Djorra'ŋu balanyanha gam', "Nunhi waya bitjayanaya ŋanya lakanjaya, yana beni ŋayiya yätjnhä, rommiriwnha yolŋu."][‡] ^{*}

29 Ga ŋunhi gurrana yolŋu waya marrtjina djulkthunmina, ga dawaðawa'yuna waya gurrana, warku'yuna manapaya ŋanya. Ga bitjana nhanŋu waŋjana, "Wäy, beŋga nheya yurru dhuwaya daw'yun ŋunhi God-Waŋarrwu Dhuyu Buŋbu, ga bulu nhe yurru be dhul'yun lurruk'n'thu waluyu?"^{*} 30 Go, mak birrka'yunmina nhunapinya nhe ga yupthuna dhipuŋuya dharpaŋjaya, märr ŋanapu yurru nhäma bala märr-yuwalkthina nhunuŋu, ŋuli nhe God-Waŋarrwuya be gäthu'minu?"

31 Ga bitjana linygu waya gurrana ŋunhi ŋurruŋu-dalkarramiyuya ga rom-marŋgikunhamiyuya yolŋuyu wayay warku'yuna ŋanya Djesuna. Ga bitjaya waya gurrana waŋjana gam', "Way, dhuwaya ŋayi gurrana ŋunha wiripuna yolŋuna wayana walŋakunjaya... ga yakana ŋayi yurru dhuwaya ŋanyakinyawuya walŋakunhami?" 32 Dhuwaya ŋayi 'Maŋutji-lakanhawuy yolŋu' be God-Waŋarrwuŋuna djuy'yunaya ŋäthiliŋuna. Ga wiripuŋuya yolŋuyu wayay gurrana lakanjaya be ŋayi

^{*} 15:21 Romans 16:13 ^{*} 15:24-25 Psalms 22:19 [†] 15:28 Näthiliŋuwuyyu ŋunhi Greek-kuyu dhärukkyu waya yaka dhuwaya dhäwu' wukirri dhiyalami number-ŋu 28-ŋu.

^{*} 15:28 Isaiah 53:12 ^{*} 15:29 Psalms 22:8, 109:25, Mark 14:58, John 2:19

dhuwaya Yindi Buŋgawa Jew-wu malawu. Ga ɻunhi yuwalktja, ɻayiya yurru yupthuna dharpaŋuya märr ɻilimyurrnu nhäma ɻayju märr-yuwalkthina.”

Ga bulal' darramu maŋda gurrana ɻunhaya ɻal'yuna rrambanji waya Djesu. Ga bitjana bili maŋda gurrana ɻanya warku'yuna.

Garray Djesuya rakunydhinana

(Matthew 27:45-56, Luke 23:44-49, John 19:28-30)

³³ Ga ɻaykun'tja ɻunhi dämbuyuna waluyu, ga munhayuya ɻunhi bilkthuna warrpam'nha ɻunhiyi ɻarakaya wäŋa, bitjayana bitjan ɻuli munhakuyinana. Ga munygunjayana ɻunhi munhayuna yana bili-i-i ga läy-wilyunayu. ³⁴ ɻayju ɻayi ɻunhayatja Djesuya yatjunana dhärukuyuna nhanukaya Aramaic-kuyu bitjayana, “*Eloi, Eloi, lema sabachthani?*” (mayali', “God-Wanjarr ɻarraku, God-Wanjarr ɻarraku, nhäku nhe ɻarrana gunha'yunaya?”)*

³⁵ Ga ɻunhaya gurrana yolju waya djinga'djingaryuna, ga ɻäkuya waya ɻunhi Djesuna yatjunaya. ɻayju waya bitjayana waŋana, “Way ɻäku waya! ɻunhaya ɻayi gurra Elijah-wuna gawaw'yun.” ³⁶ ɻayju ɻayi waŋganydja yolju waŋdina bala yalŋgi galiku' ɻätthuna ɻayju borumiyyina wiyika'yi lüpmaŋaya. Ga mam'thunmaŋaya ɻayi dharpayina ɻayju marrtjina garrwarkuŋayana Djesuwayana, märr ɻayi yurru wulkthun ɻunhiyi wiyika' borum. ɻayju ɻayi bitjana waŋana, “Bulnha ɻäthiyi ɻilimyurrnu galkun ɻe!, ɻayi ɻuli Elijah-na yarrupthu gunja'yunawuna nhanju.”*

³⁷ ɻayju ɻayi Djesuya wirrkina yatjuna, bala yana rakunydhinana.

³⁸ Ga balanyamiyu linygu ɻunhaya Jerusalem-dja ɻayiya ɻunhi galiku'ya God-Wanjarrwayatja Dhuyunu Buŋbuŋu ɻunhi gurrana galmuŋaya ɻunha dhuyuya godu yolŋuwaya, ɻunhiyiya barr'yunana, beŋu bili bukuŋu ga yana bili ɻoyyi.*

³⁹ Ga ɻunhaya Golgotha-ŋu wäŋaŋu gurrana yolju djingaryuna, ɻurru-warriyunayu miriŋuwu wayaŋgu, ga nhäŋaya ɻayi gurrana ɻanya Djesuna beŋu ɻoyŋu dharpaŋu ɻunhi ɻayi milmay rakunydhina. ɻayju ɻayi waŋanana, “Nhäna way! Yuwalk yana dhuwayatja yolju God-Wanjarrwu Gäthu'miŋu, ɻeniyia?” bitjaya.

⁴⁰⁻⁴¹ Ga ɻunhaya gurrana miyalk mala dhärra'dharrana, yurru märr barrku. Ga ɻunhiyi miyalk waya ɻuli Djesuwayana malthuna, ga gunja'yuna ɻanya ɻuli ɻunhaya Galilee.§ Ga dhuwaya waya ɻunhi yulŋuya gam': Mary Magdalene, Salome, ga wiripu Mary, ɻäŋdi'miŋu maŋdaku gurrmulwu maŋdaku Simon-gu ga Joseph-ku, ga gulku' ɻunhi wiripu miyalk mala ɻunhi waya ɻapawu malthuna nhanju Djesuwayana bala Jerusalem-dhi.*

Joseph-thu gäŋaya rumbal Djesuna mathirrayina

(Matthew 27:57-61, Luke 23:50-56, John 19:38-42)

⁴²⁻⁴³ Yo, ga rakunydhinaya ɻayi ɻunhi Djesuya waluyu Friday läy-wilyunayu. Ga beŋu dhurrwaranju ɻayju ɻayi Joseph-thuya birrka'yuna ɻunhi ɻayi yurru Djesuwayana rumbal yupmamana beŋu dharpaŋuya. Ga yolŋuya ɻayi ɻunhi wäŋa Arimathea-buy, ga

* **15:34** Psalms 22:2 * **15:36** Psalms 69:22 * **15:38** Exodus 26:31-33 § **15:40-41** Wiripuŋu djorra'ŋu Greek-kuyu dhärukuyu gurra bitjan djingaryun 'Joses-ku ɻäŋdi'miŋu' ga bitjan wiripuya 'Joseph-ku ɻäŋdi'miŋu'. * **15:40-41** Luke 8:2-3

mittjiŋuya ɳayi ɳunhi Jew-waya ɳalapalmiwaya ɳärra'ŋu. Ga latju' ɳayi ɳunhi yolŋuya. Ga gatjpu'yuna ɳayi gurrana ɳunhi God-Waŋarrwalaŋuwuna romgu marrtjinyamanhawuna yana. Ga yurruna ɳunhi wiripuya yurru walu djadaw'yun ɳunhiya Jew-wuna bëpurru'wu Nhinanamina Walu, ɳayiya Joseph-tja gaŋgathina, bala yana marrtjinana ɳayaŋu-dälthinana Pilate-kayana bala waŋana, "Nhattjana ɳarra yurru Djesunaya rumbal ɳäththuna?"

⁴⁴ Nayŋu ɳayi ɳunhi Pilate-thuya ganyim'thunana ɳäkuya, bala bitjayana waŋana, "Nhä, linyaŋuna ɳayi rakunydhinaya?"

Nayŋu ɳayi dhäruk-ŋal'yuna ɳuriŋkaya miriŋuwaya märr ɳayi yurru marrtjina nhanŋu buna Pilate-ku, ga dhä-wirrka'yuna ɳanya bitjana, "Nhä, yuwalknha ɳayi rakunydhinaya?"

⁴⁵ Nayŋu ɳayi ɳunhi miriŋuwatja buŋgawayu lakaŋaya bitjayana, "Yuw, yuwalknha yana!" Nayŋu ɳayi Pilate-thuya dhayuŋayana Djesuna rumbal Joseph-kayana.

⁴⁶ Ga ɳayiya Joseph-thuya wuŋili'yuna manydjarrka'na rrupiya yindimina, ga ɳayŋuyi ɳayi roŋiyina Golgotha-yi Djesuwu rumbal-wuna ɳäththunawu beŋu dharpanjuna. Ga ɳuriŋina ɳayi galiku'yu ɳanya garrpiŋaya, bala waya gurrunhaya ɳanya mathirrayina, ɳunhima ɳunhi waya ɳäthiyi yana ɳangi'yuna ɳunhi gunda. Nayŋu waya bïlkthuna bathalayuna ɳundayu dhurrwaraya dhal'yuna.

⁴⁷ Ga maŋdaya ɳunhi Mary Magdalene-dja ga Mary Joseph-kuya ɳändi'miŋu maŋutji-marŋgina maŋda wanhamma waya Djesuna märrkitjkuŋaya.

16

Djesuya bulu walŋathina

(Matthew 28:1-8, Luke 24:1-12, John 20:1-10)

¹ Ga ɳunhi Jew-wu Nhinanhami Walu bilina dhawar'yuna ɳuruŋuŋnya yutuŋgurr-munhamiyuna. Ga beŋuya waya Mary Magdalene, ga Salome, ga Mary ɳunhi James-ku ɳändi'miŋu marrtjina buŋgan-latju' wuŋili'yuna märr waya yurru latju'kuma yana goŋ-ɳamathi nhanŋu rumbalwu. ² Ga Sunday-na marrtjina djadaw'yuna, ɳayŋu ɳunhi miyalk-tja waya marrtjinana ɳayŋuna mathirrayina. ³⁻⁴ Ga ɳunhi waya marrtjinaya bala dhukarr-ɳupaya, ɳayŋu waya waŋanhamina, "Yolthu ɳilimuŋgu yurru ɳunha ɳundaya gitmama dhurrwarauŋuya? Yindina ɳunha wirrkina yulŋuya."

Ga ɳunhi waya bunana ɳunhaya bala nhäŋayana ɳunhi ɳundaya, gali'ŋuna gurrana djingaryuna. ⁵ Ga gulŋiyina waya ɳunhima mathirrayi ɳayŋu nhäŋayana gurrmulnha darramuna girri' watharrmina dhika, nhinana gurrana. Ga wirrkina waya ganyim'thuna. ⁶ Ga bitjana ɳayi wayanju waŋana, "Yaka waya biyanŋyi. Dhuwaya nhuma gurra Djesuwu rumbalwuna larruma wäŋa-Nazareth-puyŋuwuna ɳunhi waya ɳanya buŋaya rakunyguŋaya. Linyaŋuna ɳanya ɳunhi God-Waŋarryuna walŋakunaya rakunyguŋaya, bäyŋuna ɳayi dhuwaya. Nhäŋuna waya, dhuwayatja dharapulnha ɳunhi waya märrkitjkuŋaya nhanukalaŋuwu lundu'miŋuwu wayanju märr waya yurru roŋiyi Galilee-yina makarryi. Ga biyaku lakaŋu ɳunhi ɳayiya yurru ɳäthiyina marrtji, ga ɳunhi waya yurru bunaya, ga ɳunhayana

waya yurru ɳanya malŋ'mamaya. Ga lakaŋu yana Peter-wuya. Yo, linygu ɳayi Djesuyu ɳunhi ɳäthiyi lakaŋaya wayanju," bitjaya ɳayi gurrmulya waŋana.[◊]

⁸ Ga nhäŋaya waya ɳunhi mathirraya dharapulnha ɳayŋu walmanana mathirraŋuya, bala ganydjarryuna yana marrtjinaya. Ga yakana waya ɳula yolku yolŋuwu dhäwu' lakaŋaya ɳula bala dhukarkuyu bili waya ɳunhi wirrkina biyaniyina.

*Garraya Djesuya milkunhamina Mary Magdalene-gaya **
(Matthew 28:9-10, John 20:11-18)

⁹ Ga Sunday-na godarr, djadaw'yunamiyuna waluyu ɳayi Djesuya milkunhamina Mary Magdalene-gu. Nurikayana ɳunhi miyalkaya ɳunhi ɳayi Djesuyu dhawaŋmaŋaya ɳäthiyi seven yätj birrimbirr mala. ¹⁰ Nayŋu yana ɳayi Mary-ya marrtjinana ɻuŋdu'miŋuwuna bunana, waya marrtjina ɳäthinyamina. ¹¹ Nayŋu ɳayi Mary-yuya wayanju lakaŋayana bitjayanu, "Wäy, Garraya dhuwaya bulu yawungu walŋathinya, ga linyguna dhuwaya ɳarraya ɳanya nhäŋayana."

Ga wayatja bitjaya waŋana bili waya märr-yulkthuna ɳanya, "Nhä nhina dhuwaya dhiyanuya lakama way!"

Djesu milkunhamina bulal'waya yolŋuwaya
(Luke 24:13-35)

¹² Ga bulu ɳayi Djesu milkunhamina bulal'wayana ɻuŋdu'miŋuwaya, ɳunhi maŋda marrtjina gurrana diltjikuyu. Ga wiripuŋuyinana ɳayi ɳunhi rumbalya maŋdakaya maŋutjiŋuya. Ga yurruna, maŋda ɳanya ɳunhi dharanayatja. ¹³ Nayŋu manda roŋiyina bala Jerusalem-dhi ga lakaŋaya guyurr'miŋuwu wayanju bitjayanu, "Way, ɳäku waya! Linyguna dhuwaya ɳaliya nhäŋayana ɳanya Djesuna ɳunhaya dhukarrŋuna!"

Yurru wayatja ɳunhi ɻuŋdu'miŋuya waya bitjaya waŋana, "Yaka maŋda nyäl'yuya."

Djesu milkunhamina guyurr'miŋuwuna wayanju
(Matthew 28:16-20, Luke 24:36-49, John 20:19-23, Acts 1:6-8)

¹⁴ Ga dhurrwaraŋu beŋuya ɳayŋu ɳayi Djesuya ɳanyapinyawuy ɳayi milkunhamina 11-kayana guyurr'miŋuwaya, waya marrtjina nhatha ɻukana. Nayŋu ɳayi ɳarrtjunana wayana bitjayanu, "Dhuwaya nhuma ɳayaŋu-dälm̄i yolŋu waya. Linygu gurra ɳunhi yolŋuyu wayay nhumaŋgaya lakama ɳunhi waya ɳarrana nhäŋaya wayanġgaya maŋutjiyu, yurru nhumaya yakana wayanju märr-yuwalkthina. Ga dhuwayatja ɳarrapina nhumaŋgu bunana. Yuwalk yana ɳarra ɳunhi rakunydhinaya, ga bulu ɳarra dhuwaya walŋathina.

[◊] **16:7** Matthew 26:32, Mark 14:28 * **16:8** Nunha ɳäthiliŋŋuya walŋu wukirriŋu ɳunhi Greekkayatja dhärukkuyu, Mark-kunu dhäwu' gurra dhawar'yun number 8-ŋu. Ga wiripuŋuya yolŋuyu wayay gurrana wukirri ɳunhiyi dhäwu' ga dhawar'mama waya wiripukumana waŋgandyja (Mark 16:9-ŋuyu ga bala 20-ŋi) märr gaŋga wiyin', ga wiripuya (Mark 16: 9-ŋuyu ga 10-dhi) märr dhumbulnha. Ga gadamanmiyu gurra lakama ɳunhi Markkuŋuya wukirriwuy dhawar'yunana. Ga yurruna ɳunhi wiripu-gulku'yuya wayay wukirri ɳunhi dhäwu'. Yurru rrambanji manda gurrana lakaŋaya Djesuwalanjuwuy walŋathinyawuy beŋu rakunyŋuyu ga lakama gurra ɳurikina yolŋuwu ɳunhi ɳayi gurra märr-yuwalkthina Djesuna, nhä ɳayi yurru gurra djäma.

15 Gatjuy marrtjina waya ga lakanjuna latju'ya dhäwu' ñarrakalañuwuy bukmakkuna yana yoljuwu wayanju, buku-liw'manjuna ñunha nhina marrtji wäyanju mittijinu.* 16 Ga ñunhi ñayi yurru ñula yol yolju märr-yuwalkthiya ñarrakuya, ga buku-lupthunamiya rom ñätthun, ñayiya yurru God-Waŋarryuya wayana walŋakumana. Ga ñunhi ñayi yurru ñuyulkthiya, yakaya ñarraku yurru märr-yuwalkthi, ñanyanaya ñunhinaya yoljuna yurru dhädir'yuna bala yurru dupthuna warraŋulyina djiwarr'ñuya. 17 Ga ñunhi yurru yolju waya gurra märr-yuwalkthiya, waya yurru gurra djämama ñayaŋju-ganyim'thunamina romdja malanyinha ñunhi yurru gurra ñuriŋiya maŋutji-lakama ñunha ñunhina God-Waŋarrwuna ganydjarr. Ga ñarranaya waya yurru gurra ñunhi yäkuya baki wakinŋumiwuna birrimbirrwu dhawatmanhawu. Ga waŋaya waya yurru gurra ñunhi wiripuna mulkuruna dhäruktja. 18 Ga ñuli waya yurru ñula bäpiya mulka', wo luka waya yurru botjin', wayatja yurru ñunhi yakana rirrikthun. Ga goŋ-ŋal'yun waya yurru rerrimiwaya yoljuwaya, ga wayatja yurru ñunhi yana walŋakumana."

Djesuya marrtjinana djiwarr'yina

(Luke 24:50-53, Acts 1:9-11)

19 Ga ñunhi ñayi gurrana Djesu waŋanaya lundu'minjuwayatja wayan̄gaya, ga dhawar'yunaya, ñayju ñayi God-Waŋarryuya ñätthunana ñanya ñayjuna djiwarr'yina. Ga ñunhana ñayi yuljuwa nhinana gurra God-Waŋarrwayana dhunupamiŋjuna gali'ŋu, märr manđa gurra ñunha rrambahina djämaya.*

20 Ñayju wayatja ñunhi guyurr'minjuwa wayay dhäruknha ñanya ñätthuna. Ñayju waya marrtjinana dhäwu'na ñunhi Djesuwaŋalauwuynha latju'na lakanjaya buku-liw'manjaya. Ga ñayiya God-Waŋarryuya gurrana wekanjaya wayanju ganydjarrnha märr waya yurru gurra djämama ñayaŋju-ganyim'thunamina rom, ñunhi ñayi Djesuyu wayanju lakanjaya. Ga gulku'na gurrana ñunhi yoljuwa waya märr-yuwalkthinaya Djesuwuya, linyu waya dharanjanana ñunhiya Latju'ya Dhäwu' yuwalknha yana.

Ga buluya wiripuyuna yoljuwu wukirri dhawar'manjaya ñunhiyi dhäwu' †

21 (9) Ga ñunhi waya ñunhi lurrkun' miyalk mala marrtjina bunana Peter-wu ga guyurr'minjuwu wayanju, bala waya lakanjaya wayanju ñunhiyi gurrmulnhana ñunhi ñayi gurrana waŋana wayanju ñunhaya mathirraju. 22 (10) Ga dhurrwaraŋu beŋuya bala ñayi Djesuya dhäruk-wekanhaminana nhanukalañuwu lundu'minjuwu wayanju waya yurru ñunhiya Latju'ya Dhäwu'

* 16:15 Acts 1:8 * 16:19 Acts 1:9-11 † 16:20 Ñunha ñäthiliŋjuwa wal'ŋu wukirriju ñunhi Greekkayatja dhärukkuyu, Mark-kunu dhäwu' gurra dhawar'yun number 8-ŋu. Ga wiripuyuya yoljuwu wayay gurrana wukirri ñunhiyi dhäwu' ga dhawar'mama waya wiripukumana wängandyja (Mark 16:9-ŋuju ga bala 20-ŋi) märr gaŋga wiyin', ga wiripuya (Mark 16: 9-ŋuju ga 10-dhi) märr dhumbulnha. Ga gadamanmiyu gurra lakama ñunhi Markkuŋuya wukirriwu dhawar'yunana. Ga yurruna ñunhi wiripu-gulku'yuya wayay wukirri ñunhi dhäwu'. Yurru rrambahi manđa gurrana lakanjaya Djesuwaŋalauwu walŋathinyawuy beŋu rakunyŋjuwa ga lakama gurra ñurikina yoljuwu ñunhi ñayi gurra märr-yuwalkthina Djesuna, nhä ñayi yurru gurra djäma.

nhanukalaŋuwuy ḥakamana marrtji buku-liw'mamana, dhiya mu-natha'ŋu wäŋaŋu. Dhiyanuya gurra dhäwu'yu ḥakama ŋunhi God-Wanjarryuya yurru walŋakumana yana yolŋuna wayana yätjŋu romŋuyu, märr waya yurru gurra nhina nhanukayana djiwarr'ŋuna walŋa-dhawar'yunamiriwnha.

Dhuwayatja Latju'na Dhäwu' yuwalknha yana. Ga dhiyakuna ŋurruwu ŋayi dhuwaya dhawar'yunamiriwyd dhäwu'.

¹ Yo. Dhuwaya djorra' ḥarrakuṇu Paul-wuṇu wukirriwyu, yurru nhumaŋgu dhuwaya yolŋuwu wayanju Garaywalaŋumiwu, ḥunhi nhuma gurra nhina dhuwayi wāŋanju Rome-ŋu. Ḫarraya dhuwaya nhanŋuwuy yana djämamiya Djesu-Christku yana. Nayi ḥarrana ḥunhi God-Waŋarryu märraŋaya bala nherraŋa ḥarrana ḥayi dhiyaku djämawuya, nhakuna ḥarra dhuwaya Djuy'yunawuy nhanukuṇu, märr ḥarra yurru ṥakama dhuwaya ḥunhi latju' dhäwu'.
² Yo, dhuwayi ḥarra ḥuli gurra dhäwu'ya ṥakama latju' yana, ḥunhi bili yana dhäwu ḥunhi ḥayi God-Waŋarryu dhawu'mirriyajaya lakaŋaya ḥäthiyi yana baman' nhanŋuwuy ḥayi djawarrkmiwaya wayangaya, bala waya marrtjina ḥunhi yäna wukirrina dhuyuyina djorra'yi.
³ Yurru ḥuruŋyi gurra dhäwu'yu latju'yu maŋutji-ṭakama ḥunhi nhanŋuwuy God-Waŋarrwu Gäthu'miŋuna, Garaynha Djesu-Christnha. Yo, Djesu ḥunhi yuwalk yana yolŋuya malŋ'thuna; dhawal-wuyaŋina ḥayi beŋu David-kaya yarraŋajaya.
⁴ Yurru birrimbirrya nhanŋu ḥunhi gänana ḫarrtjalknha. Ga ḥuriŋi birrimbirryu ḥayi ḥunhi milkunhamina ḥanyapinya ḥayi ganydarrya ḥunhi ḥayi Djesu bira'yuna beŋu rakunyŋu. Nhakuna ḥayiya ḥunhi yuwalknha God-Waŋarrwuna Gäthu'miŋu. Bala ḥilimū ḥuli bitjana ṥakama, "Djesu-Christtja Garay."

⁵ Yo. Nhuma marŋgi ḥunhi God-Waŋarrya bitjana bili mel-wuyuna ḥarraku. Nayi ḥarrana märraŋaya nhanŋuwuy ḥayi djämamina nhanukalaŋuwu Djesuwaŋalauwu dhäwu'wu. Yo, ḥayipi djuy'yuna ḥarrana bukmakku bapurru'wu märr waya yurru märr-yuwalkthiyi bala yana märramana ḥanya dhärukta ga malthuna nhanŋu. Ga balakuyuna waya yurru märr-yingathina nhanŋu yäkuwuya ga wok-thuna.
⁶ Ga wiripuya, ḥayi God-Waŋarr djäl nhumaŋgu nhuma yurru märr-yuwalkthiyi nhanŋu ga märramana ḥanya dhärukta. Nayi märraŋaya nhumana ga dhiyaŋu bala nhuma nhanŋuwayana Djesu-Christkuna.

⁷ Ḫarra gurra djuy'yun dhuwaya djorra' nhumaŋgu bukmakku yolŋuwu ḥunhi nhuma God-Waŋarrwu yolŋu'yulju ḥunhi nhuma gurra nhina wāŋanju Rome-ŋu. Yo, ḥayi God-Waŋarrya nhumalaŋgu märr-ŋamathina ga märraŋaya nhumana märr nhuma yurru malthun nhanŋu.

Dhuwaya ḥarra gurra buku-wekamana nhumana, märr ḥayi yurru God-Waŋarryu Bäpayu ḥilimunyu, ga Garay Djesu-Christthu, wekamana nhumaŋgu ḥunhi nhanŋuwuy ḥayi ḥayaŋu-wuyunami, ga mäwaya rom.

Paul-yu God-Waŋarrnha buku-wekama

Paul gives thanks to God

Romans 1:8-15

⁸ Yo. Ḫurruruŋya ḥarra nhumaŋgu yurru ṥakama dhuwaya gam', Ḫarraya ḥuli buku-wekama God-Waŋarrnha bukmakku yana nhumaŋguya, yurru nhanukiyingaya yäkuwuya Djesu-Christkalaŋuwu, bili bawalaminju wāŋanju yolŋuyu waya ḥuli ḥäma nhumana ḥunhi

nhuma bilina nhakuna märr-nherrañmi nhanukaya Garrawaya. 9-10 Narra ɳuli buku-wekama nhanukaya God-Wanjarrwaya bitjana bili, ga ɳäŋ'thuna ɳanya gunga'yunawu nhumaŋgu. Narraya nhumaŋgu dhuwaya ɻakama gurra yuwalk dhäwu'ya. God-Wanjarrnha ɳayipina ɳaraku marŋgi. Ga ɳarra ɳuli djäma bukmakthu ɳarrakiyngaya ɳarra ɳayaŋyu. Ga bitjana bili ɳarra ɳuli ɻakamaya Godkalaŋuwuy latju' dhäwu' ga Gäthu'minjuwaya nhanukalaŋuwuy. (10) Bawalami ɳarra ɳuli buku-wekama nhanukaya, ga ɳarra ɳuli wäŋa ɳanya God-Wanjarrnha ɳunhi ɳuli ɳayi djäl, ɳayi ɳarrana yurru djuy'yuna nhumaŋgaya märr ɳarra yurru nhumana nhämana. ¹¹ Yo. Baman' ɳarra galkuna. ɳarra djäl ɳarra yurru nhäma nhumana märr ɳarra yurru wekama munhdhurr ɳayaŋyu nhumaŋgu, märr nhuma yurru märramana ganydjarr God-Wanjarrwuŋu. ¹² Narraya dhuwaya djälthi ɳilimu yurru ɻalkunhami ga gunga'yunmi bala-lili. ɳarra yurru nhäma ɳunhi nhuma märr-yuwalkthiyi gurra Garrawyna, ga balanya bili, nhumaya yurru nhäma ɳarrakaya ɳunhi ɳarra gurra märr-yuwalkthiyi Garrawyna. Balakuya, ɳilimu yurru nhina gälŋadjuŋiyina.

¹³ Yo. Marrkapmi waya, yaka guyanji ɳarrana yätjkuŋu, yana be ɳarra nhumana menjumana. Bitjana bili ɳarra ɳuli guyanji marrtjinawu gumurr-withiyanhawu nhumangu, yurru bitjana bili, God-Wanjarryu ɳuli ɳarrana gulmaŋaya. ɳarra djäl ɳarra yurru marrtji nhumaŋgaya ga djäma, balanya bili nhakuna ɳarra ɳuli djäma bukmakju wäŋaŋu, märr yurru dhaŋan yolŋu waya malthun nhanju Djesuwuya. ¹⁴ Wirrka yana ɳarra dhuwaya djäl marnŋikunhawu ga ɻakanhawu bukmakku bapurru'wu, bili God-Wanjarryu ɳarrana ɳunhi djuy'yuna dhiyaku djämawu. Yo, bukmakku yana malawu ga dhärukkuya ɳarra yurru dhuwaya ɻakamaya, bili nhä mak waya yolŋu dhuŋami, wu mak waya marnŋimi.

¹⁵ Yo. Wirrki yana ɳarra djäl marrtjinyawuya dhipayi wäŋayi Romedhi, märr ɳarra yurru bitjana bili yana ɻakama ɳunhiyi latju' dhäwu nhumaŋgu bukmakku.

Dhäwu Djesuwalanjuwu ganydjarrmi

Jesus' story is powerful

Romans 1:16-17

¹⁶ Yo. Dhuwaya dhäwu ganydjarrmina. Bäyŋuna ɳarrapiya ɳuli gora dhiyakiyi dhäwu'wu ɻakanhawu. ɳarra yurru ɻakama yana Garrawa Djesunha ɳunhi ɳayi garathina dharpaŋu ga bulu ɳayi walŋathina rakunyŋu. Bili balakuyi dhäwu'wu ɳayi yurru ɳunhi God-Wanjarryu walŋakuma ɳula yolŋha yolŋuna ɳunhi ɳayi yurru märr-yuwalkthiyi ɳanya: Njurrŋuya Djuw malana ga beŋyui ɳayi yurru bulu walŋakuma ɳunhina wayana bapurru'na bukmakna ɳunhi waya yaka Jew mala. ¹⁷ Yo. Njuruŋiyi dhäwu'yu ɻakama gurra God-Wanjarrnha ɳurukiwy, ɳunhi nhaltjanna ɳayi ɳuli walŋakuma yolŋuna wayana. God-Wanjarryu yurru dhunupakuma ɳunhi yolŋuna ɳunhi ɳayi gurra märr-yuwalkthiyi yana Djesuwaya. Yo. God-Wanjarrwaya gurra djorra'yu ɻakama bitjana gam', "ɳayi ɳunhi God-Wanjarryu dhunupa gurra ɻakama ɳunhiyi yolŋuna ɳunhi ɳayi gurra märr-yuwalkthiyi nhanukaya, bala ɳayi yurru ɳunhiya yolŋu nhina walŋana yana."

Yolŋu waya bilyuna yätjthi romdhi bala God-Waŋarrwuya rom dupthunana

Romans 1:18-32

¹⁸ Yo. Bilina ɳayi gurra ɳunha God-Waŋarryu ɳaramurrrya nhanŋuway ɳayi milkumana beŋuya djiwarr'ɳuya, ɳurukiwayaŋgu yolŋuwu ɳayaŋu-yätjmiwuna ga rommiriwuna. Nunhi waya ɳuli djäma yätj malana rom, balakuya waya ɳuli gulmamana yuwalkŋuya rom dhawar̩thunawuya.

¹⁹⁻²⁰ Yolŋuya waya ɳanya yurru ɳunhi bäyŋuna nhämaya God-Waŋarrnhaya ɳurunuŋya wayaŋgiyingaya waya warraŋulwuyyu maŋutjiyu. Yo. Beŋu bili ɳunhi God-Waŋarryu djäma ɳäthiyi dhuwaya munatha' wäŋa, ga beŋu bili ɳayi djäma nhä malana dhuwaya munatha'ɳuya ɳorra, bala yolŋuya waya ɳunhiyi nhänjayana God-Waŋarrnha balakuyi. Bili djämayu nhanukaya ɳanya ɳunhi warraŋulkunŋayana, bukmak malŋ'maŋayana, ɳunhi ɳayipi yana wängany yuwalktja Waŋarrya, ga Dhärranhayŋu Nininyŋu ɳayi, ga Nutu Dal, ga ganydjarrya nhanŋu ɳunhi bayŋu yurru buwayakthi. Yaka yurru yolŋu ɳula yol waŋa bitjandhiyi, "Way! Dhuŋa ɳarra dhuwaya, bay. Yaka ɳarra nhanŋu marnŋgiya." Bitjandhiyi ɳayi yurru ɳula yol yolŋu yaka lakanhami, bili ɳayi God Waŋarrya linguna milkunhamina-. Yo. Bala God-Waŋarrya yurru ɳaramurrthina wayaŋgu, bili ɳayi ɳunhi linguna milkunhaminaya ɳanyapinya ɳayi dhawat̩manhaminana, märr ɳilimu yurru yolŋuya waya nhäma ga dharanjana ɳanya.

²¹ Yo. Yolŋuya waya ɳunhi linguna marnŋithinaya nhanŋu God-Waŋarrwuya, yurru bäyŋuna waya ɳuli buku-ɳal'yuna nhanŋu ga buku-wekanha ɳanya. Yo liyaya wayaŋgu ɳunhi bäyŋuthinana; ga bäyŋuna waya ɳunhi guyanina latju'kuŋaya ɳula dhunupaya, bili yakurru wayana ɳunhi mulkurrya gungaŋayana. ²² Ga waya lakanhamina bitjana, "Way. Nunhi ɳanapu wirrkina marnŋgi." Yurru yuwalktja waya ɳunhi liya-dhumukmi balanya. ²³ Yo. Yolŋuya waya yuwalktja ɳuli gänaya nhanŋu God-Waŋarrwuya buku-ɳal'yuna bili ɳayipi yana ɳunhi yuwalk manymak ga djeŋarra'miya ga walŋa-wiyinŋumiya Waŋarr, yurru bäyŋu waya buku-ɳal'yuna nhanŋu God-Waŋarrwu. Yo. Waya ɳunhi waŋarrkuŋaya ɳunha wiripuna malana, ɳunhi mala ɳunhi waya goŋdu wayaŋgiyingaya waya djäma wuŋili' mala, ɳula nhäna yolŋukuŋaya, ga wäyinguŋaya, ga wiripuya bäpikuŋaya, ga wiripuya, ga ɳurikiyi malanjuwu waya ɳuli märr-ɳal'yuna.

²⁴ Yo, liya-dhumukthina waya God-Waŋarrnhaya, bala yana ɳayiya wayana gunhay'yuna djälyi wayaŋgaya ɳunhi nhaku waya ɳayaŋu-djälmiyina, ga djäma ɳunhi ɳula nhä yätjnhä yuwalkna gorawekanhamina rom mala dhiyanu rumbalyu wayaŋgiyingaya waya.

²⁵ Yolŋuya waya ɳunhi bili dharanjana yuwalkŋuya rom God-Waŋarrwuya, yurru yakana way ɳunhi djälthinaya; yana waya ɳunhi gananŋ'maŋayana ɳunhiyi yuwalkŋuya dhukarrŋu, bala ɳurruiyi nherraŋa waya ɳunhiyina nyäl'ŋuna rom. Bala waya ɳunhi buku-ɳal'yuna ga märr-ɳal'yuna ɳurikiyina bili malanjuwu ɳunhi ɳayi God-Waŋarryu bokmana, ga bäyŋuna waya ɳunhi buku-ɳal'yunaya

nhanjuwuya God-Wanjarrwuya, ɳurikiyina bili ɳunhi ɳayipi ɳama-ɳamayuna nhä mala bukmak yana. Yo. Yolŋuya waya yurru ɳunhi märr-yuwalkthi ga wokthuna nhanjuwuy yana God-Wanjarrwu bitjana bili yana. Yo, dhuwaya yuwalk dhäwu.

²⁶ Yo. Yolŋuya waya ɳunhi djälthina yätjkuna romgu, bala ɳayi God-Wanjarryu wayana ɳunhi gunha'yuna ɳunhamayina romdhi wayanjiyingayana ɳunhi gora-wekanhami yina. Bala waya ɳuli ɳunhi märranhamiya djarrpi'nha yana. nhakuna miyalk maɳda ɳuli märranhami miyalknha yana maɳda. Balanyayi bili ɳunhiyi rom djarrpi'na yana yuwalknha, yakana dhunupa. ²⁷ Ga bitjanayi bili wayaya ɳuli dirramu waya märranhami djarrpi'kunhami; bili waya ɳunhi gulyuna miyalkaya wayangaya galŋa-mulkunhami yua, ga wirrkina waya djälya waya yurru dirramu ga dirramu galŋa-mulkunhami yua. Yo, djämaya waya ɳuli ɳunhi yuwalknha yana yätjha gora-wekanhamina romya, yakana manymaktja. Ga ɳunhi waya gurrana bitjanayi djäma, ɳunhiyi waya yurru mariyina gärrí.

²⁸ Yo. Njurruŋuya ɳunhi yolŋu waya marŋgi God-Wanjarrwu, yurru waya ɳanya ɳunhi menguŋayana, yaka waya nhanju djälthina. Bala ɳayi ɳunhi wayana gunha'yunana ɳunhimayina bili wayanjiyingayana djarrpi'yi romdhi. Bala waya ɳunhi djämaya ɳunhiyi yätjha rom, yakana latju'ya rom, bili wayangu ɳunhi ɳayanju guyanjinyawuya djarrpi'thinana wirrkina. ²⁹ Yo. Balanyayi ɳunhi yätjtja yolŋu gam', wanaja-dumuyu, ga manutji-di'yunhami, ga mari-djämami, ga rakunydhinyami, ga wiripuya ɳayi yolŋu balanya nhakuna buku-duwaṭnha mayali'-gänhamina, ga buwayakunhamina, ga gupa-waŋanhami, ga nyäl-ɳuṭu. ³⁰ Yo, ɳunhiyi nhakuna ɳayi God-Wanjarrya ɳuyulkthi balanyawu yolŋuwu wayanju, bili ɳayi ɳunhiyi yolŋu bitjanminana guyanjhamina yana beni ɳayi yindina, yana be ɳayi ɳunhi yolŋu njurruŋuna, bala ɳayi ɳunhi wiripuŋunhaya yolŋuna guyanji diltjiyina ga nyamir'yuna. Yo. Wiripuya ɳayi yolŋu djäl-ɳuṭu'nha wiripuŋuwuna ga wiripuŋuwuna yätjku romgu, ga wiripuya ɳayi yolŋu bäyŋuna dhäruk märrama yurru ɳunhi ɳandi'miŋuna ga bäpa'miŋuna, balanya nhakuna ɳayi djäl-gänajumina. ³¹ Yo, ɳunhiyi ɳayi yolŋu balanyana mulkurrdhumuknha. Wiripuya ɳayi ɳuli wäwuna-nherraŋ yolŋuna yurru dhäruknhha waŋganyinha, mayali'miriwnha, mel-wuyunamiriwnha yolŋu.

³² Yo. Balanyayina wayanju ɳunhi romdja mala, wirrkina yana yätj, ɳurukiwayanju yolŋuwu wayanju ɳunhi waya meŋguŋaya God-Wanjarrwu rom. Yo, marŋgi warray waya nhanju romguya, ɳunhi ɳayi God-Wanjarryu lakanjaya bitjana gam', "Nuli nhe ɳula yolthu yolŋuyu gurra mulka ɳunhiyi yätjtja yana rom, ɳayiya yurru ɳunhiyi ɳayi yolŋu rakunydhina yana." Yo, bilinga waya marŋgi ɳuriki Godkalaŋuwuya romgu, yurru waya ɳuli gurra baɖak yana djäma ɳunhiyi yätj rom mala, ga bulu waya ɳuli wiripuna yolŋuna wayana gur'yun ɳurikiyi yaʈjku malaŋu romgu.

2

7 8 9 10 11
12 13 14 15 16

17
18 19-20 21 22
23 24

25 26
27
28 29

3

1
2
3 4
5 6
7 8

9 10
11
12
13
14
15
16
17
18
19 20

21 22 23 24
25 26
27
28
29 30
31

4

1
2 3
4 5
6
7
8
9
10
11 12

13 14 15
16 17 18 19 20 21 22 23 24
25

5

1 2
3 4 5
6
7 8
9 10

11

12

13 14

... 15

16

17

18

19

20 21

6

1 2

3 4 5

6 7 8

9 10 11 12 13 14

15 16 17 18 19

20 21 22 23

7

1

2 3

4

5-6

7

... 8 9 10

11 12

13

14 15 16

17 18 19

20 21 22 23

24

25

8

1 2

3 4

5 6 7 8

9 10 11

12 13 14

15 16

17

18 19 20-21 22 23

24 25

26 27

28

29 30

31 32

33 34

35

36

9

1 2-3
4 5
6 7 8-9
10 11-12 13
14 15
16
17 18

19 20
.. 21
22 23 24
25
26
27 28
29

30 31 32
33

10

1 2 3 4

5 6
7
8
9 10 11
12 13
14 15
16
17
18
19
20
21

11

1 2
.. 3 4
5 6
7 8
9
10
11 12

13-14
15
16
17 18
19 20 21
22 23
24

25 26
27
28 29

30 31 32

33

34

35

36

12

1

2

3

4 5 6

7 8

9 10

11 12 13

14 15 16

17 18

19 20

21

13

1 2

3

4 5

6 7

8

9 10

11

12 13

14

14

1 2

3 4

5

6

7 8 9

10

11

12

13 14 15

16 17 18

19 20

21

22 23

15

1 2

3

4

5 6

7 8 9

10

11
12
13

14 15 16
17 18-19
20
21

22 23
24 25 26 27
28 29
30 31 32 33

16

1 2
3 4 5
6 7
8 9 10 11
12 13 14 15
16

17 18
19
20
21
22
23
24
25 26
27